

The Cicognara Library: Literary Sources in the History of

Published by the Leopoldo Cicognara Program at the University of Illinois at Urbana-Champaign in cooperation with the Vatican Library. Directors: Leonard Boyle, O.P., Prefect of the Vatican Library; and Elizabeth Wilson, the University of Illinois. Editorial and Production: Undergraduate Library, University of Illinois at Urbana-Champaign, Urbana, Illinois 61801, USA.

Location of Original:
The Vatican Library

Title Numbers:

There are two numbers on the header of each microfiche.

The number in the top right hand corner is the unique microfiche number. This number corresponds to the entry in the *Catalogo ragionato della Biblioteca Cicognara* (Pisa, 1821) reproduced as title 1 in the microfiche. The number in the bottom left hand corner is the number of the microfiche in the set of 6.

The number below is the number of the microfiche in the title, in the set of 6.

Technical Data:


Producing Laboratory: Vatican Library Photographic Department
Microfiche Copies: Made by Chadwyck-Healey Microform Publications, Cambridge, Cambridgeshire, United Kingdom
Date of Microfiche Edition: 1989-
Format: 30, 49, 60 or 98 frame, 105 x 148 mm, 24x nominal reduction
Film Type: Positive, silver halide, archivally permanent, process

Permissions & Copyright:

This title is reproduced by permission of the Vatican Library. The microfiche is the copyright of the Leopoldo Cicognara Program. No reproduction may be made without written permission of the Leopoldo Cicognara Program. Individual pages may be made for individual research and study.

A Note on the Original Material:

The Cicognara microfiche edition reproduces the entire *Fondo Cicognara* of Leopoldo Cicognara (1767-1834) assembled the largest and most important collection of books on art, architecture, archaeology, art history and criticism in existence. The detail in Cicognara's *Catalogo* (Pisa, 1821) which is the first title in the series. The library was purchased by the Vatican in 1824 and continues to be



Sources in the History of Art and Kindred Subjects

Program at the University of Illinois Library in association
onard Boyle, O.P., Prefect, the Vatican Library, Editors: Philipp
ty of Illinois. Editorial address: The Cicognara Project,
Illinois at Urbana-Champaign, 1408 W. Gregory Drive,

of each microfiche.

er is the unique microfiche filing number given to each title.
n the *Catalogo ragionato dei libri d'arte e d'antichità posseduti dal*
as title 1 in the microfiche series. The microfiche should be


e microfiche in the title, i.e. 2 of 6 means the second microfiche

Photographic Department
-Healey Microform Publishing Services, Basingbourn,

8 mm, 24x nominal reduction
ually permanent, processed to BSI & NMA standards.

of the Vatican Library. The arrangement of the pages on
oldo Cicognara Program. No copy of this complete microfiche
on of the Leopoldo Cicognara Program. Photocopies of
vidual research and study without reference to the publisher.

duces the entire *Fondo Cicognara* of the Vatican Library.
pled the largest and most judiciously comprehensive library
story and criticism in existence. The library is described in
1) which is the first title in this microfiche series. Cicognara's
1824 and continues to be preserved as a unit.





G
VI. B. 5

20

344.

Pietro da Cologna, Pietro Serretini, detto

detto

TABULAE ANATOMICAE

EX ARCHETYPIS EGREGII PICTORIS

PETRI BERRETTINI CORTONENSIS

EXPRESSAE ET IN AES INCISAE

O P U S

CHIRURGIS ET PICTORIBUS APPRIME NECESSARIUM

ALTERAM HANC EDITIONEM RECENSUIT

NOTHAS ICONAS EXPUNXIT PERPETUAS EXPLICATIONES ADJECIT

FRANCISCUS PETRAGLIA

PHILOSOPHIAE ET MEDICINAE PROFESSOR.



ROMAE MDCCCXCVIII.

IMPENSIS VENANTII MONALDINI BIBLIOPOLAE


PRAESIDEM FACULTATE.

NATALI SALICETO VC.

PII SEXTI P. M.

ARCHIATRO

EJUSDEMQUE AB INTERIORE CUBICULO.



JOSEPHUS ANTONIUS MONALDINI BIBLICPOLA

s.



Uum insignes Petri Berrettini Tabulas anatomicas jam alias quidem vulgatas, nunc tamen quanta maxima diligentia fieri potuit, perpolitas, perfectasque prælo reddere statuissem; visus sum mihi operæ pretium facturus esse, si Virum omni laudum

genc-

genere cumulatam, eundemque exquisitissimi sensus hominem, qui amplitudine sua, doctrinaeque praestantia Editionem ipsam honestaret, & in elegantissimis librorum Editionibus comparandis omni in vita versatus, auctoritate sua hanc quoque ceteris commendaret, potissimum patronum deligerem. Ac mihi quidem vix de tali eligendo patrono cogitanti Tu statim occurristi: quem sicut ob summam medicae artis peritiam, qua polles, ne laudare quidem quisquam satis commode potest; ita unus dignus es, in quem oculos, mentemque velut ad exemplum conjiciant, quicumque librorum aliquem delectum facere velint, elegantiaeque dulcedinem degustare. Atque egregiae virtutis tuae laudes praedicandi copiam, facultatemque concedens multis, quod est Bibliopolae proprium, selectas, & ad artis numeros exactas librorum Editiones pernoctare, ac commendare, quoniam hanc artem profiteor, & in ea aetatem consumpsi, si id mihi assumo, videor id meo jure quodammodo vindicare. Norunt quidem omnes studia tua, quae tantum tibi nomen, splendoremque conciliarunt; norunt tuum ingenium, cujus ab ineunte aetate documenta edidisti vel maxima; norunt, quantum in medica arte profeceris, quantaque ex ea inde apud omnes hominum ordines extiterit, existatque etiam nunc nominis, virtutisque tuae commendatio; norunt denique, quanta singularis doctrinae fama, auditorumque utilitate in hoc Romano Lyceo quatuor, & viginti integros annos anatomicam facultatem professus fueris; quique concursus hominum non modo adolescentium studiosorum, sed doctissimorum quorumcumque, quorum est Romae ingens copia, ad te fieri solerent, dum statis de more diebus hujus Facultatis scholas in anatomico Theatro haberes: quo tandem factum est, ut, quum per omnes honoris, & praemiorum gradus in eadem facultate processeris, dignus sis habitus, qui Pontificius Archiater creareris. Haec manifesta sunt omnibus:

v
bus: quorum idcirco non potest nisi communis esse in hisce
laudibus extollendis prædicatio. Verum mihi liceat unum il-
lud præ ceteris de te prædicare, in præclariorum librorum de-
lectu, atque in nitidissimis quibusque, præstantissimisque eo-
rum dijudicandis, nullisque non sumptibus Editionibus com-
parandis paucos esse, qui tibi conferri possint. Atque id fa-
tis, vel tacente me, magnificentissima illa, quam domi ha-
bes, Bibliotheca per se loquitur, in qua & flos extare inge-
niorum, & typographici nitoris veluti exemplar videtur.
Quam ob rem alteram hanc Petri Berrettini Tabularum Edi-
tionem a me typis commissam, & magnifico, sumptuosoque,
quoad fieri potuit, apparatu concinnatam, statui non alii po-
tius, quam Tibi esse jure nuncupandam. Qua quidem ex re
duplicem me fructum, eumque amplissimum consequuturum
puto, ut videlicet docti, gravesque viri intelligant, & me no-
mini tuo meritam laudem retulisse (quæ tamen jam tanta est
apud omnes ut ei vix quidpiam alicujus præconio addi posse vi-
deatur), & Editioni huic meæ maximum præsidium ex aucto-
ritate, patrocinioque tuo conciliaffe. Innotescet enim sic quo-
tidie magis excelsus ille animus tuus, *nullius*, ut Flacci verbis
utar, *avarus*, atque in una consecranda virtute, ejusque insi-
gnioribus conquirendis ornamentis supra privati hominis condi-
tionem occupatus: tum illud in meam utilitatem maxime ce-
det, quod Editio hæc mea tibi optimo harumce rerum æsti-
matori inscripta, atque probata judicio, jam sibi maximam
adcessisse ex ea re commendationem sentiat. Omnes enim, qui
tibi placuisse hanc meam Editionem intelligent, non poterunt,
quin sibi quoque placere eandem debere arbitrentur. Quod si
hæc observantiæ in Te meæ significatio benevolo, libentique
animo a te accipiatur, nihil plane erit reliqui, quod mihi
hoc tempore commodius, nihil, quod honorificentius accidere
possit. Vale.

CENSORUM AUCTORITATES.

DE mandato Rm̃i P. Th. Mariæ Mammachii S. P. A. Magistri vidi, & diligenter evolvi Librum, cui Titulus *Tabulæ Anatomicae*, quæ feruntur a magno nominis Pictore Petro Berrettino vulgo Cortonensi incisæ (an a meo quasi conterraneo Guillelmo Riva, an verosimilius a Joanne Maria Castellano delineatæ?) secundis, sed longe accuratioribus, ac severioribus excellentis in re medica Viri Dñi Francisci Petraglia curis renovatum, perpolitum, & auctum. Novam hanc libri Editionem forma, & emendationibus præcedente elegantiore, gratam, utilemque nedum Medicis, sed Pictoribus, & Statuariis fore non dubito: idcirco, quum in hac nihil contra fidem, bonos mores, & Principum obsequium haberi cognoverim, ad rei anatomicae, ingenuarumque Artium incrementum Romanis Typis edi posse censeo. Romæ Id. Kal. Dec. MDCLXXXVII.

*Georgius Bonelli e Collegio Archiatr.,
Clasis Medicæ in Romano Archigymnasio Decanus, Soc. Esc.*

UT voluntati Rm̃i Patris Th. Mariæ Mammachii Sac. Palat. Apost. Magist. obsequerem, attente, diligenterque percurri Librum, qui inscribitur: *Tabulæ Anatomicae Esc.* ab excellentis doctrinae Viro, atque in Medicina in primis claro Francisco Petraglia, secundis auctum curis, atque perpolitum, nihilque in eo deprehendi, quod pietati cujusquam, aut religioni ulla in re obesse possit. Immo plane multa perlegenti mihi occurrerunt, quæ quum præfatum Auctorem hominem esse undecumque doctissimum, tum multo magis etiam anatomicarum rerum peritissimum, aperte ostendunt: qui Icones humani corporis omnes, ac singulas partes exprimentes tam præstabili eruditione, tamque acuti, elegantique judicio declaraverit, ut Editio illa vetustior non emendata modo, & perpolita, sed etiam e tenebris, in quibus jacebat, in splendidissimam lucem traducta, planeque renovata videatur. Quamobrem censeo, atque adeo in certam spem venio fore, ut non magis literati homines, Medici, & Chirurghi habeant ex hoc Libro, in quo ingenium, ac solertiam suam exercere, hoc si velint, ostentare assatim possint, quam Pictores, Sculptoresque, atque id genus Opifices plurimum etiam in his Iconum rationibus, si easdem accurate inspiciant, adjuventur, multoque in arte sua numerosiores, elegantioresque evadant.

Romæ Pridiæ Nonas Decembres MDCLXXXVII.

Andreas Maximinus in Nosocomio B. M. Consolationis Chæurgus Primarius.

CUM jussu Rm̃i Patris Sac. Palat. Apostol. Magistri Librum a Francisco Petraglia clarissimis Medicinæ scientia, secundis auctum curis, atque perpolitum attente legerim, nihil prorsus in ipso offendi, quod recte Fidei Dogmatibus, aut morum probitati refrageretur. Quin immo eundem tam scite, luculenterque scriptum deprehendi, ut sententiarum nitore, eruditionis, qua passim illustratur, copia, tum Iconum omnes, ac singulas humani corporis partes exprimentium perspicua declaratione non magis Medicis, Chirurgis, Pictoribus, & cuivis anatomicarum rerum studio, utilis, ac necessarius esse; quam hæc earundem Iconum nova Editio antiquiorem illam, quæ adhuc in omnium manibus versata est, non emendasse modo, sed etiam longe aliam reddidisse, immo plane superasse videatur. Romæ X. Cal. Decembres MDCLXXXVII.

*Josephus Flajani PII SEXTI Chæurgus Ordinarius;
& Nosocomii S. Spiritus in Saxia Chæurgicæ Doctor, ac Professor.*

IMPRIMATUR,

Si videbitur Reverendissimo Patri Sacri Palatii Apostolici Magistro.

F. X. Passeri Vicegerens.



IMPRIMATUR.

Fr. Th. Maria Mamachius Ord. Præd. Sac. Pal. Apost. Magister.

LECTO-



LECTORIBUS HUMANISSIMIS

ANATOMES STUDIO SIS

FRANCISCUS PETRAGLIA

PHILOSOPHIAE, ET MEDICINAE PROFESSOR.



UUM multa sunt, eaque perillustria doctrinarum genera, quæ jucunditate, atque utilitate sua hominum studia ad se alliciunt, suoque veluti jure sibi vindicant: tum vix ulla ex iis omnibus alia doctrina meo quidem judicio magis hominum animos percellit, ac quodammodo ad se trahit; quam quæ totum corporis humani machinamentum, mirificamque structuram ordine explanare instituit, quæque *Anatome* trito apud eruditos homines vocabulo nuncupatur. Ad eam sane rem extant jampridem celebratissimæ Petri Berrettini Cortonensis Pictoris eximii Tabulæ anatomicæ, quæ jam inde, quum primum in lucem prodire, summo omnium, quicumque erga anatomicam facultatem bene animati erant, favore fuerunt exceptæ. Nec injuria: propterea quod diu vix potest, quanta solertia, quantaque anatomicæ artis peritia singulæ corporis huma-

ni partes, origines, propagationesque nervorum, musculorum multa, ac varia inter se genera naturali in positu descripta, atque accuratius expressa iis in Tabulis deprehendantur: quam venisse præterea, quamque assabre Icones omnes ad veri normam, ac similitudinem effectæ sint. Verum hoc in ipsa operis præstantia perincommode cadit, quod & harum Tabularum rara hodie exemplaria, ac ferme nulla reperiantur, & si qua pauca reperiuntur, ea mendis, erratisque quamplurimis, quæ in singularum Tabularum expositiones, nescio quo fato, irrepsert, non parum deturpentur. Atque illud sane primum Pictoribus, alterum vero ipsis Anatomicis studiosis Viris cupiditatem iniecit, ut memoratæ Berrettini Tabulæ emendatius iterum typis mandarentur, & proferrentur in lucem. Ut igitur huiusmodi qua Anatomicorum, qua Pictorum votis aliqua ratione fieret satis, eas nos Tabulas, quæ jam alias quidem vulgatæ fuerant, prælo reddendas curavimus.

Hujusce autem mei consilii causam, rationemque legenti exploratam, perspectamque faciam, si pauca prius de anatomicis hisce Tabulis dixerò ad lucem in universum ipsum Opus diffundendam: ut ne cui aliquando temere fortasse, atque inconsulto ad hoc onus suscipiendum videar accessisse. Atque illud in primis hic adnotandum est, quisquis fuerit prædictarum Tabularum Auctor anatomicus (neque enim certe is fuit idem, qui eas calamo, aut scalpro expressit), non potuisse ipsum ea omnia, quæ animo comprehenderat, evulgare. Et id quidem vel paucis admodum, vel etiam nemini scimus Anatomicorum adhuc contigisse, ut idem, quod sibi proposuerat, plene, ac perfecte assequeretur, & anatomicum Opus numeris, ut dicitur, suis absolutum traderet posteritati. Quum enim ad id conficiendum & Icones ipsas humani corporis partes singulas exprimentes colligere in primis, ac præparare, deinde ubi adumbratæ, ac perfectæ ab idoneo Pictore fuerint, exponere singulas, ac declarare opus sit; ad hæc vero omnia frustra nitaris, nisi ante improbos, diuturnosque labores, molestias, ac vigilias in innumeris prope dicam mortuorum corporibus secandis, perscrutandisque pertuleris: si quis sane in hac tam aspera, tamque longa investigatione versetur, plerumque accidit, ut eum prius vita deficiat, quam ipse ad præstitutam laborum metam perveniat. Quod quidem infortunii & Bartholomæo Eustachio ceterorum Auctorum, qui Tabulas anatomicas tradiderunt, facile primo, & Gabrieli Falloppio maxime contigit, quorum unus quum suam omnem ætatem in incidendis cadaveribus, conficiendisque Tabulis consumpsisset, tandem senex factus,

ne,

ne, quod paraverat, cujusque editionem promiserat, anatomicum Opus vulgaret, morte prohibitus est: alterum vero, dum anatomicas Tabulas, quas suis in operibus pollicitus fuerat, elaborabat, immatura mors decerpfit. Jam vero quum neque harum, quæ nunc denuo e typis prodeunt, Tabularum Auctor unus eximius, cui mors parceret, extiterit; hinc factum est, ut eadem Tabulæ postea quam a Berrettino expressæ fuerunt, multos annos neglectæ in tenebris omnino delituerint: & si demum inde fortuito emerferunt, lucemque adeo revifere, nudæ tamen, puræque Icones sine ulla prorsus expositione, ac plane desiderato ipsius Auctoris nomine innotuerint.

Jam vero quis harum Tabularum fuerit Auctor, disputant inter se eruditi homines. Nonnulli enim anatomicum hocce Opus Veslingio, pertenui tamen moti argumento, adjudicant. Albertus Haller in eam sententiam descendit, ut insignes has Tabulas Guillelmo Rivæ Chirurgo præclarissimo tribuendas esse censeret, ea potissimum ratione ductus, quod in Gottingensi Bibliotheca harum Berrettini Tabularum anatomicarum Volumen extat, in cujus fronte Guillelmi Rivæ, veluti Auctoris operis, effigies insculpta est. Verum & aliud non leve quidem argumentum confirmare Halleri sententiam videtur. Nam hic Romæ in Amphitheatro anatomico Nosocomii B. M. Consolationis, quam parvam microscopi anatomicam figuram harum Berrettini Tabularum volumen prima veluti fronte præfert, eadem ipsa, tametsi coloribus ad vivum expressa, & humana statura grandior reperitur: ex quo sane conjicere licet, ex hac Rivæ archetypa grandiore figura parvam illam, quam hæ Berrettini Tabulæ præferunt, relatum, expressamque fuisse. Mira profecto industria, atque anatomicæ præterea artis intelligentia, quæ in ea præstantissima Tabula emicant, insignem, eximiumque Anatomicum arguunt, a cujus certe laude Rivæ minime abhorret. Illud tamen unum hac in re certum est, atque omnibus compertum, in præfato Nosocomio plurimum operis, studiique in incidendis cadaveribus Guillelmum summa cum ingenii laude impendisse. Atque hujus quidem inclyti ejus laboris, atque solertiæ extant adhuc in Amphiteatro memorati Nosocomii nonnulla, etsi injuria temporis attrita vestigia, in quæ oculos, mentemque non sine maxima admiratione se intendisse fâctur Vir humanitate, & eruditione præstantissimus, longeque tot editis immortalis ingenii sui monumentis Orbi litterato notissimus Andreas Massimini ejusdem Nosocomii ordinarius Chirurgiæ Professor. Huc accedit Joannis quoque Fantoni

ni auctoritas, qui hasce Berrettini Tabulas sibi ex Batavia, velut proprium Rivæ opus, delatas fuisse testatur in suis dissertationibus anatomicis. At vero omissis iis, quæ fortasse leviora videri possint, tamen hac in re non sunt omnino contemnenda, Guillelmum scilicet in suo Testamento nullam omnino de iis Tabulis mentionem fecisse, easdemque Tabulas in Indice supellectilis, ceterarumque rerum, quas ex hæreditatis jure idem Riva obtinuerat, plane desideratas fuisse: temporis ratio maxime impedimento est, quominus præfatas Tabulas eidem attribuamus. Petrus enim Berrettini has easdem Tabulas elaborare coepit anno 1618., ut ex prima Tabula patet: Guillelmus vero Romæ anno 1677. quinquagenarius obiit. Quod si quo tempore scalpi Tabulæ coeperunt, nondum Riva inter homines erat: nonne hunc earum Auctorem non modo non fuisse, sed neque esse potuisse satis luculenter ostensum est? Porro autem præfatum Hallerum, quum suam ipse de harum Tabularum Auctore sententiam protulisset, deinceps vero Viri excellentis Hunteri aliquantulum movit auctoritas (a). Missis enim hic ad Hallerum literis, eundem certior facit de quibusdam Tabulis anatomicis, quas apud se esse testatur, ea inscriptione = *Vente Tavole anatomiche fatte da Pietro da Cortona nell' Ospedale di Santo Spirito in Roma ajutato dal celebre Chirurgo Nicola Lachè.* = Addit præterea memoratus Hunterus in eadem epistola, Auctorem Tabularum, de quibus sermo est, in id potissimum mentis aciem intendisse, ut omnes nervos corporis humani, eorumdemque propagationes ostenderet, tum supplementum quoddam ab alieno, nulliusque judicii homine insertum iisdem Tabulis fuisse. Verum pace Halleri dixerim, hæc leviora sunt, quam ut nos permovere ulla ratione possint. Atque illud in primis monitos Lectores velim, Tabulas anatomicas, quas modo illustrare, ac declarare animum induximus, esse septem, & viginti, sibi que omnes apprimè consentaneas, imo plane eundem Auctoris stylum, rationemque perpetuo præferentes: quas vero Iconas partim ex Casserii, partim ex Vesalii Tabulis depromptas comperimus, eas jam nos utpote aliena manu intrusas expunxisse. At nostras hasce Tabulas alias plane esse ab iis, quas memorat Hunterus, ex eo maxime constat, quod, etsi in hisce nostris corporis humani nervi expressi, deformatique conspectui subjiciuntur, potiores tamen sibi partem vindicant muscoli, qui non magis apte, & ~~distincte~~, quam ~~eleganter~~, concinneque describuntur: quum tamen in Hunteri Tabulis nervos præcipuum fuisse Auctoris scopum idem Angelus aperte fatea-

(a) Bibl. Anat. Tom. 2. addenda Tom. 1. p. 752.

fateatur. Huc accedit, nomen Chirurgi Nicolai Lachè in Tabulario Nofocomii S. Spiritus in Saxia omnino desiderari. Igitur (ut, quod res est, fateamur) existimandum est, memoratum Hunterum, ut anatomicis Tabulis sibi quoquo modo comparatis auctoritatem aliquam conciliaret, easdem Petri Berrettini Cortonensis Pictoris eximii simulato nomine venditasse. Inter Trewii autem libros Tabulas anatomicas olim Guillelmo Rivæ, nunc denique Rivastenio inscriptas deprehendi, nulli rei est nobis, qui harumce Tabularum Auctorem alium prorsus, & a Guillelmo, & a Rivastenio fuisse contendimus.

Verisimilius igitur, & probabilius putant alii, hasce Tabulas Joanni Mariæ Castellano, qui superiore seculo ineunte Romæ floruit, quique primus celeberrimam Casanatensem Bibliothecam inchoavit, esse tribuendas: tum quod in *Phylacterio de Flebotomia, & Arteriotomia*, quod quidem opus ipse summa cum industria concinnavit, ediditque, dux animadvertuntur Icones designantes singulas venas, & arterias, quibus incisis sanguis elici solet; hasce autem ipsas Figuras exhibet Berrettini Tabula XXIV., hoc solum discrimine, quod Berrettini Figuræ venas una cum valvulis exhibent, quæ quidem valvulæ in illis Castellani Iconibus desiderantur; tum quod præterea magnum Opus anatomicum in folio cum amplis Figuris Castellani reliquisse ab ipsius æquali Leone Allatio traditum est. Quamobrem facile assentimur Moehseno, qui anatomicum Opus a Castellano, teste Allatio, relictum has easdem esse Berrettini Tabulas contendit.

Riolanus in postrema suarum animadversionum ad Veslingii syntagma anatomicum septem laudat elegantissimas anatomicas Tabulas Romæ excusas, in quibus omnes totius humani corporis nervi miro artificio deformati conspiciuntur. Quænam hæ Tabulæ sint, se ignorare fatetur Winslowius. Fantonus quidem de primis septem Berrettini Tabulis Riolani fuisse loquutum arbitratur.

Quisquis autem harum Berrettini Tabularum Auctor fuerit, illud pro certo habendum est, post ipsius Auctoris obitum, eum, qui hasce nondum editas Tabulas in manibus habebat, Berrettini Iconibus alias plurimas ex Vesalii, nonnullas vero ex Casserii Tabulis anatomicis depromptas Figuras admiscuisse, ratum, se ita perfectioni operis consulturum. Id manifeste patet, neque cuique latere potest, qui Vesalii, atque Casserii Tabulas noverit. Insuper nunnularum Iconum inconcinna prorsus, atque inordinata in ipsarum potissimum areis describendis distribu-

tio, & a principe Figura insignis discrepantia: tum vero maxime earumdem forma, atque ratio a Berrettini stylo longissime abhorrentes, ab aliena eas manu in genuinas Berrettini Iconas intrusas fuisse clare, aperteque demonstrant.

Nunc vero ut mei consilii rationem, quod initio pollicitus sum, plene, atque integre patefaciam, primum eas ipsas Iconas, quæ in has Berrettini Tabulas sorte non sua injectæ sunt, literatorum hominum sententiæ obsequutus, expungendas, delendasque omnino esse statui: potissimum quum, si quis earumdem Iconum cognoscendarum sit cupidus, eas, quum libuerit, in Vesalii, unde præcipue fuerunt depromptæ, lucubrationibus satis quidem copiose, luculenterque explanatas invenire possit. Id vero eo consilio feci, ut memoratæ Tabulæ eodem ipso nitore, elegantia, atque ingenuitate, qua a præstantissimo earum Auctore comparatæ fuerant, in lucem nunc denique emitterentur.

Quoniam vero harumce Tabularum Icones nulla Auctoris expositione, ut supra dixi, repertæ fuerunt; jam tum ab initio, priusquam vulgarentur, onus impositum est Romano Chirurgo rerum anatomicarum peritissimo, ut singulis Iconibus singulas quoque, congruentesque expositiones accommodaret. Quod quidem onus sibi impositum, quum ille, non satis laudabiliter tulisset, atque expetitos commentarios parum diligenter adornasset, anno 1741. eadem Tabulæ una cum expositionibus Iconum typis mandatæ fuerunt. Vix tamen credibile est, quam multa, quantaque vitia in eam Editionem irrepsissent, quamque negligenter progressu temporis, atque oscitanter asservatæ eadem Tabulæ fuerint, ipsarumque castigatio neglecta. Quare quum certum jam, deliberatumque esset, ob supra memoratas causas iterum typis eas ipsas tradere; quumque non omnem mihi lapidem non movendum ducerem, ut altera hæc editio quavis sui parte perfectæ, & probata omnibus feliciter eveniret: mihi munus demandavit Josephus Venan. F. Monaldini, ut, quæ hinc inde in his Tabulis sparsa menda, atque errata caliginem tanto operi perinique sane offundebant, extirparem singula, nitidumque, ac perpolitum opus omnibus, qui hisce studiis delectantur, restituerem.

➤ Hæc omnis mei consilii ratio, hoc meum omne propositum fuit. Habetis jam, anatomicarum rerum Amatores, quod jampridem expe-
tebatis, anatomicum opus numeris omnibus, nisi valde opinione fallimur, absolutum. Habetis Petri Berrettini Tabulas anatomicas omni labe expurgatas, tum vero apte, distincte, ornateque expostas: ut ipse mihi ju-
re

re lætandum esse videam, qui easdem Tabulas ex indecoro pulvere, in quo misere jacebant, eruerim, atque ea, qua potui, industria perfecterim, ut, quàmquam eæ jam alias quidem vulgatæ fuerint, nunc primum pro dignitate sua in lucem prodisse videri possint. Quod si id egi, atque in hoc elaboravi, ut scientiis, optimisque artibus, quo par erat, decore hoc tam illustre monumentum redderetur, quod quidem & Anatomes Cultoribus suppeditat, unde exercere se in optima facultate queant, & Pictoribus, unde totius humani corporis, ejusdemque partium multas, ac varias formas possint ad imitandum intueri: profecto hunc qualemcumque laborem meum cuivis facile se probaturum confido. Certe si quid peccavi, in eam partem peccavi, quæ cautior est.

Hæc ferme erant, quibus vos, Lectores Benevoli, volebamus. Vos his fruimini, & valete.

Dabam Romæ XIV. Cal. Apriles MDCCLXXXVIII.

CORRIGENDA.

Tab. II. pag. 3. v. 31. zigomaticum	zygomaticum.
Tab. II. pag. 5. v. 5. cubitu	cubito.
Ibid. v. 22. tenuior	tenuior.
Tab. III. Fig. III. pag. 8. v. 30. sternohyoidæum	sterno-hyoideum.
Ibid. pag. 9. v. 7. platismamyodes	platysma-myoides
Tab. IV. pag. 12. v. 2. soleo	solæo.
Tab. V. Fig. I. pag. 10. v. 14. mastoidæi	mastoidæi.
Ibid. pag. 15. ostenderentur	ostendantur.
Tab. XI. Fig. II. pag. 31. v. 2. hyodæa	hyoidæa.
Tab. XII. Fig. I. pag. 34. v. 14. iliorum	ilium.
Ibid. Fig. II. pag. 35. v. 23. in hoc altero	in hac altera.
Tab. XIII. Fig. I. pag. 37. v. 11. hoc	hac.
Ibid. pag. 38. v. 19. hoc ipso	hac ipsa.
Ibid. Fig. II. pag. 39. v. 26. hoc	hac.
Ibid. pag. 40. v. 8. litera	literas.
Tab. XIV. Fig. I. pag. 41. v. 3. exposito	exposita.
Tab. XV. Fig. I. pag. 43. v. 14. hoc	hac.
Tab. XX. Fig. I. pag. 56. v. 4. diligentia	diligentia.
Tab. XXV. Fig. I. pag. 89. v. 12. pe	pér.



T A B U L A I.



Ommunibus sublatiis tegumentis, peritissimus Auctor in hac prima Tabula conspiciendos exhibet arteriarum, venarum, nervorumque processus, qui per primores, ut ita dicam, & extimos musculos diffunduntur. Ad Iconis vero nitorem eam tegumentorum partem reliquam facit in capite, quæ occipitium D tegit; detracta, quæ frontem ✕, mentum A, genas, tempora **, sinciput C, coronale B, inferioremque maxillam obsepit ☆, ut pars nervi auditus æ per genam propagata in oculos facile incurrat.

Deinde vero extremi cervicis nervorum ductus per priorem juguli partem, & clavicularem situm a, perque humeri verticem dispersi sese obijciunt in thorace literis x q e, quorum ille, qui post aurem ascendit in alios, atque alios ramos divisus, cumque præfata duri nervi portione conjungitur, & reversivus, sive recurrens trito apud Anatomicos vocabulo nuncupatur. Exhibent quoque musculos pectoris majores literæ FF, mam-

A

mas

mas GG, sternum H, ejusque finem, cui mucronata, quam Græci appellant Xiphoiden, aptatur cartilago. Præterea addit Auctor musculum oblique descendentem K a priore ejus parte separatim, ut qua lumborum, qua costarum nervis in ejus substantiam pateat introitus. Obliqui descendentis partem extrinsecus V indicat. In conspectum inde sese produnt quatuor cartilaginee SSSS, ab omnibus membranis sejunctæ, quæ verarum costarum novissimæ sunt, tum nothæ, seu adulterinæ TTT, ac dein supra musculum ascendentem ob oculos ponit memoratus Auctor eas ipsas nervorum extremitates n n n n, quas in læva parte obliquus descendens musculus affabre substratus perforare conspicitur. Hæc in abdomine adjacent sinister musculus rectus L cum contextis, confusisque nervorum, & vinculorum fibris 12, tum obliquus ascendens M, lumborum nervus, qui ad pudenda vergit n, scrotum u, atque inguinum, præterea glandulæ multo adipe refertæ tt.

In supernis artubus primò conspiciendi sese obijciunt deltoides musculi EE, biceps dexter N, sublimis, sive perforatus O, pronator longus P, radius Q, ac cubitæus R ambo interiores, quibus omnibus non magis venosæ r, quam nervosæ propagines interponuntur, plena, absolutaque serie. Et sane nervorum ille, qui in dextero brachio ad cubitum usque discurret, unicus, tenuisque truncus p, ex infimis scilicet, etsi latenter, cervicis exoritur vertebra; ab ejusdem autem mediis proficiscuntur BB, qui in dextero brachio ad Carpum usque exporriguntur, quique in sinistro flexuram cubiti B attingunt: ac dein a cervicis omnibus ductibus, hinc inde infitis, promanant tenues illi progressus p q, qui in sinistro brachio ad digitos distribuuntur. Axillaris autem vena in cubito extensa P, cum humeri vena conjuncta o s apparet.

Infernis denique in artubus perspicere licet nervorum illos processus • • • in sinistro femore supra membranofum muscu-

musculum se propagantes, qui in interiore etiam ejusdem musculi parte apparent. Quo facilius eos ostenderet Auctor, eundem membranosum musculum in dextero femore e proprio positu separavit, supinumque cum ipsis nervorum ductibus, qui ad lumbos attinent, summo artificio collocavit \odot . Lumborum quoque nervorum soboles est \odot , quæ ab inguine supra Sartorium musculum Y excurrit, tum I, quæ recto cursu ad genu usque descendit. Porro femoris verticem indicat X, z rectum vero musculum, b vastum interiore, a exteriorem, bicipitisque tendinem m: tandem tendinis ferme in speciem musculorum tibiam extendentium propagationem indicant cc, quæ per ipsius tibiæ rotulam ad supremum ejusdem tibiæ tuberculum propendit.

Sequuntur denique in tibia f, extensor magnus digitorum d, peronæus anticus c, peronæus posticus g, ac gemelli portio h, ex cujus extremo latere satis conspicuus crurum nervorum, ex osse sacro exorientium truncus K egreditur, qui ad digitorum quoque latera propagatur. Apparent etiam malleolus exterior l, interior i; calcaneum n, atque extimi saphenæ rami rr a malleolo interiore per adversam pedis partem diffusi.

T A B U L A I I.

EXtimis nonnullis musculis, quos in superiore Tabula indicaverat, a naturali situ sejunctis, interiores alios cum profundioribus nervorum, vasorumque ductibus exhibet in hujus secundæ Tabulæ Figura. Primo quidem Auctor conspiciendum objicit sinistrum frontis musculum A, buccinatorem B, superioris labri elevatorem D, zigomaticum quoque elevatorem C, quibus totidem etiam respondent

inf-

inferioris labii depressoires alii F, & G, tum sinistram glandulam parotidem a, tum durum auditus nervum B, ejusque ramum supra mandibulæ integumenta substrata I protensum, tum denique hiatum H, unde salivæ meatus producitur.

Apparent deinde mastoidei musculi KK, pectoris majores LL, obliqui descendentes MMM, a costarum cartilaginibus sssss, ad pubem usque producti; propagatus etiam obliquus ascendens NN ita apertius ostenditur, ut qui in propriam substantiam suprajaciuntur costarum, ac lumborum nervorum ductus non innotescant modo, verum etiam & alii ssss &c. conspiciantur, qui supra obliquum PP extenduntur. Demum in conspectum sese offerunt præfatorum musculorum concursus, ac tendinum OO, in lineam albam ☆☆☆☆.

Hinc in humero deprehenduntur deltoides RR, biceps dexter extra situm, sive obvolutus, sinister inde in positu SS conspicitur, cum horum dextero, ut magni brachiorum nervi processus a proprio situ affabre separatus appareat. Observatur quoque extensor longus b, atque extensor brevis c, quorum tendines olecranon, seu exteriorem ulnæ apophysim amplectuntur. Primo quoque adpectu sese offerunt in radio pronatores d, brevis nimirum d, & longus aa, tum supinator etiam longus extra situm substratus V, per cujus longitudinem magni brachiorum nervi ramus excurrit, ut promptiora eadem sint in omne opus, & sensu alacriore polleant. His etiam adhaerent Carpi musculi, initium flexoris pollicis q, tum radiæ exterior f, interiorque Z. Apparent alii volæ manus, ac digitorum proprii musculi, extensor scilicet magnus e, & sublimis, sive perforatus Y, ac palmaris præterea longus X, cujus tendinum extensio * extremos brachiorum nervorum processus ostendit.

Perfecta, & absoluta nervorum series sua veluti sponte sese in oculos ingerit: ac primum mediüs brachiorum nervus

E r,

ε r, qui leves quosdam adjacentibus musculis ductus imper-
tiens, ad extrema usque digitorum latera sinistrae manus u
pertingit. Porro nervosus axillae ramus δ in olecranon desi-
nens conspicitur, isque in dextero, tum alius quoque ramus
a sinistro cubitu proficiscens K ad carpum usque in extrema
parte propagatur.

Præterea venarum ductus per articulum ipsum dispersi
apparent. ε soboles est mediae venae, quæ profundior sub
axilla existit. Hæc subter magnum dexterum brachiorum ner-
vum tenditur, ut humerariam, vel cephalicam in vertice cū-
biti b constituat. Denique u indicat extimos venae, quæ sub
axilla est, ramos, ut in extrema laevae manus parte rr com-
munes superficiales, quas Medicorum vulgus *salvatellas* ap-
pellat, ostendat.

In femoris vertice carnosior membranosi musculi pars 4.
deprehenditur, atque inde sartorii i i., rectus m, vastus ex-
terior n, vastus interior l sub oculis sunt, quorum tendines
rotulam in situ TT amplectuntur. Insuper conspiciuntur in
tibiis qq, gemelli o o, solæus p, tibiae antiqui rr, pollicis ex-
tensores HH, digitorum etiam extensores tt, ac peronæi po-
stici ss. Sese quoque exhibent conspiciendos crurum nervi ε ε,
qui a lumbis proficiscuntur ε ε, quo loci paulo superius alii
lumborum nervi per laterales femoris partes expanduntur.
Sub oculis item versatur magnus crurum nervus ab osse sa-
cro exortus, qui in suppoplitæum n n abit, atque ad interio-
rem usque malleolum propagatur. Denique in conspectum
sese prodit saphæna xx in suppoplitæam desinens.

T A B U L Æ I I L

F I G U R A I.

MUsculis nonnullis detractis, atque imi ventris visceribus sublatis, interiores quoque alii nervorum processus sese obijciunt. A caveam ossis temporum designat, in quam temporum musculus ablatus infigitur. Palpebrarum orbicularem B ostendit, zigomaticum supra labrum substratum C, ut suppositi nervorum processus sua veluti sponte sese in oculos ingerant. Quinti nervorum paris ramus, a foramine *e* superioris mandibulae, quæ palatum constituit, egrediens duri auditus nervi pars est. Hæc autem a temporum ossis meatu proficiscens, non unico tantum ramo r, sed duobus etiam aliis inferioribus cum gustus processibus in complexiones, insitionesque alias, atque alias examussim dividitur. Inferioris vero labri depressorem musculum exhibet D, mastoideum in sinistro situ E, extimum cervicis nervum per deltoidem, & acromion variis ductibus hinc inde propagatum B ostendit; F dein dexterum pectoris majorem suo in positu offert. Extensum autem sinistrum denotat F, ut suppositæ partes in oculos facile incurrant. Nimirum ganglius brachiorum nervi litera *o* cum suis processibus indicatur, quorum unus D, in tres divisus ductus, per suppositos musculos venustatis tantum gratia, serpit; tenuis alter *n* supra eundem pectoris extensum discurret. Tertius denique tenuior ad pectoris minorem litera *g* extenditur. Q vero exhibet intercostalium, quos vocant, nervorum sobolem, quæ per ipsum humerum, tensoresque thoracis musculos propagatur. H autem indicat pectoris minorem, atque ossæas suppositas costas IIII, simul cum suis cartilaginibus tttttt, quarum tres solum in dextero latere sese primo adspe-

adspēctū objiciunt *ttt*, tametsi utriusque loci postremæ accurate quidem notantur literis *aa*, ut omnibus pateat verarum costarum ultimas esse.

Panniculus carnosus ab axilla proficiscens ad abdominis extremum inclinatur, in quem nonnulli costarum nervorum rami *T*, & brachiorum quoque in *K* vērunt.

Mucronatam denique indicat *u* cartilaginem. Scissos abdominis musculos *XXXX* exhibent, tum *rr* priorem, ac posteriorem quoque peritonæi partem, quæ septum transversum, ejusque propagationem in dextero latere *Y* subtus involvit. Ostendunt *psoas* musculos *ZZ*, per quorum dorsum primi lumborum rami *λ λ* diriguntur ad feminalia, & lumborum quoque sunt *μ μ*, qui per sinistros abdominis musculos serpunt &. Ultro incurrit in oculos postrema dorsi vertebra 12., atque lumborum quinque 1. 2. 3. 4. 5. suis cum interpositis cartilaginibus uno oculorum intuitu etiam percipiuntur. Demonstrant vero supernis in artubus *GG* deltoides, *LL* bicipites, x dexterum nervum per interiorem cubiti partem extensum, qui axillaris nuncupatur. Porro *i* offert ductus ultimos sinistri brachiorum nervi in extrema manus parte propagatos, atque, si quod res est, dicere volo, summo artificio deformatos. S autem litera interioris brachiorum musculi partem significat, *M* pronatorem longum, ab humeri apophysi resectum, & superiore parte elatum. *O* quoque exhibet exteriorem radii musculum, *N* quadratum, *P* cubiti exteriorem, atque palmarem, quem vocant, longum. *R* vero interiorem radii, *Q* interiorem cubiti ostendit.

Itaque quā sublatis integumentis in femore dextero, quā litera *a* reflexis, atque adeo sartorio musculo sinistro a proprio situ diducto, literæ *oo* exhibent truncum magnorum crurum nervorum, in duos minores alios divisum ramos *nn*, & *pp*, quorum postremi ad pollicem usque per interiorem artuum partem procedunt, suum ortum a lumbis ducentes. Insuper

in

in dextero femore sartorium musculus *c* designat, etsi paululum reflexum, in sinistro vero suam portionem indicat *c*, tamen in interiore tibiæ parte substratam, atque a crurum nervo perforatam. Oculis item occurrunt vasti exteriores *bb*, interiores *ee*, recti *dd*, quorum tendines rotulam *nn* exornant. Denique in tibiis *mm* gemelli *gg* apparent, tum extant solæ *bb*, tibiæ posteriores *ii*, prioresque tibiæ *ll*, ac extensores præterea magni digitorum cum tendinibus mirifice expressis.

F I G U R A I I.

HOC loco sua veluti sponte sese in oculos ingerit extima manus pars communibus tegumentis denudata, ut nervorum, venarum, extensorumque tendinum propagatio appareat. *A* indicat extimum ramum venæ communis, quam salvatellam appellant, ad pollicem, atque indicem extensum. *B* vero, & *C* sunt extremi cervicis nervorum ductus per exteriora digitorum latera diffusi. *D* autem demonstrat brevem pollicis tendinem, qui extensor dicitur, ad ultimum usque internodium productum. Hic autem originem sumit a medio cubito. Literæ denique *FFFF* offerunt quatuor tendines communium musculorum, qui digitos extendunt, manusque multarum artium ministras reddunt.

F I G U R A I I I.

AUCTORIS viam, ac rationem persequentes consultum habuimus nunc exponere eos ductus, quos durus nervus ad inferius jugulum dirigit. Primum enim indicat ejusdem extensionem a litera *B* usque ad *F*, ubi ultro quoque occurrit musculus mastoideus. Porro sese objicit ejus ramus *E*, qui sternohyoidæum musculus, & glandulam thyroidæam *T* pervadit.

vadit. Præterea litera V ostendit insitionem cum musculis C, atque X, qui trito apud Medicos vocabulo cervicales, & axillares nuncupantur. Iis adhæret jugularis externa conspirante cervicis nervorum ramo *r*, addito quoque jugulari ramo, qui cervicis nervorum trunco subest. Insuper apparet musculus platismamyodes substratus, ut nervorum rami A pateant: tum B parotidem glandulam indicat, G masseterem, L orbicularem palpebrarum, K superioris labii elevatorem, I præterea ejusdem depressorem, atque H denique inferioris labii etiam depressorem in mento, qui vulgo spongiosi musculi quoque appellantur. Postremo Q demonstrat maxillarem glandulam, D musculum hyo-thyroideum, O cartilaginem thyroideam, ac tandem R locum, ubi cricoidea cartilago collocatur.

T A B U L A I V.



A Pertis costis, atque detractis communibus integumentis in imo ventre, tum nonnullis musculis in diversas partes, atque loca ductis, sua veluti sponte sese in oculos ingerunt quum peculiaris nervorum distributio, tum multo magis etiam modus, atque ratio, quæ iidem nervi in humani corporis partes sese introducunt. Exhibet A frontalis musculi positam, K temporalem musculum suo in situ, idque ita, ut substrati nervi auditus duri extremi processus ultro incurrant. B vero superioris labii elevatorem paulo elatum, D depressorem, C buccinatorem, E masseterem, ggg corpora glandulosa, ipsis nervorum propaginibus colligata, ostendunt.

In cervice vero reflexus musculus, longus colli nuncupatus, litera *f* indicatur: in sterno autem hyoideus G, & thyroideus H apparet. Præterea gangliiformis nervi *b*, phrenici

nici *q*, imo plane vagi *i*, qua parte sese extendunt intra thoracem *l*, processus sese offerunt, addito ramo primarum cervicalium *n*. *P* significat partem musculi biventris in situ, quæ ad aurem dexteram usque producitur. Literæ *o o* demonstrant cervicis nervos, tum in collo, tum in humero extensos, simulque conjunctos. Porro *I* cucullarem musculum exhibet cum claviculæ principio *i i*; atque adeo pulmones aliquantulum deductos *a a*, pericardium *b*, prope arterias, ac venas discissum, cumque septo transverso *Z Z* conjunctum. Insuper objicit *c* cavam superiorem, quæ in axillarem *e*, & jugularem *d* fertur. Denique *1. 2. 3. 4. 5. 6. 7. 8. 9.* indicant costas, *8.* ossa sterni, *XX* triangularem musculum, addita interim integumentorum portione *Y*.

Ostensis inde musculis quum deltoide *L*, tum multo magis coracoideo *M*, quemadmodum in proprio positu locati sunt, ob oculos ponitur interius bicipitis caput *N*, quod Auctor plicavit, ut primorum cervicis nervorum ramum *t*, qui ad interiorem brachii præcipue ramum *O*, ipsumque bicipitem elatum extenditur, detegeret: idque ita, ut & processum magni brachiorum nervi *u*, supra extensorem longum *P*, atque brevem *Q*, & ramusculos, qui ab ultimis cervicis nervis profiscuntur *a*, apertius patefaceret. Sub oculis quoque sunt extremæ ejusdem nervi insitiones, quas in separata memorati bicipitis parte *S*, in pronatore longo *T*, palmari longo *V*, ac sublimi *X*, iisque elatis, & abscissis quisque facile deprehendere potest. Offendimus quoque in cubiti flexura ejusdem divisionem; tum brachiorum nervi dexterum truncum, & processum *r*, qui subter interiorem radiaum *B* a sensibus remotus apparet. Insuper animadvertitur sinister, qui supra interiorem musculum *Y* progreditur, atque intra flexores, ut ajunt, tendines in extremam fibrarum congeriem distribuitur. Porro exhibet *t* alium
nervo-

nervorum ramum, qui a posteriore humeri parte emergit, & a supinatoribus tum longo *Z*, tum brevi *R*, extrinsecusque radiæ *A* dividitur. Ac denique in lævo brachio extrema cervicis nervorum congeries $\varepsilon\varepsilon$ subter integumenta abscondita se offert; in dextero vero progreditur ad latera usque digitorum, conjuncta cum longissimo nervulo *r*, qui ad anularem, & auricularem digitum *E*, tum ad musciculum *F*, qui pollicis motum impertitur, sese extendit.

Deinde conspiciendi sese exhibent inferioribus in artubus lumborum nervorum trunci $\alpha\alpha$, qui in duos utrinque ramos *BB*, & *rr*, quemadmodum supra descripsimus, desinunt, tametsi alia ratione, ac via distribuuntur. Qui enim in dextero femore processus a ramo *B* emergunt, in sartorium musciculum *H*, ad femur *T* diductum, atque vastum exterio-rem *R*, extenduntur: etsi ab altero ramo *r* progredientes furculi in vastum interiorem *I*, & rectum *T* inflectuntur. Præterea ab ipso majore trunco α deflectunt propagines, atque in membranosum musciculum *G*, paululum sublatum, divergunt, ut substrati lumborum nervorum ductus in oculos ultro incurrant. Sub oculis quoque versantur in iisdem ductibus utrinque, & venæ, & arteriæ crurum, tametsi memoratus truncus *r* in ramos *B*, & *r* dividitur. Series tamen divisionis alia, atque alia est in sinistro femore, & dextero *Q*; tum quod interioris rami lumborum processus *B*, per sartorium musciculum *G*, perque gracilem *M*, ac integumenta præterea *N* serpunt: tum quod exterior ramus *r* unam tantum propaginem inter femoris musculos oblique protendit. Porro in utrisque tibiis nervorum ductus $\delta\delta$ ab ossis facri truncis proficiscentes cum suppoplitææ (quam dicunt) venæ trunco *m* conjuncti sequuntur: quemadmodum sequuntur peronæus prior *O*, tibiæ quoque prior *R*, ejusque tendo in lævo pede *Q*. Denique sese ultro offerunt digitorum exten-

for

for communis *P*, pollicis *V*, tibiæ posterior *T*, gemellus *Q*, cum soleo *S* conjunctus.

T A B U L A V.

F I G U R A I.

Substratis tam in capite, pectore, quam in imo ventre, atque in humero præterea musculis omnibus, conspiciendos-exhibet Auctor penitiores alios nervorum ductus quum in artubus, tum multo magis etiam in memoratis ca-
veis *a*. Porro quinti nervorum paris ramus supra sinistrum frontis musciculum *A* substratum apparet: cujus musculi comes *A* dextero in latere naturaliter positus jacet. Litera *u* indicat guttur, cui utrinque mastoidæi musculi *BB* adhærent, quemadmodum ipsi quoque principium claviculæ *ss*, ac musculus triangularis *r* supra sternum læva in parte substratum innititur. Sub oculis est in thorace dexter pulmonis lobus *p*, in sinistram partem divergens, ut tensi nervorum processus ostenderentur. Ultro etiam in oculos incurrit nervus vagus *B*, qui in cardiacum *d* abit. Exhibet *r* gangliiformem, quem dicunt, intercostalem, per anteriorem costarum partem propagatum, ac tandem membranam pleuram dictam supra mediastinum substratum, atque cum septo transversò *m* conjunctam parva litera *q* ostendit. Huic immediate adjacent hepar *n*, & circumvoluta intestina *ooooo*.

Dexteriore deinde in humero, cujus origo ex *t* profiscitur, posteriorem brachiorum nervorum truncum *o* exhibet, qui subter longum extensorem *E* discurrit, atque per adjacentes musculos propagatur. Præterea sub oculis versatur illius ramus *p*, qui supra deltoideum *C* extenditur. Se-
se deinde in oculos ingerit brevis extensor, qui a nervis *D*
perfo-

perforatur, atque per N excurrit, nimirum per brachiorum, exteriorem nervum in situ F locatum, & medio bicipite G divisum. In conspectum inde se prodit ejusdem nervosi trunci processus K, qui per sublimem musculum H, atque profundum I hinc inde spargitur. Spargitur quoque per duos alios ductus, quorum alter p in supinatorem, quem appellant, brevem X, & radii exteriorem M, pollicis extensorem N, inque digitorum extensoris tria principia L, & O dispertitur; alter vero rr per ipsum profundum I progrediens, in extimam manus partem intra pollicis tendines sese infert.

Porro sinisteriore in femore tenues tantum lumborum nervorum in varios ramos processus n ostendit, quorum brevior s extrinsecus in genu usque ad plantam pedis t vergens, oblique fertur supra gracilem l, feminervosum i, femimembranosum h, bicipitemque g. Longior vero t, emissis ex genu, ac musculis gemello c, ac soleo d nonnullis ductis, ad pollicem usque desinere conspicitur. Insuper extremitates v, & φ magnorum crurum nervorum ab osse sacro proficiscentium in pollicis deducentem musculum f, digitorumque flexorem brevem, sive, ut alii malunt appellare, plantarem e desinunt.

Dextero denique in femore sublati integumentis P, in qua tenuis immittitur lumborum nervorum ductus s, vix conspiciendus se exhibet nervosus ramus o, vastum exteriorem Q perforans, tametsi omnes suo in situ muscoli relictii apparent, sartorius nimirum S, rectus R, & biceps T, ac vena præterea crurum sinistra, quæ per præfatos nervos s distenditur. Denique in tibia truncus gemelli dexteri YY, detracto capite, ac suppoplitæi nervi ab osse sacro progredientis apparet hoc signo + indicatus, qui quidem truncus in alios, atque alios ramos dividitur; quorum exterior ω in ge-

mellum Y, plantarem longum T, & soleum a sese diffundens, in extremum malleolum, ac in digitos definit. Alter vero ejusdem trunci crassior processus ≡ ≡ ex tibiæ antico V, pollicisque extensore Z egrediens, per extensores tendines in extrema pedis parte disperditur; tandem b exhibet extensorem brevem cum suis tendinibus.

F I G U R A I I.

A Posteriore cervicis parte musculis nonnullis sublatis, cervicis nervorum processus, & insitiones in ipsis musculis Auctor conspiciendas exhibet: exhibet quoque alterum cervicis truncum litera H, qui in tres alios ramos dividitur, quorum unum L indicat, supra spinatum A, & transversalem B, extra proprium situm positos, ut memorati nervi facilius in oculos incurrant: alter vero ad literam E convergit; tertius dein recta descendens cum tertio cervicis trunco I conjungitur, qui longis, variisque ductibus per cacullarem, dexterum C, & laevum M propagatur. Apparet præterea duri auditus ramus G, spinatum capitis A perforans: quemadmodum scapulæ elevator N, qui propter humerum plus æquo elatum, inversamque cervicem brevior, quam revera est, nobis sese offert. Hac in Tabula summa Auctoris diligentia se prodit, quippe qui ut præfatos nervorum cursus prompte detegeret, propriam musculorum membranam ex ipsis nervis D, ubi veluti eradicati conspiciuntur, separare studuit, atque substravit: ut assabre substravit etiam, separavitque integumentorum tunicam F.

T A B U L A V I.

NON dubium fane est, quin Auctor in hac Tabula sibi proposuerit ostendere easdem ferme partes, quas in dextero thoracis latere nuper oculis omnium subjecit, addito tamen sanguineo trunco. Et quidem exposito nervi duri processu *o*, supra substratum temporum muscolum *A*, exhibet muscolum orbicularem palpebrarum *. Inde apparet frontis muscoli positus *D* cum glandularum congerie tragi *C*, & cutis portione *B*, cumque platismammiode sinistro *E*. Apparet etiam os illud pectoris, quod Græci *στέφυον* appellant substratum, quod literis *gg* indicatur, eique adhærent ductus nervorum, quos intercostales vocant. Sub oculis autem est sinister pulmonis lobus *d*, dextero *i* superinductus, ex quo fit, ut & sanguinei, & nervosi ductus exhibeantur. In conspectum vero sese prodit œsophagus, cibi, atque potus via, ex litera *a*, qui longitudine tantum dissectus exhibetur, ut ejusdem membranæ, ac nervorum congeries facile in oculos incurrant. Aortam inde descendentem, quam vocant, *b* indicat. Hæc quidem in axillarem sinistram recisam *c*, dexteram *e*, ac lævam carotidem *l* se infert, supra quam cardiaci nervi gangliiformis, quem appellant, truncus extenditur. Perspicitur quoque aspera arteria, quam litera *h* ostendit, intra annulos cartilagineos, atque costas affabre fractas *1 2 3 4 5 6 7 8 9*. Denique in imo ventre ventriculi superioris orificium ex litera *m*, & intestina circumvoluta literis *nnnn* apparent.

Porro sese offert caput humeri, quod græca litera *α* significatur, ejusque extensio *K* membranis destituta, quo loci cervicis nervorum truncus *q* conspicitur. Primus tamen cervicis ramus infigitur in *p*, qui supra deltoidem elatum *f* propagatur. Oculis obiciuntur deinde præfati rami *q* ductus, quorum

quorum quidam ad brevem extensorem G sese dirigunt, nonnulli vero r in exteriorem brachii muscolum H desinunt. Porro idem ramus in alios processus divisus in radii musculos, hoc est supinatorem longum I, exteriorem radii K, pollicis extensorem L, ac cubiti exteriorem M se infert, quin ad cubiti interiorem P, indicis extensorem N, ac brevem quoque portionem pollicis O, exterioresque interosseas partes ○○○○ iter habeat.

Sublato deinde in dextero femore membranoso musculo Q, una cum lumborum nervorum furculo s, musculi omnes sese conspiciendos exhibent, nimirum rectus R, vastus exterior S, biceps T, semimembranosus V, qui proprio in situ collocantur. Perspicere vero licet tria nervosa filamenta, quæ ex inguine Y emergunt. Præterea oculis sese objicit poplitis dexter truncus a, in duos ramos B, & r divisus, qui ab ossis sacri nervis proficiscitur. Horum quidem primus super soleum ≡ extensus, transverse gemello ππ resecto, apparet: alter vero r cum longo digitorum extensore supinato, inque genu reciso ZZ, ac pollicis proprio M conjungitur, & ab itinere deflectens in extimam pedis partem δ, inque exteriores interosseas affabre extra situm locatas εεεε desinit, tametsi interossæ hæ partes naturaliter in P Q Q collocantur.

Insuper in sinistro femore lumborum furculus x, qui per priorem femoris faciem propagatur; atque adeo interior ossis sacri nervorum processus z apparet, qui per femur subter tricipitem X, ac feminervosum Y discurrit. Denique ex litera n tibia ostenditur, quemadmodum ex Z princeps, quem ajunt, crurum nervorum processus indicatur.

TABULA VII.

HAC in Tabula sub oculorum aspectum objicit Autor penitiores alios nervorum ductus. Primo quidem sublato massetere musculo supinato A, inferiorem maxillam F desquamata, ut sua veluti sponte quinti nervorum paris processus D, qui ad dentes distribuitur, se in oculos ingerat. Apparet inde glandula parotis C, tragus u, superiusque labrum B, nervosa quinti paris propagatione ornatum.

Apertis deinde costis, visceribusque omnibus sublatis, claviculae YY in conspectum se produnt; dein reciso tubo asperae arteriae q, costae omnes 1 2 3 4 5 6 7 8 9 a pleura divisae sub oculis versantur: quo facilius gangliiformis nervi truncus in costas ipsas x vergens in utroque latere appareat. Sub oculis quoque est oesophagus P, sexti nervorum paris ductibus o o o praeditus, quorum laevus i ad superius ventriculi orificium m flexus, in dextera parte renum plexum K effingit. Praeterea n indicat ventriculum, o inferius illius orificium, cui glandularum congeries l, & i, a peritonaei fortasse membranis h h divisa, & circumvoluta intestina r r r r r adhærent.

Hinc in dextero humero unico oculorum adpectu sese offert caput ipsius, quod litera u indicatur, tum ejusdem extremitas, quam litera x ostendit. Exhibet s primum cervicis ramum, qui subter extensorem longum H progrediens, in interius bicipitis caput G desinit. Uno quasi oculorum obtutu licet intueri alterum ejusdem cervicis nervorum ductum B, qui ad carpum usque protenditur, & longo supinatori N, pronatori item longo K, radii interiori P, quadratae carni O, ac profundo, quem nonnulli perforantem musculum appellant L, adhæret. Item apparet postre-

E

mus

mus nervosus truncus per inferiorem humeri partem excurrens rr, qui in latus brevis supinatoris M diffunditur, etiam si ex hoc signo ε in laevo brachio duplicatus ostendatur: quo in brachio deprehenditur etiam truncus posteriorum cervicis nervorum æ, qui per brevem extensorem Q, perque longum H, atque interiorem brachii R distribuitur. Sub oculis autem est radii exterior T, qui ab ipso brachiorum nervorum ramo perforatur ε, ex quo tenuis nervorum congeries proficiscitur, inque supinatorem longum S abit, quemadmodum altera pars ipsorum filamentorum pollicis extensorem V versus, ac indicantem Riolani X vergit.

Denique inferioribus in artubus lumborum nervorum congeries apparet: quemadmodum in dextero femore superior illorum truncus λ λ in sartorium g, rectum f, vastum exteriorem bb sese inferens. Sinister vero his ductibus caret. Destituta quoque exhibentur utraque femora feminovosis ee. Porro præfatus truncus in interiores vastos a a, tricipitesque c c c definit. Alter autem inferior ramus nervosus μ μ usque ad memoratos tricipites, gracilesque dd producitur. Femora inde in utroque genu nudata ss sua, veluti sponte se in oculos ingerunt.

T A B U L A V I I I .

ID quidem in hac Tabula Auctor sibi ostendendum proposuit, ut eorumdem ferme nervorum, maximeque thoracis complexiones, insitionesque alias, atque alias apertius patefaceret. Verum in facie ipsum labrum A divisum, & supinatum, atque inferior maxilla C a mento D disjuncta apparet, vel quod quinti nervorum paris ductus B in superius labium desinens in oculos incurreret, vel quod lateralis linguæ pars facilius conspiceretur. E vero parotidem glandulam

dulam indicat; deinde intueri licet cartilaginem thyroideam F, asperam arteriam in thoracis ingressu G recisam, quo facilius extensus œsophagus H plurimis vagi processibus ææ ornatus pateat. Sub oculis autem versatur carotis dextera K, & gangliiformis nervi trunci B B, qui in singulas quasque costas distribuuntur. Ob oculos quoque ponitur venæ cavæ I in thoracem ingressus, atque adeo conspicitur meseraicus, quem dicunt, plexus 2, & renalis 3, qui in renem ipsum X sese infert. Exhibet vero V ventriculum, Z dexteram renum capsulam cum sinistra Δ conjunctam. Præterea sese offerunt arteria magna Y subter septum transversum dissecta: tum jecur a naturali situ divulsum 3, ac intestina naturaliter circumvoluta a a a a a.

Sequitur brachiorum truncus e cervice proficiscens, qui hoc signo 1 in humero indicatur. Hic autem per musculos, hoc est per deltoidem L, brachiorum exteriorem N, perque brevem extensorem M extenditur. Insuper dividitur in radio in duos conspicuos ramos λ, quorum exterior supinatori longo T superinductus, aliis, atque aliis ramulis ad radii exteriorem Q, pollicis extensorem P, digitorum R, exterioremque cubiti O propagatur: quin interiorem cubiti S, ad quem profundiores brachiorum nervosi ductus perveniunt, attingat.

Descendentes nunc ad inferiores artus, tum presso pede Auctoris vestigia sequentes, e re fore ducimus prius ostendere nervosas propagationes lumborum, ossis inde sacri, et si præfatus Auctor, ut eadem nervorum divortia apertius patetferent, a proprio situ nonnullos musculos abstulerit. In priore vero facie dexterum femur exhibetur, cujus superiorem partem Q indicat, inferiorem autem Y, lumborum ductus 3, qui in pectinæum 3, rectum c, vastum exteriorem d distribuuntur. In posteriore utriusque femoris facie æque ossis

sis sacri, ac crurum nervi quum dexteri, tum etiam finistri $\odot \times \odot \times$, vastusque interior O apparent. Hi quidem in ipso dextero femore nervorum congeriem bicipiti h, tricipiti i, gracili f, ac seminervoso præterea g impertiuntur. In sinisteriore autem femore subter tricipitem m, & semimembranosum n iidem nervi extensi in tibia u sese inferunt in musculos suppoplitæum scilicet p, gemellum q, atque soleum r. Insuper sub oculis versatur exterior malleolus x, quemadmodum sub oculis quoque sunt musculi tum abducens s, tum adducens t pollicis. Denique in dexteriore tibia abscissa peronæi postici portio per literam l, una cum extensorum digitorum tendinibus, ac nervis k, in extrema pedis parte ostenditur.

T A B U L A I X.

UTerque venter, medius videlicet, atque infimus ob oculos ponitur in hac Tabula, additis ipsis visceribus, quæ sejunctim substrata apparent: idque ita, ut suo in positu, etiamsi aliquantulum submota, quædam sanguinea vasa sua veluti sponte se in oculos ingerant, conspirantibus nervis, & muscutorum portione, quæ in articulis suis, & propriis collocatur. Litera enim A indicat muscolum mastoideum sinistrum a suo capite divulsum in pectoris vertice; n vero ostendit ramum duri nervi ipsi musculo adhærentem. Porro litera o exhibet alterum auditus ramum durum dictum, qui ex posteriore auris parte proficiens in mastoideum desinit. Deinde versatur sub oculis parotis glandula lll, quæ in tres veluti partes dividitur: quemadmodum sub oculis est pars auris inferior m, cui parvus duri nervi ramus suis cum fibris conjunctus adnectitur. Præterea

terea *h* ostendit masseterem muscolum suo in positu collocatum, *i* vero nervos, quos duros dicunt, buccinatorem muscolum subeuntes. Insuper *f* exhibet zygomaticum muscolum, si-ve superioris labri levatorem, *g* autem inferioris labri depressorem. Porro sese offert aspera arteria, quum in thoracem ingreditur, in priore parte recisa, quæ quidem litera *B* indicatur. Licet quoque intueri œsophagum *C* item recisum, atque asperæ arteriæ suppositum. Ob oculos denique versantur duæ costæ *p p* nervis gangliiformibus proximæ, tum aliæ nudatæ, ut ipsorum nervorum ingressus in costarum nervos appareat, tametsi litera *q* dexterum costarum nervum sinistram in partem vergentem, suoque pari in dextera adnexum supra vertebrarum sedem, & cartilaginea ligamenta transcurrentem indicat.

Apparet deinde portæ, quam dicunt, vena *N*, quæ per omentum, mesenterium &c. propagatur. Conspiciendos vero se exhibent mesentericæ arteriæ rami literis *D d d* ab ipsius mesenterii adipe ex parte separati. Literæ autem *MM* indicant mesenterii portionem, qua ad proxima intestina colliganda solers naturæ ingenium utitur. In oculos porro incurrunt circumvoluta intestina *LLLLLL* extra naturalem positum collocata. Inde tum prior omenti pars, tum inferior *HHHH* apparet, quam natura ad intestina obtegenda adhibet. Literæ quidem *GGGG* indicant ventriculum elatum, ut ejusdem latus, quod naturaliter vertebris adhæret, ob oculos ponatur. Præterea *S* ostendit os stomachi superum; *E* vero indicat venam emulgentem levam, *F* contra emulgentem arteriam a renibus separatam, atque super intestina, superque mesenterium substratam. Insuper ex litera *r* ostenditur ramus, quem gangliiformem dicunt, in renum plexum extensus, quemadmodum ex literis *u u u u u u* nervi gangliiformes dicti ostenduntur. Exhibet *I* dexterum renum viscus summo artificio deformatum,

F

non

non procul a vertebra situm, atque omni involucri destitutum. Sese inde prodit vesica, quæ ex litera O indicatur, ejusdemque fundus ex signis, quæ hic adnotantur * * *. P vero litera ostendit deltoideum muscolum, qui priore parte ab humero recisus apparet, atque sursum simul cum suo tendine pergit, ut nervi oculis occurrant. Et sane litera Z indicat hoc loco ramum nervosum, & cervicis, & brachiorum, qui posteriore parte per suas ipsas fibras expanditur. Contra litera T ostendit muscolum extensorem longum, qui suo situ collocatur, quemadmodum Q extensorem brevem extra naturalem positum locatum. Oculis quoque sese objiciunt musculi brachiorum interiores R R, & biceps S sinister aliquantulum interiore parte admotus, ut facilius in conspectum se prodant.

Licet inde intueri alterum cervicis nervum exteriorem dictum, qui oblique per humerum pergens in interiorem ejusdem partem extenditur, & ex litera Y indicatur: quemadmodum ex x alter cervicis nervus, qui ab axillis ad cubitum usque excurrens, subter pronatorem delatus, in cavam manus partem inferitur. Oculis quoque subjicitur musculus supinator longus, quem litera V indicat; ex adverso x muscolum pronatorem longum, seu rotundum ostendit. Non mirum est, si Auctor hoc loco deformaverit crurum nervos, qui subter pubem delati, hinc inde plures in furculos abeunt, imo plane per femora, atque musculos ipsis adhærentes dividuntur, & ex literis a a exhibentur. Porro literæ B B in conspectum produnt processus eorundem nervorum supra ipsum femur extensos; etiam si ex hoc signo & alii ostenduntur ejusdem nervi ductus, qui subter caput musculi tricipitis propagantur. Insuper Y Y exhibent primum tricipitis caput a pube semotum, quo facilius nervi o o, de quibus supra loquuti sumus, sese in oculos ingerant: quemadmodum Z Z
utro-

utroque in femore tricipitum capita ostendunt. Præterea per hæc signa $\Delta \Delta$ apparet tertium, & ultimum caput, majus dictum, tricipitum, qui aliquantulum ab Auctore affabre submoti sunt, ut nervi cum tendine magno ad latera in interiorrem partem descendente oculis objiciantur. Deinde sese offerunt quum seminervosus musculus, tum etiam semimembranosus naturali in positu suis tendinibus donatus, qui ad tibiæ verticem c alligantur, atque horum alter litera b, alter vero litera d indicatur. Ad hæc: signum hoc ε ostendit digiti pollicis adducentem musculum, & nervosum ductum sacrorum cruralium, extrema sui parte per pollicem vagantem: quemadmodum O musculum vastum exteriorem, & R nervum, seu nervosum processum in peronis vertice conspicuum significat, qui in malleolum exteriorem sese infert. Sub oculis denique est crurum nervulus, qui ab osse sacro proficiscens, & in plures, exilesque ductus divisus, per extimam pedis partem indicem inter, & medium abit: ut ex litera e tendines magni extensoris digitorum, in singulis pedum digitis, cumque pollicis tendine conjuncti, ad ungues usque propagati indicantur.

T A B U L Æ X.

F I G U R A I.

SUblatis præcordiis in thorace, atque aliis visceribus in imo ventre, nervorum positus, ac progressus non minus illorum, qui gangliiformes vulgo appellantur, quam costarum, oculis sese offerunt, idque ita, ut nerveus renum plexus ex ipsis proficiscens facile appareat. Item brachiorum, ac crurum nervi, qui in articulorum musculos sese inferunt, sua veluti sponte in oculos incurrunt.

In

In facie enim litera A masseterem muscolum ab inferioris mandibulæ processu coronoide ablatum, & versus tempora elatum indicat: quemadmodum B superius labium ostendit, quod Auctor revolvit, ut quinti paris processus ipso in labio facilius pateat. Licet inde intueri muscolum, qui vulgo biventer appellatur, suo in situ positum, atque litera C indicatum; y vero vero ejusdem biventris extremitatem exhibet. Oculis quoque sese conspiciendum præbet per literam B nervus quinti paris, sive gustatorius, quem dicunt, primus. Hic autem multis, variisque ramis divisus, atque per maxillæ centrum discurrens ad dentes, eorumque alveolos usque progreditur: idque ita ab Auctore factum est, ut abrafa exteriori maxillæ parte, facilius præfati nervi ductus oculis conspicerentur. Præterea ex litera h indicatur parotis glandula integumentis omnibus denudata, ut complures in ea plexus secundum ipsius situm conspiciantur. Item sub oculis est musculus sinister mastoideus, quem litera D patefacit, quemadmodum i laryngem, sive asperæ arteriæ caput. Per literam E sese in oculos ingerit musculus hyo-thyroides, & per t alius item musculus, qui a corvini rostri similitudine coracoides appellatur: item per G scalenus musculus. Insuper literæ Q oculis objiciunt dorsualium vertebrarum latera, ex quibus gangliiformes nervi proficiscentes, & in alios, atque alios ramos divisi per costarum vertebra excurrunt. Numeri 5. 6. 7. quum veras costas, tum spurias, fractas, atque a priore sterni parte, cui cartilaginum ope alligabantur, submotas indicant. Literæ autem uuu designant mirificam conjunctionem gangliiformium nervorum, qui ad lævam ultimarum costarum, quæ spuria appellantur, cursum dirigentes, atque ~~supra lumborum vertebrarum planum simul conjuncti~~; & inde hypogastrii caveam versus vergentes in multos, ac varios abeunt ramos. Per literas vero n n peritonæi tela, ipsiusque
 inte-

interior facies ostenditur: quemadmodum per a a lumborum, seu psoas musculi ad dexteram cum minore psoa exhibentur. Item sub oculis versatur per literam o portio adipis, quæ supra, atque infra ipsos lumbos solet deprehendi. Exhibet m processum, qui acromion nuncupatur, usque ad scapulæ cervicem exporrectum; f vero humeri caput ipsi cervici, & acromion processui adhærens. Oculis deinde obicitur ex litera R dorsi musculus latissimus suo in situ locatus, qui quum maximo usui ano esse soleat, scalptor appellatur. Apparent musculi, & per K extensor longus, & per literam I extensor brevis: tum per H exterior brachiorum musculus, perque g olecranon, quo musculus, quem anconeum dicunt, pertingit. Signum vero hoc a indicat ramum, quem cervicalem nervi brachiorum appellant, cujus altera pars in humero propagata conspicitur. Ex litera L ostenditur pars musculi bicipitis, quemadmodum ex P cubiti interior musculus, & ex l ipsius cubiti os. Per literas autem O O magnus digitorum extensor, qui in plures ramos dividitur, oculis occurrit: item per literam M exhibetur musculus supinator longus, & per literam N radii exterior musculus. Porro signa hoc loco posita e e ostendunt quum magnos lumborum nervos, tum etiam crurum, priore parte in femoris sinistri, atque dexteri superficiem multis, variisque ramis sese propagantes. Omnium oculis per literam e obversatur primum tricipitis musculi caput, per Y alterum majus ipsius, seu medium, per Z denique tertium ejusdem tricipitis, quod suo in positu conspiciendum exhibetur. Sub oculis per literam S sartorius musculus versatur, cujus extremitas interius a tibia discinditur, & ad sinistram substernitur, ut lumborum, & crurum nervi facile in oculos incurrant. Ex litera vero x ostenditur musculus rectus, per T musculus vastus interior, atque per V vastus musculus exterior in-

dicatur. Per græcam literam μ apparet magnus digitorum extensor musculus, tum plures, & varii nervorum rami, ac magni crurum præterea nervi processus, qui ab osse sacro proficiscuntur. Litera K exhibet crurum nervum inter pollicem, & indicem digitos propagatum, inque tendines inde digitorum extensores distributum. Licet denique intueri per literam d chordam magnam cum gemellis musculis, & folæo conjunctam: quemadmodum per græcam literam ξ ramum dexterum crurum nervorum, qui duplicatus conspicitur, & a fura proficiscens in plantam pedis sese infert.


F I G U R A I I.

IN hac altera Tabula id sibi proposuit Auctor, ut quum capitis, tum multo magis etiam colli musculos ostenderet. Itaque per literam A musculus thyroideus a thyroide cartilagine discissus sese offert, quemadmodum per B hyoideus exterior ab osse hyoide recisus. Exhibetur deinde per literam C portio platisma-myodis, quæ ab inferiore mandibula dividitur, & inferius substernitur. Litera autem D indicat coraco-hyoidæum sursum reflexum, & litera E biventrêm musculum, ab inferiore mandibula submotum, atque per ansulam stylo-hyoidæi delatum. In conspectum sese prodit per literam F musculus genio-hyoidæus a mento ablatus, & priore parte ad collum substratus, quemadmodum per G alter genio-hyoidæus, qui evulsus quoque apparet. Pergit Auctor ostendere per literam H musculum pterygoidæum anteriorem, sive alarem, per K vero pterygoidæum interiorem dexterum, & per literam I stylo-glossum suo in situ locatum. Præterea litera L musculum basio-glossum a lingua detractum, atque revolutum indicat, quo facilius nervi, qui in eum discurrunt, appareant. Litera autem M ostendit linguæ apicem suo in positu, quemadmodum

dum N glandulam parotidem, & litera O partem inferioris mandibulæ suis dentibus præditam. Item litera P demonstrat superius labium sursum reflexum, ut quinti paris nervus per linguam propagatus facile in oculos incurrat. Porro per literam Q jugularis venæ exterioris ramus indicatur ut per R musculus mastoideus proprio in situ locatus. Sub oculis deinde versatur per literam a ductus quinti paris, seu gustatorii, quem dicunt, nervi primi; qui per linguam discurrit. Insuper per B literam exhibentur nervi, qui linguae musculis motum impertiuntur, & trito apud Anatomicos vocabulo noni paris appellantur, quiqne in sinistram mandibulæ inferioris masseterem dictum musculum sese inferunt. Apparet quoque per literam r nervus gangliiformis costarum, qui per collum excurrent, ductus in præfatos musculos distribuit, Denique per græcam literam α sese conspiciendum exhibet vagus nervus, qui costarum ipsi nervo colli ope adhæret.

T A B U L Æ X I.

F I G U R A I.

 T a suscepto itinere nihil deflecteret præfatus Auctor, conspiciendos exhibet hac in Tabula, quemadmodum nervi, quos gangliiformes appellant, per thoracem, & abdominis cavam propagentur, additis & brachiorum, & crurum nervis, qui in alios articulos, atque musculos discurrunt.

Et sane per literam A indicatur sinister temporum musculus ab ipsis temporibus evulsus, & in labia substratus, quo facilius nervosus processus a primo gustatorio, quem dicunt, seu a pari quinto a proficiscens in oculos incurrat. Litera vero

vero B exhibet parotidem glandulam in situ locatam, & C musculus mastoideum, qui ablato sterno, a quo initium sumit, humerum versus transfertur. Per literam D sub oculis est cucullaris musculi imago, qui quidem musculus a vertebrarum nervis per occipitium discurrentibus perforatur: quemadmodum per literam u aspera arteria, & per x œsophagus, quæ duo, dum thoracem subeunt, recisa apparent. Per literas inde yy costarum nervorum, quos gangliiformes appellant, caudices ostenduntur, atque per vertebrae inter costas ad hanc rem fractas propagantur, ut promptius in conspectum sese prodant. Ex litera vero O in oculis versatur dexter gangliiformium nervorum ductus complicatus in sinistro supra lumborum vertebrae. Per literam autem u lumborum quoque nervus exhibetur, qui per peritonæum discurrens, in vertebrae cum ipso gangliiformi nervo conjungitur: quemadmodum per t adeps paululum in lævam reflexus, qui supra eosdem gangliiformes nervos dividitur. Insuper græca litera ϑ oculis objicit gangliiformes nervos in ipsam adipem sese inferentes. Præterea per literam V ostenditur peritonæum dissectum, & in dextera parte substratum, ut crurum ille nervus x in tres furculos divisus, ad pubem inde pergens, oculis subjiciatur. Porro per literam E deltoideus musculus apparet, in quem brachiorum nervus valde conspicuus, ac plures in ramos divisus definit: quemadmodum per hoc signum & interior cervicis brachiorum nervus, qui circa ultimas colli vertebrae extensus, in cubiti flexu a longo pronatore tegitur, atque ex hoc signo indicatus per interiorē cubiti partem pergens in manus carpum sese infert. Per græcam literam φ exhibetur exterior alter brachiorum nervus non procul a longo supinatore recisus: quemadmodum ex litera P biceps musculus, qui proprio in situ locatur, quique in longitudine magno inso brachiorum nervo munitur. G v-

ro litera oculis subjicit longum pronatorem, five rotundum, & per literam I ostenditur supinator longus, qui unde originem sumit, divellitur. Licet intueri per literam H sublimem musculum perforatum, & aliquantulum demissum, quo facilius magnus brachiorum nervus, ejusque ductus, qui illum perforant, oculis occurrant. Insuper litera n significat nervum sinistrum brachiorum, qui in humeri centrum, ejusdemque musculos quater inferitur. Porro ex litera K indicatur musculus biceps sinister, & ex litera N extensor longus, qui ut nervus, quem diximus, facilius appareat, a suo situ submoti conspiciuntur. Inde per literam M exhibetur interior brachiorum musculus ab humero in interiorem cubiti partem proficiscens, cumque exteriori brachiorum musculo proprio in situ conjungitur. Ex litera vero L oculis subjicitur alterum bicipitis caput, quemadmodum per P musculus supinator longus proprio in situ locatus. Item sese offert per per literam Q radii exterior, & per T cubiti exterior musculus, qui ex superiore cubiti parte omnino submotus apparet. R vero litera indicat digiti pollicis extensorem, & S indicis quoque extensorem suo in situ positum. Ex litera autem B brachiorum nervuli per præfatos musculos abeuntes indicantur: quemadmodum per i brachiorum nervi, qui carpum versus sine divisione subter cubiti interioriorem musculum, ad hanc rem aliquantulum deductum, proficiscuntur. Præterea litera a exhibet vastum interiorem in femore, Z rectum musculum suo in situ, Y vastum exteriorem, & X musculum membranofum. Per literas tamen b b sub oculis est gemellus ad poplitem divisus, ne suppopliteus, quem dicunt, nervus litera v indicatus occuleretur. Hic autem nervus priore tibiæ parte, ejusque per latera hinc inde progreditur. Sub oculis deinde versatur per literam o suræ nervus a poplite emergens, qui subter extensorem pollicis abiens,

H

per

per extimam pedis partem propagatus ad digitos usque excurrit. Porro litera c demonstrat muscolum magnum extensorem, & suis cum tendinibus conjunctum, & in proprio situ locatum: quemadmodum litera f digiti pollicis extensorem quoque muscolum. Ex litera vero e tibiæ musculus anticus suo in situ ostenditur, & per literam s os femoris sinistrum; & per g vastus interior a genu submotus. Insuper per literam h in oculos sese ingerit musculus triceps, aut alterum ejus caput, & ex litera i indicatur tertium ipsius tricipitis caput inferiore parte remotum, ut facilius appareat ramus ille nervosus, qui indicatur litera K, & ex ossibus tum sacro, tum crurum proficiscens, in ipsius tricipitis duo capita nervosas fibras immittit. Dein in conspectum se prodit per literam K sinister lumborum nervus, qui per femoris superficiem discurret, & per l femimembranosus musculus deorsum depressus, quo facilius magnus ille nervus, quem sacrum, & cruralem appellant, pateat, quique in poplite divisus interiorem inde furæ partem ingreditur. Ex litera autem n magnus crurum nervus in suppoplitæum, ut ajunt, muscolum abiens indicatur, perque hæc signa 8 g s & T non tenues nervosi ductus ibi producti ostenduntur. Denique per literam r tibia, per m gemellus musculus, per n flexor longus digitorum pedis, per o pollicis deductor, per p ejusdem pollicis extensor tendo, & per Q digitorum etiam extensor exhibetur.

F I G U R A I I.

OCulis autem hoc loco occurrunt muscoli, qui linguæ usui sunt, tum ossa, quæ hyodæa nuncupantur. Litera enim A ostendit sinistrum mastoideum musculus, qui unde originem ducit, divulsus apparet, ut musculi alii, qui subtus locati sunt, facile in lateralibus colli partibus conspiciantur. Litera vero B demonstrat biventrem musculus ab interiore inferioris mandibulæ parte disjunctum, atque inferius inde depressum, quo facilius ipse, dum in stylo-hyoidæum musculus sese infert, oculis objiciatur. Porro litera C exhibet coraco-hyoidæum musculus a vertice scapulæ ablatum, atque extra naturalem situm locatum: quemadmodum litera D sterno-hyoidæum sinistrum proprio in situ positum. Literæ autem HH basio-glossum linguæ suo in situ, & EE genio-glossum a lingua submotum, & inferiore parte prominentem ostendunt. Per literam vero F indicatur musculus, quem masseterem dicunt, sinister ad latus ab inferiore mandibula detractus. Sese offerunt quoque per literas a a nervosi ductus, qui a primis nervis, quos gustatorios appellant, conflantur: hoc est, par quintum nervorum, qui veluti ad dexteram pervadentes, in linguam sese inferunt. Insuper ex literis B.B indicatur par nonum nervorum, ut ajunt, motorum, quod per linguæ musculos affabre propagatur, & per literas O O superius labium ex parte scissum, & per literam K inferior mandibula sursum elata, quo fit, ut plures, quæ illi subjacent, partes conspicuæ fiant. Denique ex litera Q pterygoidæus musculus interior exhibetur: tum per M asperæ arteriæ situs, per literas inde N N sterno-thyroidæus musculus, ac per literam præterea I dexter mastoideus musculus, & per L ipsius linguæ radix ostenditur.

T A B U L Æ X I I

F I G U R A I

Illud sibi in hac Tabula Auctor proposuit, ut viam, ac rationem ostenderet, qua nervi in omnes artus sensus, motusque gratia propagantur, quave a spinæ medulla, quæ plurimis ramis fruticatur, expromantur.

Ac primo quidem per literas A A A superius labium carne nudatum exhibetur, sursumque elatum, ut orbicularis ipsius labri musculus ex parte conspici possit. Ex litera a gustatorii, quem dicunt, nervi quinti paris ductus, per anteriorem ejusdem labii portionem diffusi, ostenduntur: quemadmodum per B exterior musculus pterygoideus indicatur. Item literæ B C masseterem musculum extra situm locatum, cum nervoso quinti paris processu, versus inferioris mandibulæ radices progrediente, exhibent. Litera D vero primos lævos cervicis nervos ad dexteram ipsorum vergentes, & literæ E E longos colli musculos suo in situ demonstrant. Apparent deinde per literas F F costarum, & cervicales, quos vocant, musculi. Græca autem litera α alterum cervicis nervorum processum ad colli latera vergentem indicat: quemadmodum & tertia consequens propago, quæ hoc signo ε indicatur, cum cervicis nervorum ductibus conjungitur. Per literam Q non magis quarta eorundem cervicis nervorum propago, quam quinta simul connexa oculis objicitur. Item per literam n sub oculis est brachiorum primus processus, seu cervicis nervorum quintus, qui æque sexto, ac septimo brachiorum ductibus per lævum brachium propagatis adjungitur. Sese deinde offert litera l indicans septimum cervicis brachiorum nervum, non modo sexto, sed etiam primo costarum æque, ac brachiorum adnexum, qui plus, minusque in

in superioris articuli tractu sese decussantes, in principiis suis ganglios, sive nodos conflant. Licet inde intueri per literas G G deltoidis muscoli situm, & per I I alteram musculorum partem, brachiis ad hanc rem dissectis, ut appareat, qua ratione brachiorum nervi in fibrosam eorum substantiam inferantur. Litera vero K indicat nervum, quem intercostalem vocant, qui ad brachium usque extenditur, & litera L interiorum, & sinistrum brachii musculus suo in situ, & ex litera O musculus, quem dicunt, longus supinator ab exteriori humeri tuberculo divulsus exhibetur, quemadmodum per M musculus pronator longus, sive teres. Porro sese oculis objicit litera N exhibens cubiti interiorum musculus a suo principio submotum, quo facilius in eo nervi, qui per brachium discurrent, appareant. Insuper varia signa, seu characteres in læva thoracis parte ad vertebrarum spondylos sub oculis versantur, unde amoto sterni, & costæ non fractæ, & nervi intercostales apparent, idque ita, ut doceamur, qua ratione eorum quilibet intra infimam cujuslibet costæ partem sese extendens, instar palmæ plurimos furculos efficiat. Signum autem hoc & ostendit primum lumborum nervum, qui post ultimam costam spuriam a spinali medulla progrediens, aliis atque aliis ramis disseminatis, per peritonæi membranas ad hypochondrii usque latera excurrit. Item per literas n n sub oculis sunt alteri lumborum nervi, qui illa versus exiliter diffunduntur, eorundemque vero dexter in femoris verticem sese infert. Ex literis PP musculi psoas, quorum lævus bifariam dividitur, in psoam scilicet majorem, qui ex ultima thoracis vertebra exoritur, & minorem, qui a prima lumborum vertebra initium ducit, suo in situ locati exhibentur. Præterea litera r indicat tertium lumborum nervum plurima sui ortus primordia accipientem, quorum dexter e spinæ medulla exoriens non modo præfatos psoas

I

furcu-

furculos effingit, sed quarto, quintoque lumborum nervo adnexus, per laterales hypogastrii caveas ramos, extendit, perque pubem progrediens, in dexterum tricipitem, ut ajunt, musculum definit. Per literam vero x oculis sese offert primus, quem appellant, facer cruralis nervus, qui cum ultimo lumborum conjunctus, hinc inde plurimis ramis diffusis, hypogastrium petens, inferioris articuli centrum pervadit. Signum autem hoc \equiv quartum crurum nervum, tertio lumborum adjectum indicat, quemadmodum ex hoc altero signo $\&$ quintus ostenditur. Altera vero signa $\Delta \Delta \Delta \odot$ sacros cruales exhibent, qui postea in plurimos ramos distributi, in eam partem, quæ ischia, & pubem media dividit, proficiscentes ad extremum usque pedem excurrunt. Item per literam Q significatur iliorum ossis crista interius ipsius peritonæi membranis donata, & per græcam literam ϕ lævus lumborum crurum nervus, qui per extimos sinistri femoris musculos se extendit. Ex signo autem hoc $\&$ sinistra crurum vena oculis obicitur, quæ supra tricipitem musculum in binos furculos valde conspicuos, in vastum interiore se inferentes, dividitur. Porro per literam T apparet sartorius, ut ajunt, musculus a tibiæ vertice divulsus, atque ad sinistram partem locatus, quique versus femoris latus inflectitur, ut in ipso musculo non solum ejusdem lumborum nervi rami in conspectum se prodant, verum etiam ut eo submoto, alii quoque nervosi ductus, quos per priorem præfati lævi femoris extimam partem extendi diximus, conspiciantur. Licet inde intueri per literam V musculum rectum, qui ita a rotula, & genu divulsus apparet, ut nervorum per ipsum excurrentium aspectus non impediatur. Ex litera vero x cruris, aut femoris musculus in situ locatus indicatur: quemadmodum per Y interior musculus vastus a femoris lateribus aliquantulum submotus. Item litera m ostendit peronæum posticum muscu-

musculum lævum suo in situ, & litera Z vasti exterioris positum: ut per literam S exhibentur musculorum abdominis ilei cristæ adhærentium hiatus. Insuper oculis sese offert litera R indicans communia integumenta, quæ ex æquo in ipsis musculis discinduntur; & r nervi lumborum dexteri super femur ductus, tum ejusdem musculos, de quorum origine supra loquuti sumus. Apparet quoque ex litera b membranofus musculus in situ ad genu distensus: quemadmodum ex *a* primum tricipitis caput ad pubis dexteram amotum, atque paulisper inflexum, ut præfatus lumborum, ac crurum nervus facilius pateat. Sub oculis inde est alterum tricipitis caput, quod suo in situ per literam c, atque sua in origine superiore lumborum nervo donatum ostenditur. Contra litera d tertium, ac majus tricipitis caput cum descriptis duobus conjunctum, atque adeo ejusdem extremum ad internam genu partem accedens indicat. Signum autem hoc & seminervosum exhibet musculus, qui simul cum semimembranoso f, per suos tendines æque discurrens in tibiæ verticem definit. Denique per literam e genu rotula apparet, extensorum musculorum tendinibus, qui ibi recisi conspiciuntur, ornata: quemadmodum per l tibiæ prior musculus, & per i gemellus solæus dictus, qui ambo suo in situ exhibentur.

F I G U R A I I.

IN hoc altero iconæ exhibet Auctor caput, atque collum, idque ita, ut movens linguæ nervus, qui trito apud Anatomicos vocabulo par nonum appellatur, sub oculis versetur.

Per literam A oculis subjicitur coraco-hyoidæus musculus, cujus caput ab ossæ hyoide ablatum est, quo facilius præfatus nervus appareat. Ex B vero ostenditur pars platis

tyfma-myoidis, ad hanc quoque rem ab inferiore mandibula absciffa, atque deorsum vergens: quæ quidem exterioris jugularis ramo perfossa conspicitur. Licet inde intueri per literam C biventrem musculum, five bigastrium, quem dicunt, ab interiore etiam inferioris mandibulæ angulo absciffum, forasque inde collocatum. Per literam vero D stylohyoidæus musculus indicatur, qui extra suum situm locatus apparet; & per literam E mastoidei musculi pars in pectus ipsum divergens. Item per F sterno-hyoidæus musculus sinister submotus exhibetur, ut nervus ille vagus extra suum naturalem situm locatus dextera in parte, unde sterno-hyoidæus dexter appellatur, oculis sese ingerat. Porro litera H indicat cerato-glossum, quem ajunt, musculum, a linguae radice, ex qua originem ducit; absciffum, atque substratum; & litera I demonstrat stylo-pharyngæum musculum ipsi linguae adnexum. Sese deinde objicit litera K ostendens musculum genio-glossum, quemadmodum per literam L musculus basio-glossus exhibetur, uterque substratus, quo facilius noni paris ductus in ipsis discurrentes pateant. Præterea ex litera M lingua ipsa suo in situ ostenditur, & ex N, aut platysma-myoidis pars, aut latus colli, ob illum connexum, quem in mandibula inferiore adhibet, disciffum apparet, & inde aliquantulum attollitur, ut ramus primi nervi gustus, seu par conspiciatur per eundem musculum diffusum. Per literas autem O O prior pars mandibulæ inferioris, cui mentum hæret, disciffa exhibetur, & laterales partes elatæ ad linguae motoris nervi, & copiosi ejusdem processus ostensionem: quemadmodum per b nervi gustus primi, in mandibulam inferiorem sese inferentes, atque os hyoidem versus, superioremque pharyngis partem excurrentes, sub oculis versantur. Insupèr litera r oculis objicit noni paris ramum, qui cum alio conjunctus basio-glossi, quem dicunt, musculi substantiam subit,

subit, & uterque ex his literis *g p* indicatur. In conspectum deinde se prodit per literam *P* præfati nervi furculus, qui, dum in cerato-glossium, seu cornu linguæ ingreditur, deficit. Hoc vero signum *8* ostendit medium ramum præfati noni paris, jugulum versus excurrentem: immo plane alter inferior ramus discurrens per sinistram in quatuor furculos dividitur subter literam *K*, qui ad colli latus abeuntes, in musculos ipsos diffunduntur, ex quibus ramus unus, postquam alii furculo recto medio in mastoideum vergenti adhæsit, fibram nervosam memorato platysma-myoidi sine ullo adminiculo impertitur.

T A B U L Æ X I I I .

F I G U R A I .

EA ratione usus est Auctor in hoc Icone ad spinæ medullæ stamina, nervorumque processus ostendendos, atque deformandos, qua melior meo quidem iudicio haberi non potest. Siquidem visceribus omnibus undique ablatis, vertebræ fere omnes in conspectum sese produnt, tum pia, ac dura mater ab ipsius medullæ substantia separata conspicitur. Item sub oculis versantur tamquam in unum compressi, atque coarctati nervi quum in cervice, tum multo magis etiam in lumbis. Per literam vero *A* situs temporalis, quem ajunt, musculi, ad inferiorem usque mandibulam extensi, & per literam *E* quinti nervorum paris per dentes propagatio exhibetur. Qua de causâ substrato massetere musculo, qui litera *B* ostenditur, & inferiore labio a mento diducto, & per literam *F* indicato, etiam ex

K

lite-

litera D superius labium apparet, ubi ejusdem quoque primi nervi processus linguæ gustum præbentes per literam n exhibentur.

Sub oculis deinde sunt per literas C C mastoidei musculi, iique abscissi: quemadmodum ex iis signis, & literis α & B primi tres cervicis rami, qui per colli musculos discurrunt. Porro hæc alia signa γ δ ε ζ indicant reliquos quatuor truncos, qui hum brachiorum nervos efficiunt, alias, atque alias infisiones gignunt, cum quibus costarum etiam primus per literam N conjungitur. Hos sequuntur costarum musculi duodecim græcis hæc literis θ ι κ λ μ ν & c. indicati, qui que per costarum 1 2 3 4 5 6 7 8 & c. spatia distribuuntur. Sequuntur quoque & lumborum, & ossis sacri nervi O, quos hæc signa q s t v p exhibent, & spina, ex qua ipsi proficiuntur, propriis vertebriis donata conspicitur.

Id sane cogitavit Auctor in deformandis superioribus artubus, ut brachiorum trunci minime ab uno, eodemque semper cervicis nervorum pari originem ducere deprehenderentur: etsi in hoc ipso Icone dexteriore parte a quarto, sinisteriore vero a quinto cervicis trunco primorum brachii nervorum ramus proficisci conspiciatur. Item id sibi quoque Auctor proposuit; dum deltoideum musculum per literas H I indicatum in varias sectiones abscidit, ut ostenderet præfati rami infisiones in ipsius deltoidis substantiam, quæ ex literis G G indicatur: quemadmodum memoratum musculum a proprio situ abstulit, & sublimius collocavit (quod quidem per literam K exhibetur), ut magnus brachiorum nervus profundo, sive perforato musculo, qui per literam N ostenditur, superinjectus, & radii interiori musculo M, & quadratæ carni O, pollicisque adducenti musculo P sese inferens appareret. Tandem sub oculis versatur per literam L supinator longus, ab exteriori humeri apophysi nonnihil diductus, ac posteriorum, quos vocant, cervicalium ramo munitus. Li-

Licet indē intueri per literam Q non minus ilium os dexterum, quam ejusdem extremitates, seu cristam literis aa indicatam. Ex literis bb ostenduntur ossa pubis, & ex literis cc femorum capita; tum ex literis ff eorundem convexæ partes, atque ex literis præterea gg eorum extrema. Litera vero d exhibet trochanterem majorem, sive externum, quemadmodum litera R principium seminervi, ut ajunt, musculi. Sequitur deinde litera S indicans musculum pectinæum, & litera T exhibens primum tricipitis caput a femoris ossē separatum. Item per literam V biceps musculus apparet exteriori tibiæ faciei adnexus. Porro apparet etiam, per literam x semimembranosus dictus musculus in oppositam desinens partem simul cum majoribus ossis sacri truncis, quos hoc signum \equiv a musculorum substantia separatōs indicat; & tandem ex hoc signo Δ indicatur magnus crurum nervus, qui in flexorem digitorum sese abscondit, cumque ipso ad plantam usque pedis discurrit. Præterea ex literis hh in conspectum sese produnt rotulae, quemadmodum ex l fibula, cujus caput litera i, extremum vero, sive malleolus externus litera m ostenditur. Sequitur tandem tibiæus anticus dictus, qui per literam Z exhibetur, perque literas o n tibia, perque q talum, perque p calcaneum ostenduntur: quemadmodum non magis ex literis rr ossa tarfi, quam ex literis ss metatarsi, ut ajunt, & ex literis tt digitorum quoque ossa significantur.

F I G U R A I 7.

Diligenter operam suam hoc in Icone dedit Auctor, ut ratio, qua nonum nervorum par per linguae musculos protenditur, innotesceret. Primo enim fregit inferiorem mandib-

mandibulam ex literis Q Q indicatam, foramenque S designavit, ex quo quinti nervorum paris ramus, qui per dentes porrigi debet, progignitur, atque adeo musculos mastoideum A, sterno-thyroidæum B, sterno-hyoidæum C substravit, diduxitque contra biventrem D, coraco-hyoidæum E, ac mylo-glossum G. Item majores cartilagine ab aspera arteria M, cui adeps O adesse conspicitur, ubi œsophagus celatur, abstulit: ut subjectæ amygdalæ, quæ per litera N T exhibentur, ac stylo-pharingæus musculus H appareret. Deinde ex græca litera σ imprimis quinti nervorum paris ductum, in linguæ substantiam L desinentem, idem Auctor ostendit. Porro exhibet quoque noni jugi profundiores truncum, in mylo-glossum o, stylo-glossum G, & interiores alios musculos F abeuntem, quem inferior alter sequitur in duos alios ramos ε, & Q divisus, tametsi superior in linguam L, & musculos genio-hyoidæum K, coraco-hyoidæum E, sinistramque amygdalam T excurrit; inferior vero e collo descendens in mastoideum A, sterno-thyroidæum B, ac sterno-hyoidæum C sese infert. Denique longum colli musculus P, extensor rectus vagus N, ac gangliiformis E circumstant, qui corporis caveis injecti in viscera inferuntur, quo facilius suas possint functiones exercere.

T A B U L Æ X I V.

F I G U R A I.

ID in hac Tabula Auctor cogitavit, ut non rationem modo, qua spinæ medullæ filamenta ad nervos contendunt, ostenderet, verum etiam in id animum intendit, ut doceret, eadem nervorum paria non una, eademque ratione,

tione, nec statis, certisque legibus ad brachiorum præcipue, femorumque ramorum productionem concurrere: quod quidem in nuper quoque exposito Icone indicavit, dum multas, ac varias nervorum insitiones in superioribus artubus deformavit. Licet inde intueri per literam A labrum superum, quinti nervorum paris processu æ donatum: quemadmodum per literas B B indicatur inferior maxilla fracta, & diducta, ut interiora foramina B B, cum nervosis ductibus quinti paris alias jam expressis appareant. Item per literam D palatum, perque C m. stioideus musculus abscissus exhibetur. Porro hi numeri 1 2 3 4 5 6 7 septem cervicis nervorum paria; hi alii 1, 2, 3, 4, 5, 6, 7, 8, 9, 10, 11 intercostales, quos vocant, nervos; lumborum inde alii numeri 1, 2, 3, 4, 5; ac denique ossis sacri nervos indicant, qui sequuntur, numeri 1 2 3; quemadmodum ex numero 4 nervus, qui trito apud Anatomicos vocabulo sine pari nuncupatur, ostenditur.

Conspicere præterea licet cervicis nervorum truncos, longe diversa, quam in superiore Tabula, via, ac ratione per ipsam cervicem ejectos. Primum enim par ab atlantica vertebra proficiscens sub oculis versatur: inde alterum, quod per literam y exhibetur: quemadmodum tertium ex litera græca ς, & quartum ex hoc signo ε indicatum, oculis obijciuntur, quique in colli musculos sese inferunt. Horum vero postremum per græcam literam ε exhibitum in dextera parte cum primo brachiorum nervo θ conjungitur. Illud quoque nosse oportet, præter reliqua cervicis nervorum paria n, ac costarum primum c; alterum quoque ex iisdem R, dum per brachia viam capeffit, cum ipsis conjungi; tametsi cum ceteris decem, græcis, quæ sequuntur, literis λ μ ν ξ ρ σ τ υ indicatis in costas ipsas 1 2 3 4 5 6 7 8 9 10 11, costarumque musculos sese inferre minime desinant. Hos se-

L

quon-

quantur lumborum nervi, quorum primi ϕ per peritonæum NN, abdominisque musculos cc propagantur: alteri vero ψ multiformi, varioque nexu sese invicem decussantes, per priores femoris musculos serpunt, atque procedunt. Per hæc autem signa $\Delta \Theta \Lambda$ exhibiti ossis sacri processus simul se deosculando, magnorum crurum nervorum truncos efficiunt: quemadmodum numerus 4 indicat rānum, quem dicunt sine pari, qui in coccygis osseam substantiam definit.

Licet exinde intueri superioribus in artubus deltoides musculos EE, qui per literas FF discissi apparent, ut brachiorum, nervorum insitiones facilius pateant. In eandem quoque rem discissi exhibentur bicipites GG, supinatores longi HH proprio in situ locati, Riolani indicantes II; cubiti exteriores KK, interiores MM: quemadmodum per literas LL supinatores breves, per α cubitorum ossa, perque literas bbbb phalanges, quas vocant, digitorum indicantur.

Jam vero ut ad inferiores artus redeamus, primò, ut ajunt, aspectu, sese offerunt lumborum processus nn ab ischii foraminibus dd dimanantes, & supra pectinæos musculos PP dispersi; iisque adhærent furculi z z ossis nervorum sacri, qui ex pubis lateribus e proficiscentes in penis superficiem se inferunt. Sub oculis quoque sunt ejusdem ossis sacri satis conspicui crurum trunci ϕ , qui ad calcaneum usque protendunt. Item ipsis adhæret psoas, atque interioris iliaci musculosa moles T diducta: quemadmodum semimembranosus etiam recisus S, seminervosus V, gracilis R, sartorius Q, & femoris denique acetabulum f, seu ischii, atque adeo hujus femoris cervix i, quæ in altera parte a ligamentosa, ut ajunt, substantia O tegitur.

Litera vero g magnum, & litera h parvum trochanterem, quos duas apophyses vocant, indicat. Sub oculis præterea versantur per literas II femoris ossa, per literas

n n duo ipsorum *condyli*: sive tubercula juxta capitula, pro muscutorum pedem moventium *hypomochlo*, quemadmodum, per literam o rotulae, per literas p p tendinosa genu expansio, per q tibia, perque r fibula, cum eodem femore arcte devincta conspiciuntur. In oculos autem incurrunt per x tibiae posticus musculus, per Y calcaneum, per Z poplitis nervus a magno crurali profectus: quemadmodum in altero dextero supra calcaneum per literam V propendere animadvertitur. Denique sub oculis sunt inferiores tibiae epyphyses ss, malleolus exterior t, extimae pedis partis ossa uu, & altera digitorum, quae vocant, internodia x.

T A B U L Æ X V.

F I G U R A I.

DEtractis communibus tegumentis a posteriore corporis parte, extremi nervorum procellus, qui musculos dorfi commeant, hoc in Icone exhibentur. Deprehenduntur quoque post occipitium A, & cervicem B, trapezii musculi C C, quos cucullares vocant. Horum autem substantia a costarum nervis α β μ δ ε ζ η θ, perforatur. Item deprehenduntur lumborum nervorum filamenta κ λ μ ν, quae non modo per dorfi latissimum musculum λ μ ν, verum etiam per abdominis, ossisque sacri musculos distribuuntur.

Porro in brachiis extremus ultimusque cervicis nervorum furculus ξ ξ sub oculis versatur, qui per deltoidis D D, extensoris brevis F F, ac longi M M superficiem propagatur. Item in oculos sese ingerit alter eorundem cervicis nervorum truncus π, qui subter bicipitem E E proficiscens, ad extensorum tendinem L L, supinatore longum G G, cubiti

cubiti exteriorē N, exteriorēque radii I progreditur. Per literam vero H antagonista, ut ajunt, sive interior radii musculus in lævo brachio indicatur, qui divisus in extimam tandem manus partem desinit, & exinde in dexteriore ejusdem manus extima parte salvatella ex litera d exprimitur. Præterea oculis objicitur per literam o in cubito tenuissimus nervosus ramulus, qui supra cubiti exteriorē musculū O, & ejusdem cubiti interiorē P extenditur.

Insuper Auctor ea, qua pollet, diligentia ostendit lumborum nervorum filamenta *pp*, quæ a trium glutæorum extremo R R exoriuntur, additis aliis majoribus truncis *dd*, quorum dexter per vasti exterioris corpus T; sinister vero per substantiam bicipitis V V excurrit, quin membranaceum musculū S S attingant.

Perspicere quoque licet navam Auctoris operam, quippe qui nos admonet de varia ratione, qua solers naturæ ingenium quum in vasorum origine, tum multo magis etiam in eorundem progressu utitur; atque adeo seriem *τ υ σ* & nervorum, & vasorum a situ suppoplitæorum, ut ajunt, dimanantem sursum ascendere demonstrat, modo inter bicipitem V, vastumque exteriorē T T, modo inter memoratum bicipitem, ac feminervosum *xx*.

Denique in tibiis post peronæum posticum a, ac gemellos quum Z Z, tum vero Y Y, animadvertuntur poplitis nervorum cum suræ nervis complexiones P P, quæ per exteriorē malleolum c c progredientes ad extimam usque pedis partem, atque digitorum latera diriguntur: quemadmodum deprehenditur quoque solæus, qui per literas b b exhibetur.

F I G U R A I I .

Superiore cranii parte dissecta, cerebrum dura matre instar veli circumdatum conspicitur; & per literas AAA in dextera parte, & per BB in sinistra non arteriam modo DDDD præfatus exhibet Auctor, quæ quidem e proprio fincipitis foramine emergens in ipsam definit: verum etiam tenues alios arteriarum ductus EE, qui a soporariis, ut ajunt, prope sellam equinam exoriuntur, perque priorem, inferioremque ipsius partem disperduntur. Porro conspiciendos quoque proponit longitudinalem, ut ajunt, sinum CC simul cum fibrarum serie HH, quæ in sagittali sutura ipsam sustinent, quemadmodum literæ GGG indicant seriem fibrarum, quæ eandem in coronali, & literæ II, quæ in lambdoidea illam ipsam sustentant. Exhibetur quoque per literas FF situs tenuium vasorum, quæ cranii spiramenta pervadunt: tum etiam per literam K situs quorundam tuberum, quæ in ipsius duræ matris superficie glandularum in speciem sæpius animadvertuntur. Denique litera L interiorem, M vero anteriorem cranii laminam cum integumentorum sectione N ostendit.

TABULÆ XVI.

F I G U R A I .

Exhibet navus, atque industrius Auctor hac in Tabula nervorum processus in musculorum substantiam sese inferentes. Per literam enim B ostenditur ductus cervicis nervorum, qui prope atlanticam exoriuntur. Eorum, vero, qui a tertia prodeunt apophysi, est alter ramus æ, colli, aurisque musculo divisus. Ex litera autem γ ultimo-

M

rum

rum cervicis nervorum processus indicatur, qui per diducti trapetii A A A substantiam serpit. Hunc tamen costarum, lumborumque nervorum stamina sequuntur, quorum nonnulla $\delta \epsilon \tau \nu \theta \iota \kappa \lambda$ in memoratum trapetium muscolum sese inferunt: quædam vero $\lambda \mu \nu \xi \omicron \pi$ ex medio spatio, quod inter dorsi longissimum T, & sacro-lumbarem S intercedit, proficiscentia in interiorem partem HH dorsi latissimi musculi G abire conspiciuntur.

Item per literam B rhomboides musculus exhibetur, quemadmodum per literam D supra-spinatus, per E infra-spinatus, per F rotundus minor, per C deltoides, per I externum bicipitis caput, per K extensor brevis, per L extensor longus, per M longus quoque supinator, per N radii exterior, per R indicans Riolani, per P supinator brevis, per Q extensor pollicis, perque O digitorum magnus extensor, extremo cervicis, brachiorumque nervorum processu ω munitus indicantur. Itemque per literam V musculus membranæ ostenditur, per X glutius, ut ajunt, major, per Y biceps, per Z seminervosus, perque a semimembranosus musculus exhibetur, una cum tenui lumborum nervorum propagine, quam litera græca δ demonstrat, simulque cum magno poplitis nervo S, qui a ramis ossis sacri proficiscitur. Hic autem in tres alios distribuitur processus $\tau \upsilon \phi$, quorum tenuior ϕ per extimam musculorum partem discurrens ad metatarsum usque propagatur: alii vero duo subter interiorē c, exteriorē b, gemelli corpus b, anticum peronæum d delitescunt. Denique in dexteriore malleolo ad musculi folæi latus per literam e flexor digitorum in tenuissima filamenta x distributus conspicitur, quæ quidem in digiti pollicis deducentem f desinunt, & per hanc græcam literam τ dexter tarsus ab Auctore significatur.

F I G U R A I I.

AUctor id sibi nobis in hac Figura significandum proposuit, ut nimirum posterior pars trunci incisi cum spinosis vertebrarum, quæ ad cervicem, & dorsum pertinent, apophysibus appareret. Per literam enim A dexter, per B sinister trapetius a vertebrarum apophysi E, & L separatus, atque substratus exhibetur musculus, ut supposita cervicis nervorum filamenta $\alpha \beta \mu \delta \varepsilon \tau$ quum in memoratos trapetios, tum in suppositos quoque splenius DC propagata, possint apprehendi; sequitur suo in situ musculus infra spinatus, quem dicunt, sacro-lumbi I, scapulæ elevator F, supra-scapularis G, ejusque comes infra-spinatus H. Sub oculis denique versantur posteriores colli apophyses, & primæ dorfi cum suis ligamentis transversis, literis E E E indicatis.

T A B U L A X V I I.

NON mirum est, si diligens, & ingeniosus Auctor minime in superiore Icone deformaverit, quæ hic deformanda suscepit, nimirum penitiores quosdam nervorum processus, quum nonnulli musculi a posteriore corporis parte abscissi, quidam vero substrati esse deberent. Hinc primos cervicis nervos a a, qui per occipitium diffunduntur, ostendit, additis eorundem inferiorum insitionibus B supra sinistram cucullarem, ut ajunt, musculum A diductum, qui trapetium quoque appellatur. Has quidem insitiones sequitur eorundem propago y, quæ in substrati rhomboidis C interiorem substantiam ingreditur. Item sequuntur quum dorsualium, tum lumborum etiam nervorum filamenta QN $\theta \kappa \lambda \mu \lambda$, quæ per splenii extremum R, dorfi longissimi T T,

ac sacro-lumbi S S corpus progrediuntur. Præterea per literam G indicatur corpus dorsi latissimum, perque V serpens ramulus, qui a dorsualium, cervicis, brachiorum nervorum coitione conflatur.

Jam vero licet intueri per literas B B scapulæ elevatores, five musculus patientiæ, ac supra-spinatos, quorum sinister ad cervicis, & brachiorum & nervorum infitionem deformandam divergit. Id ipsum quoque in infra-spinatis E E, & in memoratis supra-spinatis musculis D D non minus in situ, quam extra situm conspicitur. Idem vero deprehenditur in rotundo majore F. Horum autem omnium nervosi ductus ϵ ϕ a cervicis, & brachiorum nervorum truncis proficiscentes, in rotundum musculum etiam minorem I diriguntur. Item alia filamenta ultimorum cervicis nervorum ex litera x indicantur. Indicantur quoque extensores, hoc est, per literam K longus, per H brevis, per L intimum bicipitis caput, perque græcam literam π nervosus ductus, qui per olecranon ejectus ad carpum usque protenditur. Litera autem M conspiciendum exhibet pronatorem longum, N cubiti interior, O exterior, P radii quoque exterior, & Q magnum inde digitorum extensorem.

Sub oculis vero est in dextera parte scapulæ figura, quæ literis m m m describitur, una cum spina l, atque acromio n, quod humeri finem, & capacitatem subit, quo in omnem partem flecti, moverique possit. Præterea sublimis musculus in radio per hoc signum \odot in oculos incurrit, quemadmodum ex hoc altero Δ profundus, ac per literam T supinator longus, qui quidem omnes conspicuo cervicis nervorum ductu donantur. Sequitur in femoribus tum lumborum nervorum, tum ossis sacri nervosi trunci deformatio, quorum primi ϵ subter obturatoris exterioris corpus g g dimanantes, glutæis quum majore x, tum multo magis minore

re V, ac minimo Y induuntur. Reliqui vero crurum nervi o o, per femoris musculos recta discurrentes, tenues ipsis impertiuntur processus, hoc est, bicipiti Z Z Z, femineryoso b b, semimembranoso, ut ajunt, a a, relictis recto h, exteriore vasto f, qui a lumborum nervis suos nervosos processus desumunt, quemadmodum in superioribus tabulis ostendimus. Per literam i indicatur cervix femoris cum duobus processibus, quos *trochanteres* Græci appellant: perque literas o o adiposa corpora, quæ inter os sacrum, & perinæum collocantur.

Insuper dextero in poplite deprehenditur memoratus nervosus truncus e e, qui in gemelli c corpus sese infert, emissio tenui tantum filamento nervoso s, quod cum suræ vena z conjunctum, ad extimam usque pedis partem in multos, atque varios ductus distributum abire conspicitur. Hocce autem filamentum in læva sura aperto gemelli musculi corpore in solai substantiam e desinit, per cujus inde superficiem alius discurrit nervosus poplitis furculus r, qui a maximo crurum trunco originem ducens, & in femoris medio se dividens ad malleolum usque interiorem, & exteriorem r, simul cum aliis nervorum ductibus a poplite item exorientibus procedit.

T A B U L Æ X V I I I.

F I G U R A I.

Eandem ferme rationem hac in Icone adhibet Auctor, qua usus est in superiore: nimirum ab ipso eorum, nervorum processus, ac ductus, qui musculos in posteriore corporis parte locatos perreptant, exhibentur. Ac

primo quidem per literam æ inferiorum cervicis nervorum ramulus per diductam, denudatamque aurem, perque abscissum scapulæ elevatorem E discurrens indicatur. Literæ vero BBBB ostendunt nonnulla dorsi nervorum filamenta, quæ in semi-spinatum DD desinunt, & literæ yyy quædam alia, quæ in sacro-lumbi CC tendines sese inferunt. In his autem dextero in latere deformandis ea Auctor diligentia, usus est, ut non modo eorum, qui ipsum præcesserunt, sed etiam qui sequuti sunt, Anatomicorum studium, atque sedulitatem longe omnium superarit. Ii deinde numeri 2222 &c. apophyses vertebrarum ostendunt, diducta carnosa mole latissimi dorsi musculi F. Per literam autem B elevator scapulæ musculus exhibetur suo in situ locatus, tum in ipsa scapula non magis media pars rr, quam extrema x omnium musculorum mole expoliata apparet, additis spina ss cum acromio tt, atque cervice uu quasi in acetabulum desinente, quam humeri caput YY excipit.

In lævo autem brachio musculus animadvertitur rotundus major literis HH indicatus, atque axillarium nervorum propagine præditus, ex cuius extremo alter ductus n emergit, qui per brevem extensorem G progreditur: item alii duo majores processus o, & r emergunt, quorum alter extensori longo I superinductus, inter cubiti musculum Z, interiorumque radii M ad carpi usque flexuram descendit; alter vero t per bicipitem musculum K discurret, donec radii interioris musculi L principio occurrat, in quo delitescens iterum emergit, & ad ipsius latus usque ad carpum excurrens in plures ramulos dividitur, qui in sinisteriore manus vola diversi abeunt.

Dextero vero in brachio, ut inferiorum cervicis nervorum furculos /, in bicipitem O, pronatorem longum P, exterioremque brachii N distributos ostenderet Auctor, muscu-
lum

lum extensorem brevem G, supra longum extensorem K, atque rotundum H naturali in situ locatos diduxit. In radio autem subter ipsius radii interiorem musculum Q emergit brachiorum nervorum extremus furculus, qui hoc signo ε indicatur; hic vero furculus non per cubiti modo exteriorem S, verum per extimam etiam manus partem propagatur. Deinde per literam R, quum exterior, tum vero interior cubiti musculus exhibetur.

Item perspicere licet dextero in femore magnum crurum nervorum truncum μ, qui ab ossis sacri ramis proficiscitur. Hic per posteriorem femoris partem procedens finitimis musculis, bicipiti nimirum Z f, ac seminervoso a furculos nonnullos impertitur, inde vero ad poplitem pertingens in alios, atque alios dividitur ramos H c, qui non solum extimam musculorum partem, sed interiorem quoque eorundem substantiam pervadunt: idque ita, ut in læva parte luculentius perspiciatur. Item hoc eodem loco Auctor conspiciendam proponit utramque gemelli substantiam d ad eam rem separatam, quo facilius iis subditus solæus e appareat.

Læva autem in parte postquam Auctor deformavit iliacum externum T, lumborum nervorum propaginibus K præditum, & periostium ossis ilii V, musculum quadratum X, adiposæque corpora hh, ipsumque magnum crurum nervum μ exhibet. Hic autem furculos aliquot divulso bicipiti Y, seminervoso Z, ac tricipiti a impertitus, in duos conspicuos truncos ν, & ε dividitur, quorum postremus in solæi substantiam d inseritur: alter vero per interius venæ g, quæ subter poplitem existit, latus excurrrens, musculo suppopliteo, quem ajunt, b, aliisque finitimis musculis nonnullis furculis donatis, ad extremum usque pedem dirigitur, ibique nomen suralis o nanciscitur; & in pedis planta in multos, ac varios tenues processus divisus apparet.

FIGU-

F I G U R A I I.

QUO\facilius igitur magni crurum nervi ductum *o* a in fura proficiscentem, unde furalis appellatur, tum ipsius nervi in planta pedis progressum, ac divisionem idem Auctor ostenderet, integumenta i primo diduxit, deinde plantæ brevis musculi tendines III summa cum diligentia extulit. Quare ex huiusmodi divisione non tres modo ab eo proficiscentes furculi *ST*, per extremos digitos discurrentes conspiciuntur, verum etiam calcaneum *q*, digitorum flexoris *m*, pollicisque proprii tendines *o*, una cum minimi digiti adductore *n* exhibentur; quemadmodum per literam *p* alter nervosus processus exhibetur, qui a priore pedis parte dimanans, in posteriorem, interiorumque ipsius partem divergere deprehenditur.

T A B U L Æ X I X.

F I G U R A I.

HAC in Icone sese primo oculorum intuitu conspiciendos exhibent musculi, atque nervi, qui in posteriore humani corporis parte animadvertuntur, quorum nonnulli in proprio situ, quidam vero vel sursum evecti, vel extra situm positi apparent. Per literas enim *AA* splenii musculi primo indicantur, ab occipitii latere discissi, atque utramque in partem diducti, ut primi cervicis nervi per ipsos excurrentes in oculos facile incurrant. Licet inde intueri per literam *B* complexum, quem ajunt, musculum, a sinistro quoque occipitii limite ad latera divulsum; ad quem cervicis nervorum ramuli subeunt, atque pervadunt.

Ex

Ex litera autem B dexter complexus musculus suo in situ, quem natura fortitus est, ostenditur. Item per literam a nervosus ramus demonstratur, qui per cervicem excurrens, & ad occipitii latera deflectens, ad sinciput usque scite protenditur. Deinde indicatur per literam E apophysis, quæ pro firmiore articulo præ novem ceteris effertur. Præterea literæ F F ostendunt rectos extensores majores musculos: quemadmodum literæ D D rectos extensores minores cum superiore obliquo, sinistro lateri adhærente, & C C spinatos musculos suo in situ locatos, quorum lævus a tribus primorum cervicis nervorum furculis B Y perforatur. Ex græcis autem literis ∂ ∂ ∂ tres alii quoque nervosi ramuli indicantur, qui ultimorum cervicis nervorum ductus, & primi thoracis nuncupantur, quique supra spinosas quum colli, tum etiam thoracis vertebrarum apophyses in transversum deducti spinatos musculos irretiunt. Insuper per literas G G sese oculis obiciunt longissimi dorsi musculi, atque sex nervi furculi, qui ad ipsos medios pervadunt ΕΡΝQIKY, quique oblique abeuntes in sacro-lumbi musculos ad latera utrinque subeunt, alii vero per musculos ipsos longissimos excurrunt. Sub oculis deinde sunt literæ H H indicantes sacro-lumbi musculos, aliquanto abductos, & L L ostendentes musculos latissimi dorsi, in apophysibus vertebrarum transverse discissos, & ad scapulæ latera substratos. Græca vero litera ξ indicat nervum, qui a cervice dimanans, dextero in brachio subter axillam evehitur, quique humerum pervadens pluribus ramis in musculos post cubitum infigitur. Ex litera autem K ostenditur extensor cubiti longus, ex L brevis, & ex M exterior brachii, qui subtus invicem glomerati validissimum tendinem conficiunt in olecranon sese inferentem. Perspicere quoque licet per literam N cubiti exteriorem musculum non a sua origine solum recisum, sed inferiore etiam parte aliquanto

reflexum, ut brachiorum nervi facilius appareant. Item licet intueri per literam Q exteriorem radii musculum suo in situ locatum: quemadmodum per literam P pollicis, indicisque digitorum simul adhærentium extensorem, & per literam O magnum etiam digitorum extensorem. Præterea in femore musculus glutæus major per literam T ostenditur, & minor pariter supinatus, perque R eorum tendines in magnum trochanterem desinentes. Insuper apparent distincti tres nervorum ductus, qui ex magno crurum nervo O Q exorientes, radiorum instar in minoris glutæi substantiam sese inferunt, ubi ramis plurimis fruticantur. Conspiciendum inde sese objicit per literam S minimus glutæus in situ locatus, qui subter memoratos nervos sese diffundens in magnum trochanterem pervadit. Litera autem V exteriorem obturatorum musculum exhibet, qui a figura, quam præfert, piriformis vulgo appellatur, litera vero n magnum crurum nervum indicat, qui, cum ab ossæ sacro prodit, nervorum caudicibus augetur, perque posteriorem femoris partem progrediens ad pedem usque pertingit. Sequuntur literæ xx indicantes bicipitem musculum, cujus primum caput ab ischii tubere, alterum vero a media ferme parte posteriore femoris derivatur; tametsi eadem principia simul in inferiore parte conjungantur, eorumque tendo in poplite recisus, atque substratus appareat, ut crurum nervorum processus facilius inspiciantur. Sub oculis quoque versatur per literam a musculus vastus exterior, per Y feminervosus suo in situ, perque Z femimembranosus musculus ab ischii quoque tubere natus, & crurum nervi ductu implicitus exhibetur.

Magnus crurum nervus ad poplitem pervectus in duos insignes dividitur furculos, qui per literam S indicantur. Interior autem furculus, qui magnus nervus est, multos, ac varios furculos gemellis præbens, in media tibia nervum exhibet,

hibet, atque in calcaneum definit. Alter vero exterior, qui minor est, intra musculos reconditur. Item per literam h peronæus posticus, & per literam g magnus digitorum flexor exhibetur: quemadmodum per literam f tibiæ posticus musculus in situ locatus ostenditur. Supra præfatos autem musculos ad latera, & extra situm tres musculos per literas b b intueri licet, hoc est, gemellum dexterum d d, & sinistrum, & solæum c c, qui simul connexi chordam magnam in utroque latere constituunt, tametsi hoc loco ipsa a calcaneo reflecta apparet.

F I G U R A I I.


HAC in Icone per literam S sua veluti sponte se in oculos ingerunt & crus posteriore parte conspiciendum, & magnus crurum nervus, qui non iis ductibus donatus animadvertitur, quibus in superiore Icone præditus conspiciabatur. Litera autem n oculis objicit peronæum posticum; quemadmodum litera i tibiæ posticum, M magnum digitorum flexorem, l pollicis digiti flexorem in situ ostendit. Oculis inde occurrit per literam p minor digitorum flexor musculus suis tendinibus q munitus, qui cum tendinibus extensoris majoris conjuncti, hic a propria sede submoti apparent, ut suræ nervi mira dexteritate, ac solertia deformati per pedis plantam excurrentes conspiciantur.

Denique per literam O indicatur pars extensoris pollicis ab interno malleolo excisa, in quam plures nervorum ductus e poplitis nervo derivati inferuntur: quemadmodum per S musculus interior, qui interosseus appellatur, & per t minimi digiti deductus musculus, perque r pedis planta communibus tegumentis contexta exhibentur: etiam si hæc aliqua in par-

te denudata apparet, idque eam in rem factum est, ut magni crurum nervi processus, qua ratione per ipsam distribuuntur, palam fiat.

T A B U L Æ X X.

F I G U R A I.

T ea, qua par est, diligentia Auctoris mentem aperiamus, ita cunctorum ossium compaginem hac in Icone demonstrandam aggredimur, ut quamlibet ejusdem partem extra situm locatam consideremus.

Ac primo quidem in hujus ossæ formæ dorso duo musculi conspiciuntur, qui sacro-lumbares vulgo appellantur, etsi aliquantulum supra costarum latera ita reflexi appareant, ut mirum ipsarum costarum nervorum machinamentum facilius pateat. Hi porro nervi in apophyses spinosas cuntes, furculos per ipsos musculos sese diffundentes exprimunt, eosque etiam in occipitio, relictis primæ, & secundæ vertebræ ligamenti. Insuper de medio sublati exterioribus costarum musculis, interiores solum musculos conspiciendos Auctor proponit. Hi autem cum præfatis musculis extrinsecus decussantur. Præterea qualibet in parte posteriore hujus figuræ repagulum apponitur, idque ita, ut peritonæi tela ad vertebrarum lumborum latera ob oculos ponatur. Denique sub oculis versantur crurum nervi, qui ad ilium latera subtus dissecti pensiles deprehenduntur simul cum parte musculorum, qui pedibus motum præbent.

F I G U R A I I.

EX posteriore parte sinister humerus exhibetur, in cujus vertice rotundum caput occurrit; idque grandiusculum, globosum, quod scapulæ sinus excipit. In ejusdem vero externa parte rima inest, seu via, qua ingens tendo, qui bicipitem musculum effingit, in brachium tuto commeat. At imum humeri ad cubitum spectans non globosum, sed uno; & altero tuberculo utrinque turgidum est, altero extrinsecus minore, interiore altero, atque majore, quod ossi cubiti adnectitur, & rotulæ figuram præfert.

F I G U R A I I I.

Idem humeri os hac in Icone ostenditur, etsi humerus dexter cum naturali inæqualitate ex interiore parte reflexus conspicitur, cum idem sit summum ejus caput, & inferior pars, quæ tamen ea cavea prædita exhibetur, in quam sese infert ossis cubiti, olecranon vulgo dicti, vertex, tum processus medius, qui foras exporrigitur, & trochlearum more convolvitur.

F I G U R A I V.

DUO hic, quibus brachium struitur, ossa exhibentur, quorum majus cubitus, minus vero illi insidens radius appellatur, & ea quidem utraque interiore ex parte reflexa conspiciuntur. Longius enim, magisque extensum os cubiti apparet, quum processum olecranon demonstret instar pollicis, & superiore parte tuber illud, quo radii capiti inseritur. Hoc autem radii caput rotundum, & leviter sinuatum deprehenditur. Cubiti vero, radiique media hiantia sunt, &

disjuncta, quæ tamen rursus inferiore parte ad primam palmæ partem coeunt, occurritque cubitus minimo digito, radius pollicis.

FIGURA V.

EXpositis ex interiore facie ossibus tam cubiti, quam radii, nunc eadem exteriori ex parte exhibet Auctor; os enim cubiti inferiore, atque exteriori parte longius est, tum suum habet verticem, quem olecranon processus efficit, qui-
que in posterius humeri cavum se recondit, ut supra diximus. Aliud porro os radii exilius, altiusque animadvertitur, quemadmodum superiore suo capite rotundum. Idem autem inferiore parte altius, latiusque cubito ad internum latus apparet.

FIGURA VI.

SEse in oculos ingerunt hac in Icone quum tibia, tum vero sura, quam Medicorum vulgus fibulam appellat, exque interiore ex parte nobis conspiciendæ, quo facilius lata verticis tibiæ basis primo conspiciatur, in quam femoris tuberculum sese inferere supra ostendimus. Eadem vero tibia deorsum progrediens, aliquanto ad medium exilior evadit, atque dum desinit, aliquanto excavatur, sensimque ampliorem figuram induit, excipitque talum. Intrinsecus autem, & ad latera per patulum tuber interiorem malleolum constituit. Fibula vero, sive sura tanto brevior est, quanto parte ima longior apparet opposita tibiæ appendice. Deinde, productio aliquantulum sui ipsius tubere interiorem malleolum effingit, & extrinsecus præfato talo ad latus adhæret.

F I G U R A V I I .

PRiore parte duo ipsa ossa , nimirum tibiæ , & suræ perspicienda , atque extensionibus suis non minus in vertice , quam in fine donata exhibentur . Præterea iisdem ossibus aliquanto minus invicem disjunctis , tibia suo in capite magis elata , atque in medium plus æquo , quam sura incurva apparet . Sura verò dum definit , tibia naturaliter longior evadit , quo exteriorem malleolum gignit .

F I G U R A V I I I .

POsteriore ex parte Auctor hoc loci femoris os indicat , & primo ejusdem caput , quod in coxendicis acetabulum conjectum convolvitur . Sequitur inde ejusdem cervix , quam collum appellant . Ab ea cervice exigui duo manant processus : majorem , qui foras exilit , alii natem , alii trochanterem magnum dixerunt , minorem vero trochanterem parvum . Extremum inferius tuberculis est discretum duobus , quibus cruri cohæret . Hoc autem loco minime deformata conspicitur rotula , sive patella , quæ femoris , tibiæque in genu campagem tegit , atque extrinsecus firmat , tametsi ejusdem naturalis situs indicatur .

F I G U R A I X .

Ipsum femur hac in Icone indicatur exteriori parte inversum non magis cum capite , quam cum cervice , & magno trochantere . Subter ipsam vero cervicem minor alter processus exhibetur , quem propterea parvum trochanterem nominant . Inferiore autem in parte , seu extrinsecus in ipso femore præter duo illa tubercula , quæ in lateribus offert ,

in medio rima illa grandis aspicitur, quæ sanguinea vasa per pedem excurrentia excipit.

F I G U R A X.

HAC in Icone sub oculis est pars illa ossis, quæ coxendicis; sive ischii acetabulum conflat: ad quod pariter efficiendum ipsum ischii os ad latera, inferiore autem parte os pubis, sive *pectinis*, quæ semicirculi figuram præfert, conspirare animadvertuntur.

F I G U R A X I.

Superiore vero parte, atque extrinsecus hoc loci apparet os ileum, ischio ipsi inhærens, quod ad interius latus illi suppositum est, quemadmodum ossi pubis, quo de infra dicemus. Quin imo ex huiusmodi ossium conjunctione post ischii acetabulum notum illud ovata figura præditum foramen conflatur, quod a musculis pectinæo, sive *livido*, triplicite &c. obtegatur, de cuius inæqualitate Tab. XXVI. loquimur.

F I G U R A X I I.

Pæterea aliud ileum os supinatum hic spectatur, ut non modo ejusdem crista, quæ superiore parte ipsum ambit, deprehendatur, sed cavea illa quoque, quæ in medio viscerum partem excipit, & posteriore parte finem longum constituit, elatumque, ut in ipsum ossis sacri latus inferatur, quemadmodum inferiore quoque in parte os ischii ipsi ileo adnexum apparet. Porro pubis os ovata etiam figura donatum exhibetur, ut præfatum, quod hic intrinsecus conspiciatur, foramen efficiat.

FIGU-

F I G U R A X I I I .

Manus explicanda hoc loco nobis proponitur ; & primo interiore ex parte nobis sese offert, nimirum cum carpo, qui octo distinctis ossibus, inter se inæqualibus, & frequentius duos in ordines divisus constituitur. Ordo enim ille, qui prope metacarpum est, expansior videtur, & ossa quinque, quibus carpus contextus est, interius aliquantulum cava deprehenduntur. A singulis vero illis ossibus singuli digiti directe porriguntur, uno pollice dempto, qui oblique metatarso, quem dicunt, videtur additus, & duobus tantum ossibus constitutus, priorisque nodus consequentis finem perpetuo subit. Alii autem digiti quatuor tribus ossibus conflantur, suis cum apophysibus minus tamen elatis, quam illas esse constat, quæ in metacarpo indicantur, de quibus clarius Tabula vigesima sexta loquemur.

F I G U R A X I V .

Exima ipsius manus pars hac in Icone conspicienda exhibitur, a summo ad carpum usque leviter tumens, atque intus sinuata, tum apophysibus destituta, quas supra in interiore ipsius manus parte deprehendi ostendimus.

F I G U R A X V .

Licet hic intueri carpum octo ossibus donatum, quæ interiore parte juncturas faciunt, eaque a nonnullis *Rasette* appellantur.

FIGURA XVI.

Praterea oculis sese hac in Icone objicit medius carpus extrema ex parte inversus, atque ab ossibus metacarpi pariter disjunctus, tum ita sursum evectus, quo facilius postremorum ossium, quæ ossibus quinque metacarpi adhærent, figura appareat.

FIGURA XVII.

Praterequam quod carpus hoc loco supinus locatur, etiam aliquanto attollitur, ut interior ejus pars conspiciatur: unde prima duo ejusdem ossa occurrunt, quæ radio aptantur, ut simul cum musculis multos, ac varios motus emitant, additis aliis identidem ossibus, quæ in metacarpi juncturis constituta reperiuntur.

FIGURA XVIII.

Carpus denique hic oculis objicitur, inclinatus, illa etiam ex parte, qua ossibus metacarpi jungitur; atque inde per exteriorem faciem octo ossa, quibus conflatur, exhibentur,

FIGURA XIX.

Auctor, ut pedis structuram apertius patefaceret, non extimam modo pedis partem, quæ num. XVII. indicatur, sed etiam intimam ejusdem partem deformavit. Ipsius autem pedis tarsus, ut ajunt, septem distinctis ossibus præditus conspicitur, quorum unum, quod supra locatur, talus, sive astragalus nuncupatur. Hic vero multas habet inæqualitates, atque exteriore in latere caveam, sive sinum, cui fibula adhæret: tum inferiore parte aliquantulum ossi calcanei

neo pluribus tuberibus adnectitur, & priore parte cum talo conjungitur. Os tamen calcaneum prima veluti fronte in hac Icone occurrit, quod inæquale maxime subter pedis plantam conspicitur, ubi per plures caveas excrescit, talo adjungitur, & priore parte naviculari ossi adhæret. Tertium autem os, quod etiam tesseram nonnulli appellant, tribus aliis ossibus inseritur, quæ prima metatarsi internodia, ut ajunt, constituunt. Postremum tandem conjungitur ossi, quod a figura, quam præsefert, naviculare appellatur. Hoc autem ab osse calcaneo, & priore parte a postremis duobus metatarsi ossibus excipitur. Itaque hujusmodi ossium interior pars in Fig. XIX., ut diximus, exprimitur, quemadmodum in XVII. exterior, ubi quatuor metatarsi ossa aliquantum gibbosa extrinsecus animadvertuntur, intrinsecus vero caveis simul cum tuberculis donata, quibus ad digitos adjunguntur. Horum autem quodlibet tribus exiguis ossibus coalescit, præter pollicem, qui ex duobus exteriori parte aliquanto gibbosis, ut ex Fig. XVII. patet, intrinsecus vero cavis cum suis tuberculis, perinde ac in XIX. Fig., conflatur.

Postremas autem, quæ hic sequuntur, Figuras Auctor quasi præteriens indicavit. Et sane Fig. XX. os tali exteriori parte conspiciendum objicit. In XXI. ipsum os inferiore parte exhibetur. Ex Figura XXII. naviculare os, ejusque exterior facies indicatur; & per Figuram XXIII. interior præfati ossis facies ostenditur. Figura vero XXIV. exprimit os calcanei, & superiorem ejus partem, qua cum talo conjungitur: quemadmodum XXV. ipsum os ad latus, & exteriori facie exhibet; & Figura XXVI. idem pariter offert supinatum, ut tuberculum illud, quo humus teritur, multo elatum appareat. Per Figuram XXVII. tesserâ, sive talus nobis conspiciendus proponitur, illa cavea præditus, qua intrinsecus ossi talo adhæret: perque Figuram XXVIII. illud ipsum appa-

apparet supinatum, quo ob varias, quas præsefert, facies polymorphon appellatur. Præterea ex Figura XXIX. quatuor ossa simul conjuncta ostenduntur, nimirum tarsi priora inferiore parte conspicienda, os cuboides, quod pollicem digitum spectat, & naviculare, quod cum duobus mediis, de quibus supra, ad minimum digitum protendit. Denique exterior illorum ossium facies per Fig. XXX. sub oculis versatur.

T A B U L Æ X X I.

FIGURA I.

NEC minor in Auctore fuit rerum anatomicarum intelligentia, ac studium, dum nervorum e cerebro originem, eorumque ductus per spinæ medullam sese diffundentes explicavit. Itaque cerebrum prima fronte a lateribus submotum ad duos usque ventriculos, & crura, seu pedunculos, simul cum eminentiis, & natibus occurrit.

Et primo quidem per literas A A tertium ventriculum a ipsius latera abscissum intuemur: quo fit, ut corpora striata, & nervorum opticom origo pateant. Ex literis autem B B indicatur cerebellum dura matre exspoliatum, piaque indutum membrana, atque in duos distinctos lobos elatum. Literæ vero C C tubercula in situ, quæ nates appellantur, ostendunt: quemadmodum literæ D D testes suo etiam in situ locatos demonstrant. Licet inde intueri per literas H H nervos opticos, per I nervum, quem ajunt, motorium, perque E integumenta ipsa in fronte supinata, perque L patheticum nervum sinistram proprio in situ affabre deformatum. Item sub oculis est per literam K quintum par, seu primus gustatorius, quem dicunt, nervus: ut per literas N N duræ matris in situ limbus spectatur. Præ-
terea

terea conspiciendum se exhibet per literas N N N cranium oblique recisum: tum per G G cranium ipsum in vitrea ossis frontis lamina dura matre exutum, & prope os instar cristæ, atque cum osse MC, quod quum varie pertusum sit more cribri, a Græcis ethmoides dicitur, conjunctum apparet. Denique ex litera F temporum musculus deorsum substratus, & ex literis O O integumenta aliquantum inclinata deprehenduntur.

FIGURA II.

PER literas A A hac in Icone ostenduntur integumenta, quæ ipsam frontem contegunt, etiamsi magna ex parte ab ipso osse avulsa. Ex literis vero B B temporum musculi superiore parte a temporum osse discissi, & ad latera vergentes: quemadmodum ex G ethmoides os comparet, & ex Q quinti paris extensio per ipsius oculi membranas sese diffundens, & per c c eadem extensio aliis, atque aliis inde ramis divisa, quæ extra cranium in frontem abit. Item literæ O O O &c. duram matrem indicant, quæ in extremitatibus instar circuli conspicitur, ut ejusdem duræ matris facies quum interior, tum exterior spectetur. Præterea ex literis F F ostenditur duræ ipsius matris interior pars, quam cranii ossa vestiunt, ad latera quidem extensa: ut ex literis E E cerebellum pia matre integre contextum, & ex DD basis tertii ventriculi, ubi corpora striata locantur, exhibetur. At cerebrum, quod illam constituit, eam ad rem prorsus amotum deprehenditur, ut nervorum opticorum thalami, eorumdemque principium clarius innotescat. Per literas autem M M exhibentur nervi optici a thalamis emergentes, posteriore parte versus tertium ventriculum divulsi, eademque posteriore parte prope cerebellum elati. Item duæ li-

teræ MM, quæ superiore Iconis parte conspiciendæ exhibentur, ipsorum nervorum opticorum insitionem ad falcem messoriam ostendunt; imo plane ipsi nervi optici sese iterum dividentes, & alter quidem per dexteram, alter per lævam partem viam capeffens, in oculos contendunt, qui duobus illis globulis, propriis integumentis contectis, per literas CC significantur. Perspicere inde licet per literas KK motorum, quos vocant, nervorum originem. Hi autem nervi e' prior parte oblongatæ spinæ prope glandulosa cerebri tubercula proficiscuntur. Litera autem T indicat patheticum, sive patientem dexterum nervum, qui a posteriore spinæ oblongatæ parte dimanans, ad motorum latera simul cum ipsis oculum subiturus prior parte protenditur. Porro apparent per literas NN quintorum parium origines, seu gustatus nervi cum multis, variisque ductibus, qui ad sensus, motusque functiones intra, & extra cranium suppetunt, satisque sunt. Ex literis vero PP indicatur foramen ossis sphenoidis, & nervus ipse dura matre indutus: quemadmodum ex literis II infundibulum, quod a tertio ventriculo per priorem partem, ad sellam turcicam ducit, ubi glandula pituitaria deprehenditur. Denique literæ HH ipsius sellæ partes dura matre ad latera contectas demonstrant.

FIGURA III.

HIC describitur ab Auctore caput, quod in transversum positum, atque posteriore parte inclinatum conspiciendum offert. Item cranium ipse Auctor, tum priorem omnem, posterioremque cerebri partem ad eam rem amovit, ut plures nervi, qui ex cranio exorientes in spinæ medullam descendunt, indeque per omnes humani corporis partes profunduntur ad motionum impetus sustinendos, apparerent.

Ac

Ac primo quidem sub oculis sunt literæ A A indicantes glandularum, ac medullæ priores processus, in primo ipsius spinæ medullæ exortu locatos, quique post Eustachium huic nostro Auctori innotuerunt. Sequuntur cerebelli gemini lobi suis lamellis, ac pia matre contacti, qui literis B B indicantur. Per literam autem Q exhibetur coitio vertebrarum articularum, quæ priore parte subter spinæ medullam hic reflexam eriguntur, ut cum prioribus, sive soporariis, ut ajunt, hujusmodi infitione recisis jungantur. Ex literis vero R R R R cranii limbus recisus indicatur: quemadmodum ex litera E dura mater, quæ subter cerebri basim illum ipsum tegit. Porro literæ C C demonstrant oculos ex cavea ossea ablatos, atque oculariis membranis contactos. Insuper per literam I opticus nervus dexter, per R æque dexter nervus motorius, quem dicunt, perque L par quintum, seu gustus primus in alios, atque alios ramos divisus, atque in cranii foramina sese immittens apparet. Item ex litera M gustatorius, ut ajunt, nervus alter, sive par sextum, qui ambo cum proximo pathetico oculum subeunt: quemadmodum ex litera N durus nervus, mollisque, quem vocant, auditorius, & ex litera O vagus nervus ostenditur. Intueri inde licet per literam D communia integumenta extra cranium substrata, & per literam S temporum musculum, sive crotaphiten sejunctum, & inferiore parte supinatum. Apparet deinde ex litera F os ethmoides, & ex H partes fellæ ad latus dura matre indutæ conspiciuntur. Denique ex litera G infundibulum ad glandulam, quam dicunt, pituitariam ducens, & ex P spina oblongata, ex qua muscoli motui inservientes originem trahunt, significatur.

F I G U R A I V.

Superiore cranii parte simul cum cerebro amota, quidquid in ipso cranio reliquum est, hac in Icone Auctor patefacit.

Itaque litera A sinistram cerebelli partem ad dexteram substratam, ut ejus ipsius basis appareat, ostendit. Per literam vero B exhibetur dextera cerebelli pars, quam pia mater suo in situ ornat, atque obtegit. Item ex litera C spinæ medulla intra cranium, atque ad priorem ipsius partem supinata conspicitur: quemadmodum ex D eadem spinæ medulla, eaque extra suum foramen recisa apparet. Porro litera M denotat sexti paris, seu vagi ramum, qui plures e suo sinu ramusculos ad spinæ medullæ latera intra cranium immittit, ac conjicit, quod Eustachius jamdudum animadverterat. Insuper indicat S litera vagum nervum pluribus filamentis in ipsam spinæ medullam infixum. Præterea per literam R auditus nervus, per Q gustatorius, ut ajunt, alter, sive par sextum, per V patheticus, per O motorius, per N nervus opticus, per GG oculi in proprio situ suis membranis contacti, per K equina fella, per I infundibulum ad pituitariam ducens glandulam, per F cristæ processus,isque fractus, perque E os cribriforme ostenditur. Deinde cranium usquequaque fractum ex literis xxx significatur, & ex literis HH dura mater cranium ipsum operiens indicatur. Denique litera P parvum arteriæ carotidis ramum, qui per duram matrem propagatur, & litera M communis, quæ extrinsecus cranium ambiunt, ac tegunt, integumenta demonstrat.

F I G U R A V.

Nitide, atque opportune hac in Icone nobis exhibet Autor cranium pluribus in partibus fractum, idque in eam rem, ut quæ in eo sunt conclusæ partes, per transversum conspiciantur.

Ac principio quidem per literam A cerebri medullofa portio multis flexibus sinuosa ostenditur, & per C alia medullæ portio ex priore sui regione substrata, ac prope glandulosa corpora succisa indicatur. Item ex litera B cerebellum pia matre contactum: quemadmodum ex D E spinæ medullæ pedunculi a cerebro, & cerebello progeniti ostenduntur. Litera vero G motorium, ut ajunt, nervum opticum, & H gustus primum, seu par quintum, I auditus nervum, K denique vagum nervum, ipsiusque vagi ramusculos, qui hinc inde spinæ medullæ lateribus adhærent, significat. Insuper per literam L par nonum, per Q lateralis vagi ad collum processus, per M primus cervicis nervus, qui inter ipsius spinæ foramen, & primam vertebra locatur, per N alterum par cervicis, perque O vagi ramusculus cum primis cervicis conjunctus exhibetur. Præterea sub oculis est litera R indicans arteriam carotidem prope cranium excisam: quemadmodum ex literis R R R dura mater fracto cranio adhærens demonstratur. Ipsa autem dura mater a cerebelli superficie avulsa, & ad dexteram partem substrata literis S S indicatur. Perspicere quoque licet per literam V spinæ medullam extra cranium excisam, atque substratam, & per T communium integumentorum, quæ cranium ipsum ambiunt, partem inferius reflexam, perque x partes communibus integumentis denudatas, atque ad sinistram colli partem substratas, quo facilius vagus nervus in oculos incurrat.

Denique ex litera Y musculosæ inæqualitates per transversum ad spinam excisæ apparent.

F I G U R A V I.

A Perto in transversum cranio, submotoque & cerebro, & cerebello, qua ratione discissi spinæ medullæ nervi singuli in sua foramina pervadant, hac in Icone palam fit.

Et sane prima fronte partem illam dissecti, amotique cranii literæ A A A A A oculis obiiciunt. Per B autem cri-stæ processus indicatur. Per literas inde C C sub oculis est os ethmoides, seu cribriforme, perque FF geminæ cavæ dura matre obtectæ, quas temporum os, & sphenoides producunt. Item ex literis GG duo alia cava a temporum item, & occipitii ossibus conflata, quæ cerebellum excipiunt, sub oculis versantur. Litera porro E posteriorem lambdoidæ futuræ processum exhibet, & litera H fellæ equinæ priorem partem, & I infundibulum alio loco indicatum, ostendit. Insuper ex literis K K apparent duo optici nervi carotidibus arteriis adnexi, qui a primis foraminibus ab offe sphenoidæ conflatis prodeuntes, oculos ipsos subeunt. Per literas autem R R pathetici ostenduntur nervi, qui cum motoriiis L superiore parte ad latus interius deformati extra cranium procedunt ad oculos ituri, dum per oblongum ossis sphenoidis foramen transeunt. Præterea literæ M M denotant gustatorios, ut ajunt, nervos, seu par quintum, qui a meatu sphenoidis ossis, quod ovatum appellatur, interdum dimanant; quemadmodum literæ N N gustatorios alios exhibent nervos, seu par sextum, qui duram hic matrem pervadentes, ut aliis nervis mos est, oculos ipsos invadunt. Licet inde intueri per literas O O auditus nervos, qui in magnum foramen petrosi ossis sese immittunt; & per literas PP

P P vagos nervos, extra cranium proficiscentes, per oblongum illud foramen, quod ex temporum osse, & occipitii additamento gignitur. Sese deinde conspiciendos exhibent per literam Q nervosi linguæ motores rami, qui per suum meatum extra cranium prope occipitii additamentum sese diffundentes ad linguam pertingunt: omnesque hi nervi a. spinæ medulla intra cranium recisi apparent. Denique ex litera D ostenditur foramen, per quod spinæ medulla descendit, quæ tamen hic prætermittitur, & ex litera E situs, qua longitudinalis, ut ajunt, sinus transit, significatur.

T A B U L Æ X X I I .

F I G U R A I .

IN dexteriore parte ad latus cranium incisum hac in Icone ostenditur, idque ita, ut subter ipsum suis integumentis expoliatum ea cerebri pars in oculos sese ingerat, a qua opticus nervus originem sumit, per quem videnti spiritus invehitur.

Ac principio quidem per literam A licet intueri cranium in suas laminas divisum, & per B B cerebelli laminulas superficie tenus, atque in transversum positas, quæ in gemina ejusdem hemisphæria, atque sanguinea vasa magis vergunt, & accedunt. Præterea sub oculis est per literas C C dura mater, quæ majorem cerebri partem integit, cujus item portio ad sinistram progrediens post suum septum, cerebellum ipsum obsepit: quemadmodum per D medullosa, eaque posterior cerebri pars membranis exuta indicatur. Ex literis vero E E principia nervorum opticorum ab ipsa medullosa parte prodeuntia apparent. Insuper litera F opticorum nervorum coitionem indicat, & literæ G G opticum nervum dexterum,

rum, atque lævum, & litera H situm ipsius optici nervi ad orbitæ centrum subeuntis, ubi oculariorum muscutorum principia ipsi adnectuntur. Porro ex literis o o o primus ad gustatum pertinens nervus, seu quintum par, in ramulos expansus ostenditur, qui ab orbitæ centro dimanans in supercilium inferitur: quemadmodum ex III musculus elevator proprius palpebræ superioris, sublimem musculum subtus involvens ostenditur. Litera autem L adductorem musculum, K deductorem, M alium obliquum musculum, quem exteriorem vocant, N obliquum interiorem, PP adnatam, ut ajunt, oculi membranam, quæ ex parte excisa conspicitur, ostendunt. Per literam denique Q palpebræ superioris pilis exutæ semicirculus, per R R cranii pars inter orbitam, & radices nasi ad eam rem dissecti, ut oculus extra situm locatus appareat, perque S communia inde integumenta exhibentur.

F I G U R A I I.

Oculus ex orbita detractus, nullaue tunica diremptus instar pyramidis hic conspicitur. Per literam enim A opticus nervus dexter in cerebri centro succisus indicatur, per B situs, unde in orbitæ centrum progreditur, & ubi musculi ipsi adnectuntur, perque D musculus, cui a pyramide nomen est, sive superioris palpebræ elevator exhibetur. Literæ vero C E obliquos musculos, G superiorem palpebram inversam, M inferiorem cum ipsius palpebræ musculo ostendunt: quemadmodum L pilos, I corneam tunicam universum oculum undique cingentem, & K foramen parte priore, & media, quod latine pupula dicitur, & ex quo acies est, qua cernimus, demonstrant.

FIGU-

F I G U R A I I I.

Licet inde intueri sinistrum oculum cum nonnullis ipsius musculis, tametsi non minus tunica ipsa adnata, quam adipe destitutum. Itaque litera A lævum nervum opticum intra cranium recisum, & C ejusdem intra ipsam orbitam progressum denotat, Ex literis vero II superioris palpebræ elevator musculus, ex B movens nervus, ex D trochlearis, quem ajunt, musculi progressus, ejusdemque carnosa pars significatur. Contra litera E trochleam, seu cartilagineum corpus ab illo musculo perforatum oculis offert: quemadmodum E ejusdem trochlearis musculi extremitatem priore parte in medium oculum sese inferentem, subter elevatorem palpebræ musculum, ostendit. Porro per literam E abducens interior musculus, qui, quum bibituris cyathum intuentibus opem præbeat, *bibitorius* vocatur; per H deductor; per G abducens exterior, qui, quod iræ exprimendæ partes præcipuas habeat, *indignatorius* nuncupatur: quemadmodum per literas K K altera, & altera palpebrarum portio, perque L L earundem coitio indicatur.

F I G U R A I V.

HIC Auctor statim exhibet oculum suis musculis munitum; etsi primis integumentis exutum. Et sane litera A patheticum nervum in trochlearem musculum, sive anteriorem obliquum infixum indicat; K vero denotat musculum *amatorium* dictum, quum amasii se mutuo oblique, & quasi rotantibus oculis intueantur. Item per literam L ostenditur obliquus exterior, in quem nervus sexti paris, quod aliter quoque gustatus est, inseritur. Deinde per literam H licet intueri superbum musculum, seu attollentem: quemad-

modum per I humilem, seu deprimentem. Sub oculis quoque est per literam D tertii paris nervus, quem motorium quoque dicimus: contra per literam C tertii paris in ipsum immissi ramus. Porro sese offert litera F indicans deductorem musculum, & D alterum tertii paris, sive motorium nervum ostendens, qui ad communes etiam oculi tunicas pervadit. Insuper in promptu est per literam G musculus adductor, per D alter tertii paris ramus, quum in eundem musculum ramorum ope, tum vero in obliqui exterioris musculum injectus. Præterea ex litera N adnata tunica, quæ suis a musculis non minus, quam ab sclerotica sejuncta conspicitur. Denique per literam B quinti paris nervus, seu gustus primus suis ramis per adnatam ipsam tunicam diffusus, & per M prior oculi pars, perque E opticus nervus in posteriorem ejusdem partem sese immittens exhibetur.

F I G U R A V.

HAC in Icone nihil fufius adnotandum putamus, quum ea omnia, quæ ad ipsam pertinent, jam supra in quarta Icone fuerint illustrata.

F I G U R A V I.

EX posteriore parte oculus affabre deformatus hic exhibetur, tametsi humore vitreo, atque cristallina lente penitus destitutus. Et quidem ex litera A nervi optici intra orbitam secuti pars ostenditur; ex B vero alia ejusdem portio, quæ intrinsecus oculum spectat, atque in retina extenditur. Per quatuor autem literas C C C C sclerotica tunica quadripartito excisa, atque optico nervo in superiore angulo annexa indicatur; quemadmodum per D D ciliare ostenditur.

ligamentum, cum ciliaribus quoque processibus, qui in choroideam tunicam desinunt. Denique per literam E pupillæ foramen corneam versus ducens significatur.

FIGURA VII.

Nunc vero ad oculi naturam, atque indolem plene, accurateque demonstrandam, Auctor ipsum oculum suis tunicis priore parte diremptum exhibet. Itaque litera A opticum nervum quodammodo separatum denotat, quo facilius ejusdem nervi cavum aliquod conspiciatur. Literæ vero BBBB scleroticam indicant tunicam, quæ per priora latera, quorum uni angulo nervus opticus solet adhærere, quadripartita exponitur. Insuper per literas C C C C anguli uveæ membranæ quadrifariam quoque discissæ apparent: quemadmodum per D D prior ipsius uveæ facies a colore, quo perfunditur, *iris* dicta, perque E pupillæ foramen una cum cristallina lente, quæ ad ipsam accedit, exhibetur.

FIGURA VIII.

HOC loco extrinsecus oculum tunicis omnibus exspoliatum intuemur. Et sane per literam A nervus opticus demonstratur: quemadmodum per B sclerotica tunica, per C corneæ circuitus, per D iris, perque E tandem pupilla cum cristallino humore conspectui subjicitur.

FIGURA IX.

HIC vero, ut interiores aliæ membranæ luculentius conspicerentur, Auctor oculum sclerotica tunica nudatum exposuit. Igitur ex litera A sub oculis est nervus opticus, &

per

per B perspicere licet priorem choroideæ partem perforatam, & nigræ veluti quadam conspersam, quæ uvea appellatur. Deinde per literas C C ejusdem circulus ad iridem efficiendam subter D progrediens, & per literam E pupillæ foramen sese conspicendum offert.

F I G U R A X.

Consentaneum, imo plane necessarium censuit Auctor oculum hac in Icone sclerotica tunica exspoliatum exhibere, ut apertius choroideæ membranæ situs patefieret. Itaque litera A indicat nervum opticum, dum in posteriorem oculi partem pervadit. Per literas vero B B choroideæ fibræ ciliaribus cum processibus conjunctæ conspiciuntur: quemadmodum ex literis C C C C indicantur ex omni genere vasa, quæ inter iridem, & interiorem scleroticæ, ac choroideæ tunicæ partem diffunduntur. Porro per literam E ipsa sclerotica tunica arte scissa, & per DD eadem sclerotica ab uvea sejuncta, & voluta exhibetur, ut choroideæ membranæ fibræ sub oculis essent. Denique literæ E E scleroticæ tunicæ partem ipsum opticum nervum obtegentem ostendunt.

F I G U R A X I.

Ab instituta ratione minime deflectens Auctor hoc loci oculum conspiciendum exhibet. Idcirco per literam A sese iterum offert nervus opticus, quemadmodum per B B choroidea tunica ab ipso optico nervo separata, & producta. Licet inde intueri per literas C C C C oblongum choroideæ tunicæ hiatus, quo quidquid intus jacet, ostenditur. Literæ autem D D fibrata scleroticæ latera, sive exteriorem ejusdem partem significant. Denique ex litera E demonstratur
reti-

retina, quæ vitreum humorem extrinsecus attingit, & per literam F pupillæ circuitus, in quem iris quoque infigitur.

F I G U R A X I I .

PER literam A hac in Icone nervi optici extensio indicatur: quemadmodum per B tunica retina cum vitreo humore conjuncta, suoque in situ locata apparet. C vero litera demonstrat circulum, quo crystallinus humor continetur, & ab ipsa retina contegitur.

F I G U R A X I I I .

HIC autem posteriore parte retina tunica sex in angulos divisa ab Auctore exhibetur, quorum aliqui literis AAA ostenduntur, ipsique in gyrum desinunt, atque in tunicam subtilissimam, quæ *arachnoides* dicitur, pertingunt. Item perspicere licet per literam B ipsam tunicam, eamque expansam, quæ crystallinum, & vitreum corpus cingit, ac posteriore sui parte conspicienda proponitur.

F I G U R A X I V .

UT vero oculi, quod natura sortitus est, machinamentum innotescat, ipsum oculum indicat Auctor membranis omnibus destitutum: idque ea potissimum de causa, ut vitreus humor appareat, qui tunica retina contactus per literas AAA demonstratur. Literæ vero BBB iridem, quemadmodum C crystallinam lentem ipsius iridis circulo, seu pupillæ foramini adnexam, & retina obtectam ostendit.

F I G U R A X V.

INsuper exhibetur hic vitreus humor una cum membrana, quæ ipsum tegit, idque per literas A A A A. Ex litera autem B lentis crystallinæ sedes in media priora parte vitrei humoris locata significatur.

F I G U R A X V I.

IN transversum lens ipsa crystallina simul cum ejusdem membrana, quam retina producit, hoc loco conspectui subjicitur.

F I G U R A X V I I.

Præterea hac in Icone eadem lens crystallina multis munita lamellis oculis sese offert.

F I G U R A X V I I I.

DEnique per literam A crystallina ipsa lens in transversum recisa, ac suis lamellis prædita ostenditur, ejusque in medio alba quædam substantia conspicienda objicitur.

T A B U L Æ X X I I I.

F I G U R A I.

Uditus organum simul cum suis omnibus partibus, quæ tam intrinsecus, quam extrinsecus auditioni usui esse solent, Auctor in hac prima Icone oculis sistit. Ac principio literæ A A A semicircularem caveam, quæ vulgo scapha dicitur, indicant: quemadmodum BB pin-

nam,

nam, ejusdemque semicirculare principium demonstrant. Ex litera vero E ejusdem pinnæ extremitas antitrigo adhærens indicatur. Item per F helix, per C C C anthelix, utrique a cavea, quam scapham dicunt, divisi exhibentur. Perfpicere inde licet per literam H concham, perque GG exteriorem auditorii, ut ajunt, meatus directionem. Litera vero K denotat tragus, M antitragum, I divisionem, quæ inter pinnam, & antitragum intercedit. Denique per literam L alveolus, per N lobi, ut ajunt, principium, per O prior ipsius regio apparet: quemadmodum per P ejusdem extremitas, perque Q locus ostenditur, ubi feminæ ornatus gratia gemmas apponere solent.

F I G U R A I I.

AUris hic suis cum musculis in situ, quem ei natura dedit, conspicienda proponitur. Hinc per literam A patet musculus auris elevator, per BBB pars posterior alæ aliquantulum introrsus inflexa, perque L antitragus apparet. Litera autem V exteriorem meatum, qui ad tympanum ducit, K infimam partem auris, I posteriorem auriculæ partem, C musculosam extensionem oblique aurem sursum adducentem indicat: quemadmodum D ipsius musculi tendinem significat. Ex litera vero E sub oculis est deductor musculus, & ex F ejusdem tendo, ut ex G alius deductor, & ex H ipsiusmet tendo demonstratur. Licet inde intueri per literas T T integumenta supra vasa sanguinea substrata, quæ in os temporum sese immittunt, & per R zygomaticum processum, perque S masseteris portio exhibetur. Præterea sub oculis versantur literæ N N semicirculum, ossisque temporum extremitatem indicantes. Denique litera O temporum os, M dexterum sinciput, & P integumenta ostendit quamplurimis frontis musculorum

lorum fibris adnexa, quibus temporum etiam musculi portio Q subjacet.

FIGURA III.

Tertia autem hac in Icone temporum os ab aliis cranii ossibus diductum: quemadmodum cartilagineus tubus extimæ auris amotus oculis objicitur. Apparet quoque concha, seu cavea intra notum processum ducens. In ipsius porro caveæ centro, seu prima, quæ tympani cavea dicitur, duo ossicula conspiciuntur: eaque ipsi tympano proximiora sunt, & a figura, quam præferunt, mallei, & incudis nomina sortiuntur. Hæc autem duo ossicula figura hujus Tabulæ XVII. enucleatius explicantur. Item in oculos sese ingerunt ramusculi quidam, quos ad extremum præfatæ conchæ latus os illud foras emittit, iique nervuli sunt duri, ut ajunt, vasorum sanguineorum comites.

FIGURA IV.

Oculis hic subjicitur portio ossis petrosi, sive temporum processus, qua cerebrum spectat, ubi præcipue foramen majoris nervi auditorii, quem dicunt, conspicitur: tum nervus in ipsum foramen insertus, aliæque caveæ, quas integre os ipsum patefacit, una cum jugulari processu a zygomatico osse submoto, exhibentur.

FIGURA V.

HAC autem in Icone apparet unicus petrosi ossis processus ex interiore etiam parte illa, unde multis, ac variis in ipso cavis remotis, ossium tympani circuitus sese offert;

fert; simulque incus, & malleus, quæ duo ossicula suo in situ rotundam inter caveam media locantur.

F I G U R A V I .

UT vero Auctor omnia ossa illa, quæ auditus organum effingunt, apertius demonstret, ipsum petrosum processum suo cum cavo planum, & æquabilem conspiciendum exhibet, additis in situ ossiculis, quæ ejusdem centrum respiciunt.

F I G U R A V I I .

HIC autem indicat idem Auctor alium processum petrosum sua cum ovata cavea ad latus spectandum.

F I G U R A V I I I .

INsuper simul cum prima cavea processus petrosi, tria ossicula primo veluti oculorum intuitu suo in situ summa cum diligentia deformata occurrunt, incus nimirum, stapes, & malleus.

F I G U R A I X .

PRæterea pars petrosi ossis sub oculis versatur, tum ipsius labyrinthi semicirculi ossi ipsi adhærentes conspiciuntur, quorum duo in ejusdem superficie expressi sua veluti sponte sese in oculos ingerunt.

F I G U R A X .

OS ipsum petrosum interiore ex parte conspiciendum exhibetur, addito anulari osse, quod tympano alligatur, & mallei manubrio, quod tympano quoque ipsi incumbit.

F I G U R A X I.

Porro ipsum os hic conspicitur, tametsi substratum, conspicante extremitate ipsa meatus auditorii extimam partem spectantis.

F I G U R A X I I.

Summa navitate usus Auctor indicat hoc loco labyrinthum, integramque cochleam a petroso ipso processu divulsam. Per A enim exhibetur foramen ad labyrinthum ducens, per B vero alterum foramen, quod ad cochleæ caveam viam sternit. Litera autem D ejusdem cochleæ circum ostendit: quemadmodum literæ C C C semicirculos tres denotant, qui labyrinthum efficiunt.

F I G U R A X I I I.

Litera A hac in Icone semicirculos, viasque demonstrat, quæ ad cochleam ducunt, etsi eadem separata quoque a petroso processu conspicitur, additis foraminulis illis, per quæ mollis auditorius dictus nervus ingreditur. Apparent deinde literæ B B indicantes alios labyrinthi semicirculos effractos, quo facilius cochlea pateat; hæc enim extima parte in hanc rem confracta deprehenditur, ut nimirum semicircularis ejus cavea per literam C in oculos incurrat.

F I G U R A X I V.

HIC quoque mira Auctoris solertia deprehenditur, dum labyrinthum cum suis foraminibus, tribusque supinatis semicirculis a petroso processu affabre sejunxit.

FIGURA XV.

IN hac vero altera Icone semicirculus labyrinthum conflans a duobus aliis divisus apparet, ejusque semicircularis cavea exhibetur, hoc est, una ex ipsius labyrinthi viis intrinsecus conspicua.

FIGURA XVI.

EXiguum tympani os rotundum ab inferiore parte conspectui subjicitur, ubi ipsius tympani membrana adnectitur, atque extensa se prodit. Per literam enim A ejusdem principium superius, per CC cavea, per quam eadem membrana commodius adnectitur, denique per literam B tympani extremitas ab osse petroso divulsa in eam rem conspicitur, ut nimirum non omnino rotundum illud esseprehendatur.

FIGURA XVII.

HOC loco statim oculis objicitur exiguum ipsius tympani os extrinsecus, versus scilicet auditus meatum. Literæ enim AB ejusdem extremitatem indicant, quemadmodum CCC ipsius circulares inæqualitates.

FIGURA XVIII.

TRia vero hic sese offerunt parva tympani ossa, quæ in ipsius cavum absconduntur. Per literam enim D malleus incudi conjunctus: quemadmodum per E ipsius apophysis, per F mallei manubrium versus tympanum, & per G incus denti valde similis exhibetur. Item perspicere licet per literam H illius apophysin, perque I alteram apophysin.

Deni-

Denique ex K conspicitur os stapes dictum, quod cum ipsius incudis processu versus ovatam fenestram locatur.

F I G U R A X I X.

Conspicitur hic pars mallei, qui supinatus apparet. Per literam enim M inferior ejusdem pars indicatur: quemadmodum ex N ejusdem mallei apophysis, exque O manubrium exhibetur.

F I G U R A X X.

Quemadmodum Auctor malleum ab aliis ossibus sejunctum nobis conspiciendum proposuit; ita incudem separatim hoc loco oculis sistit. Hinc per literam P apparet ipsius basis cum duabus apophysibus, iisque divisis, quæ ex literis Q R significantur.

F I G U R A X X I.

Denique os stapes dictum hic quoque sejunctim conspicitur, quod distinctis quatuor apophysibus conflatur. Per literam enim T superior apophysis perforata ostenditur, tametsi sæpe in corporum lacerationibus id non deprehendatur. Hanc autem sequuntur duæ aliæ a lateribus positæ, quæ literis X, & Y indicantur. Denique per literam V ipsius ossis transversus processus, sive basis deformata exhibetur.

TABULÆ XXIV.

FIGURÆ I.

SUA veluti sponte hac in Icone sese in oculos ingerunt vasa, quæ per extimam corporis partem sparsa, sanguinem in cor deferunt, & vulgo venæ appellantur. Qua ex Icone, nisi meus me fallit animus, id potissimum utilitatis percipitur, quod sectoribus, sive Chirurgis facilius innotescat, quibus in locis in ægrotantium commodum incidi venas oporteat.

Ac principio quidem sub oculis per literam A versatur frontis vena, quæ ramis huc illuc ejectis per verticem progreditur usque ad B, unde per cucurbitulas, aut hirudines in summo vertice sanguis extrahitur. Item ex litera C ostenditur temporalis, ut ajunt, arteriæ medius ramus, una cum aliis duobus æF ad latera positis, quibus incisis ad oculorum dolores, inflammationes, aliasque hujus generis ægrotationes sanandas, tum ad alios, atque alios capitis morbos depellendos sanguis mitti solet. Licet inde intueri per literas B E geminos ramos jugularis externæ, quibus ut plurimum retro in auribus hirudines aptantur: quemadmodum per literam G ejusdem jugularis sinistrum majorem ramum, per quem ad pertinaces capitis valetudines solvendas sanguis detrahitur. Item ex litera D duæ ostenduntur venæ inter oculi angulum, & nasum, quarum una major ab interiore jugulari proficiscitur, atque ad frontem fertur. Minor vero est ipsius propago, quæ ad nasi pinnam protenditur, & ex litera H indicatur. Sequitur vena, quam vulgo sublingualem appellant, per literas L K exhibita. Hæc autem ipsius interioris jugularis propago est, quæ cum gula sursum in fau-

Y

ces,

ces, & oris intima sparsa evehitur: unde si sanguis eliciatur, id vocis defectu, & gulæ inflammatione laborantibus maximo erit adjumento. Apparent deinde literæ M M M M M quinque, utrinque ostendentes, ubi humerariæ venæ aperiri solent. Hæ autem ipsæ, quum in flexum cubiti appulerint, tripartitæ, mediæ, cephalicæ, & communis nomina sortuntur. Porro literæ N N N venam illam ostendunt, quæ post cubiti flexuram subter cutem ad carpum accedens, basilicæ venæ nomen sortitur, eaque tribus in locis a sectoribus inciditur. Literæ autem P Q r in extrema sinistræ manus parte denotant illas venas, quas salvatellas appellant. Præterea quum ex Literis L L; tum vero ex lineis ipsis adnexis significantur vasa pectoris, quibus cucurbitulæ admoventur, dum quis laterali morbo conflictatur. Hæc autem ipsa exteriora mammarum vasa sunt. Signum autem hoc * sinistra in parte prope ilci cristam venosum canalem in glutios, quos vocant, vergentem demonstrat. Litera vero X supra genu positam venam, atque ischiaticis vasis respondentem ostendit, quæ quidem vena incisa ischiacis remedium affertur. Item perspicere licet per literam V poplitis venam, quam veteres incidebant existimantes ex magno, & conspicuo vase crassiorrem sanguinem mitti. Literæ vero Y Y indicant venam, quæ ab osse ischio, ex quo nomen sumit, proficiscitur, unde eadem incisa vena, ischiadicorum molestia sublevatur. Rursus signum hoc * ani venas exhibet, quibus hirudines ad sanguinem eliciendum accommodantur: quemadmodum litera q scroti venas ostendit, quæ incidi solent in ipsius scroti inflammatione curanda. Cavendum tamen, ne in ipsius ramicis paracenteli, ut ajunt, incidantur. Denique ex litera R ostenditur poplitis vena, quæ intrinsecus ad genu loco sapphenæ aperiri solet ad salutem multis, variisque morbis querendam, nisi forte quis malit eam in pede incidere, quo loci minores sunt canales literis T T, & S indicati.

FIGU.

FIGURA II.

FEmur hic media in parte discissum exhibetur, ejusque majores ostenduntur venæ, quarum una per priorem, & interiorē tibiæ regionem recta deijcit ramum unum in subditum malleolum, ubi idem clarus, atque conspicuus apparet, & saphena dici solet, ex litera A indicata; altera vero, quam litera B ostendit, cruralis nuncupatur. Saphena autem uteri, sive poplitis venā quoque vocatur in situ, quem litera D exhibet, atque ramos extendit usque ad interiorē malleolum E, & ad pollicem inde F, quibus in locis eandem incidere commodum esse Chirurgi arbitrantur. Numeri denique 1 2 3 4 5 6 7 8 9 10 11 12 ipsarum venarum valvulas conspectui subjiciunt.

FIGURA III.

UT vero Auctor rationem, qua sanguis e brachii venis incisis emittitur, ostenderet, brachium ipsum non modo ab humero recisum, sed etiam ligaminibus devinctum hoc loco exhibuit. Litera enim A basilicam venam indicat, seu axillarem, B mediam, C cephalicam, & D mediam communem extimam: quemadmodum E alteram extimam communem venam paulo elatiorem, & F extimam communem, humilem dictam ostendit, simulque loca, quibus non minus commode, quam utiliter prædictæ venæ inciduntur. Numeri autem 1 2 3 4 5 6 7 valvulas demonstrant extra canalem una cum suis nodis in situ conspiciendas. Illud denique, quod hic manu stringitur, lignum est, quo venæ propter musculorum actionem æquo plus comprimuntur, unde ex iisdem incisis sanguis uberius profluit.

FIGU-

F I G U R A I V.

EXhibetur hac in Icone brachii vena, quæ sua in cavea nobis objicit non modo naturalia foramina, quibus sanguis per totum corpus suam conficit circumactionem, verum etiam fibrarum texturam, ex quibus vas ipsum constat. Hæ fibræ vero aliæ rectæ, aliæ obliquæ, aliæ denique transversæ per totidem lineas exhibentur. In integro autem canali ejusdem Figuræ multæ, ac variæ scissuræ apparent, unde admonemur, qua ratione sectores venam incidant: ita tamen ut hiatus minor rectus, transversusque sit, major autem obliquus. Sub oculis quoque versantur cicatriculæ plus, minusve patentes. Per literas denique B B superiores venarum axillarium processus excissi indicantur: quemadmodum per D C alii ductus ad cubiti flexum pariter excissi, quo facilius innotescat, quomodo intrinsecus eadem vasa fruticentur.

T A B U L Æ X X V.

F I G U R A I.

IN his, quæ sequuntur, Iconibus Auctor in id incumbit, ut complexum nervorum, qui e spinæ medulla dimanantes per totum inde corpus disperduntur, tum spinam ipsam una cum vertebris, ex quibus illa conflatur, ostendat.

Igitur in hac prima Figura conspicienda se offert prima colli vertebra, quæ ducto a fabula nomine *atlantica* dicitur, utpote quæ sustinendo capiti præficiatur simul cum altera vertebra, quæ *epistrophæus*, sive *axis* dicitur. Ac primo quidem per literam A oculis subjiciuntur duo spinosi spondyli, qui ad secundam colli vertebram spectant. Literæ vero B B superiores, & ad latera primæ vertebræ caveas positas, quibus infe-

inferiores ossis lambdoidei processus excipiuntur, ostendunt. Ex litera autem C indicatur ratio, qua memoratæ vertebræ per cartilaginem texuntur, & cohærent. Apparet inde per D processus dentis nomine ob similitudinem insignitus, circa quem summa vertebra cum capite tamquam circa axim vertitur. Per literas vero E E occurrunt transversî ipsius vertebræ processus sursum evecti. Licet inde intueri per literas K K foramina illa a lateribus in ipsis processibus excavata, in quæ venulæ, ac arteriæ commeant ad cerebrum ituræ. Ex litera autem F posterior ejusdem atlanticæ vertebræ semicirculus ostenditur, tametsi spinoso processu destitutus. Denique per G exhibetur magnum foramen, quo spinæ medulla cerebro commissa descendit: quemadmodum per H sese prodit secundæ vertebræ latus cum suis ad latera bifidis apophysibus.

F I G U R A I I.

EXhibentur hic præfatæ duæ vertebræ ad latus sursum evectæ, ut apertius in ipsis conclusæ partes conspiciantur. Litera enim A indicat bifidum, & spinosum processum ad latus secundæ vertebræ affabre locatum. Litera vero I ejusdem vertebræ priorem partem denotat, quæ a lateribus quoque conspicitur. Ex litera B ovatus sinus summæ vertebræ, cujus caput ab ipso sinu excipi nuper innuimus, apparet: quemadmodum per literam E ostenditur summa vertebra intrinsecus, atque ad latus sursum evecta, ejusque sinui finitima. Licet inde intueri per literam D apophysin secundæ vertebræ, quæ in apice inæqualis, atlanticæ motui instar cardinis famulatur. Denique ex litera F semicirculus summæ ipsius vertebræ, quæ spinis ex posteriore parte destituta conspicitur;

Z

& ex

& ex G oculis objicitur foramen, quod intrinsecus cum vertebra ipsa communicatur.

FIGURA III.

AUctor hac in Icone priorem unius ex quinque lumborum vertebrae partem conspiciendam proponit. Literæ enim A A superiorem ipsius vertebrae partem demonstrant, quæ circuli cartilaginei ope aliis jungitur: tum B inferiorem partem cum cartilaginoso circulo ostendit. D vero litera processus ad latera existentes, & litera E binos alios processus, qui alterius quoque vertebrae lateribus adhærent: quemadmodum litera C posteriorem spinosum processum demonstrat.

FIGURA IV.

Ere fore duxit Auctor hic quoque exhibere unam ex thoracis vertebrae posteriore intrinsecus parte conspiciendam. Ac primo per literam A prior vertebrae ipsius planitudo exhibetur; per B ejusdem amplum foramen, per quod spinæ medulla viam capessit, significatur. Ex literis vero H I indicantur sursum spectantes superiores ipsius processus, ubi excepta costarum extrema in motum impelluntur. Insuper literæ C D inferiores, & a lateribus positos processus, costis ipsis inhærentes ostendunt: quemadmodum per literas F G E indicatur spinosus processus bifidus, atque inæqualis, qui instar trianguli sequenti vertebrae cohæret.

FIGURA V.

Sequitur hic altera thoracis vertebra, quæ ex posteriore parte tamquam intuentium aspectibus subjicitur. Litera enim A superiorem vertebrae planitudinem cartilagine cinctam, & cir-

& circumfusam ostendit . Litera autem I indicat superiores processus sursum spectantes , & B ad latus ipsius vertebræ finum , ubi costæ extremitas nectitur : quemadmodum litera D demonstrat foramen medullæ labenti pervium . Per literas EE transversæ ejusdem vertebræ processus exhibentur , perque G spina , sive spinosus bifidus processus , cujus in media posteriore parte vertebra illa affixa sub oculis versatur . Denique ex literis KL deorsum spectantes processus , qui ad latus sunt ejusdem vertebræ , quique in aliam ei subditam vertebram insinuantur , apparent .

FIGURA VI.

UNiversa spina posteriore ex parte una cum suis vertebris , quæ , ossis sacri vertebris exceptis , quatuor & viginti omnino sunt , hac in Icone indicatur . Septem in cervice sunt , quarum primam , quæ atlantica vocatur , A litera denotat . Altera epistrophæa est , cujus bifidus spinosus processus per literam O significatur , qui naturaliter aliquanto sursum exporrectus conspicitur . Licet inde intueri per literam L transversum ejusdem vertebræ processum , quo cum atlantica conjungitur : quemadmodum per B ultimam ex septem illis vertebris , quæ ceteris earum major est , atque adeo ipsas sustinet . Ex litera vero C sese prodit prima thoracis vertebra , quæ numeratis undecim aliis ei subditis , atque colligatis duodecimum conficit numerum , dummodo numerationis initium ex numero 8 ducatur . Advertere hic tamen licet , alteram thoracis vertebram litera O indicatam , posteriorem processum non bifidum ostendere , quod in undecima quoque conspicitur . Per literam autem M posterior , & ad latus positus processus in quarta thoracis vertebra significatur . Hic porro processus non modo

do adnectitur secundæ vertebræ, sed in ipsam etiam sese insinuando in motum agitur: idque quoque ex litera M in duodecima thoracis vertebra ostenditur. Perspicere inde licet per literam L processum transversum in sexta ejusdem thoracis vertebra, hoc est, tertium dorsualium vertebrarum lateribus adhærentem processum: quæ quidem vertebræ cum aliis duabus alio in latere conjunctæ quinarium conficiunt numerum. Has sequuntur lumborum vertebræ, quæ ceteris omnibus ampliores sunt. Litera enim D denotat postremam thoracis vertebra, quam proxima lumborum excipit, una cum trifidis apophysibus. Deinde sub oculis versantur quinque lumborum vertebræ, quæ numeris 20 21 22 23 24 designantur. In harum vero prima ex litera E indicatur transversus ejusdem processus, exque N alter ad latus processus sursum exporrectus, quique inferiori postremæ thoracis vertebræ adnectitur: quodque etiam per literam N exhibetur in lumborum ultimæ proxima, quo loci posterior processus per literam O indicatur. Per literam autem F ultima lumborum vertebra una cum suo processu conspicitur. Sequitur os sacrum, quod inde fortasse nomen accepit, quod unicum in sacrificiis veterum ad aram Numinum immolaretur. Hoc vero sex ut plurimum constat partibus, quarum prima ex litera P indicata, per processum sursum reflexum cum inferiore processu extremæ lumborum vertebræ conjungitur. Porro litera G exhibet ad latus memoratæ primæ partis processum, qui interiori ossis ilei, quod hic desideratur, faciei adhæret. Perspicere inde licet per literam G ejusdem ossis sacri partem, quæ cavis pervia conspicitur usque ad literam Q, ubi eadem interiori ilei lateri adnectitur. Item ex litera R ad latus ostenditur posterior præfati ossis pars, quæ usque ad posteriorem ilei semicirculum per literam P exhibitum in motum impellitur. Contra literæ VV tres spinosos sacri ossis processus

cessus exprimunt, & numeri 2 3 4 5 in eandem rem ad foramina interjecti plures e spinæ medulla prodeuntes, plurimasque in partes abeuntes nervos oculis objiciunt. X vero litera oblongam denotat caveam, ubi intrinsecus nonnulla foramina descriptis majora deprehenduntur. Sub oculis deinde est per literam S ossis sacri extremum, & per H ejusdem latus, perque I tria ossicula ossis coccygis exhibentur, quorum primum per T, ultimum vero, cartilaginofum illud quidem, & acutum per literam K indicatur.

FIGURA VII.

HAC vero in Figura oculis subjicitur spinæ medulla posteriore parte extra vertebrae conspicienda, simulque apparent nervorum ramusculi quasi in unum per varios fasciculos compressi, atque coarctati, ex quibus singulæ exilium ejusdem spinæ nervorum surgunt conjugationes.

Ac primo per literam A principium exhibetur in cerebello recisum, illudque ad quartum cerebri ventriculum, qui ibi exprimitur, spectans. Numeri autem 1 2 3 4 5 6 7 septem nervorum, quos cervicales appellant, paria demonstrant. Litera vero B primum cervicis dexterum nervum; C autem ipsius postremum indicat. Posterior tamen spinæ medullæ pars, quod pertinet ad septem hæc nervorum paria, membranis, dura scilicet, & pia matre, penitus in eam rem exuta conspicitur, ut alba medullosa pars, nervusque quilibet appareat. Præfati autem nervi quasi sub finem veluti quadam vagina contexti exhibentur. Hos porro cervicis nervos dorsuales sequuntur, qui ortum trahunt ab illa spinæ regione, cui parva stella præfigitur, & numeris 8 9 10 11 12 13 14 15 16 17 18 19 continentur. Etenim per literam D primus, & dexter dorsualis nervus ostenditur.

Omnes autem dorsuales, qui sequuntur, nervi ad eam normam exacti sunt, quam cervicis nervi, de quibus supra loquuti sumus, præseferabant: hoc est, singuli in tot veluti fasciculos colligati, ac communibus membranis denudati conspiciuntur, quarum portio sub finem ipsorum nervorum instar alicujus vaginæ oculis objicitur.

E lumbis inde quinque nervi efferuntur, qui præterquam quod numeris 20 21 22 23 24 includuntur, præterea primus eorum litera F, postremus vero litera G indicatur. Ex osse sacro denique quatuor, qui utrinque excidunt, nervi proficiscuntur, & tum literis H, & I, tum numeris 25 26 27 28 significantur. Animadvertendum tamen est, quum in superioribus illis lumborum, tum vero in postremis hisce ossis sacri nervis eandem seriem, rationem, atque ordinem deprehendi, quibus ceteros antea a nobis indicatos exprimi, ac describi nuper docuimus. Ex quibus colligi potest, omnes e spinæ medulla tractas conjugationes esse duo de triginta: septem quidem e cervice, a dorso duodecim, quinque ex lumbis, ab osse sacro quatuor. Denique e coccygis, & caudæ extremo nervum conjugii expertem deducit Auctor, quem litera K exhibet, eumque in unum quoque fasciculum ceterorum more conjectum.

T A B U L Æ X X V I.

F I G U R A I.

Superest ea pars, quæ ad universam osseam cratem, quam Græci σκέλετον vocant, pertinet. Quæ quo facilius accipi possit, non minus positum, ordinem, quam figuram ossium exhibet Auctor hac in Icone.

Ac principio litera A coronariam futuram ostendit, B autem os frontis, & Z os ipsum sui processus ope cum nasi acumine conjunctum significat. Sese offert deinde per literam d processus zygomaticus dexter, & per x superior, perque T inferior maxilla exhibetur. Item ex D postrema cervicis vertebra, & per K dextera clavicula, tum per literas aa eadem clavicula cum acromio, & scapula connexa conspectui subjicitur. Perspicere inde licet per H primum sterni os, per I oblongam cartilaginem, quæ a Græcis *Ειφωιδης*, id est, ensis effigie ducta nuncupatur. Numeri vero 1 2 3 4 5 6 7 8 9 10 11 12 costas utrinque duodecim denotant, quæ cum pectoris osse committuntur extremis cartilaginibus, & in leves sinus illius ossis conduntur: quam ob rem integræ, & perfectæ appellantur. Quæ vero neutiquam ad os pectoris perveniunt, sed inchoatæ, & quasi mutilæ in cartilagines finiuntur, nothæ, & adulterinæ nuncupantur, & quinque numero sunt. Cartilago autem singularum costarum per literas æ exhibetur. Præterea litera E indicat ex quinque lumborum primam vertebra, tum ipsarum vertebrarum basim, & a lateribus emergentes processus. Sub oculis inde versatur litera B exhibens summum dexteri humeri caput, in sinistra scapulæ sinu collocatum, quemadmodum per b ipsius sinistra scapulæ cavea, perque L scapula ipsa significatur. Apparet præterea per literam M prior humeri pars, tum per N exterior ejusdem processus, qui in cubiti summa parte trochlearum more convolvitur. Sub oculis inde est per græcam literam ς superius radii caput, quod rotundum est, & leviter sinuatum, & exiguum humeri nodum excipit: quemadmodum per P radii progressus, ejusque media, quæ hiantia sunt, inæqualia, atque disjuncta, ostenduntur, & per alteram hanc literam Y ejusdem caput inferius; amplum illud quoque, & rotundum apparet, cui palmæ pars summa
infi.

insistit. Porro autem per literam Q cubiti os exhibetur, & per C ipsius cubiti extremum radio colligatum, perque O radii extremum indicatur: quæ duo ossa hac inferiore parte ad primam palmæ partem coeunt, occurritque cubitus minimo digito, radius pollicis. Literæ autem R R septem carpi ossicula demonstrant, quæ in duos ordines, eosque inter se inæquales distributa conspiciuntur. Sequuntur quatuor metacarpi ossa inferius suis cum tuberculis per literas S S indicata. A singulis autem hisce ossibus singuli digiti directe porriguntur, uno pollice dempto, qui oblique metacarpo videtur additus. Externis ossibus digiti constant singuli, præter pollicem tribus constitutum, priorisque nodus consequentis finem perpetuo subit. Porro per literas T T ipsa digitorum ossa apparent in tres ordines divisa, quæ, dummodo pollicis ossa excipias, duodecim omnino numerantur. Insuper litera F denotat os sacrum, ejusdemque priorem partem, quæ cum aliis ossiculis ipsum conflantibus conjuncta deprehenditur. Literæ vero V V ilium ossa intrinsecus cava, & cristam ad eorum dexteram partem positam demonstrat: quemadmodum per G sub oculis est coccyx, seu cauda, quæ in tria ossicula dividitur. Apparet inde litera X indicans coxendicis acetabulum, in quod conjunctum femoris caput convolvitur. Conspicitur quoque per Y os pubis, ejusque prior pars: tum per literas i i perspicitur summa femoris pars, quæ in coxendicis acetabulum reconditur. Licet inde intueri per literas o o exertam femoris cervicem, sive collum, & per d d ipsius femoris processum, hoc est, majorem trochanterem, qui foras exilit; perque e e sinistram trochanterem, qui præfato minor sese prodit. Item ex literis Z Z ipsum femur, tum ex hoc signo & ostenditur extremum femoris tuberculis duobus inferius discretum, quibus idem cruri coheret; ut per g exhibetur sinistram tuberculum, quod

quod a fibulæ sinu excavato excipitur, & per literas f f, patella, cui poples est a tergo. Græca autem litera ε, summum tibiæ caput, ejusdemque ad latus processum, quo ipsa cum femore jungitur: quemadmodum altera græca litera π dexteram suram, sive fibulam denotat, ejusque apicem, qui extrinsecus ipsi tibiæ a lateribus adnectitur. Porro autem per literam g oculis objicitur sinistra sura, ejusdemque ad talum progressus, & per i media dexteræ suræ inæqualitas, & per l ipsius dexterum extremum, quod parti infimæ ejusdem tibiæ adhæret. Tibiæ, suræque partes infimæ non modice, utrinque prominentes, & carne nudatæ malleoli sunt. Hæ talum n, a lateribus ne excidat, arcte comprehensum firmant. Sub oculis inde versantur per literas m m extrema tibiæ latera, quæ hac eadem de causâ intrinsecus malleolos conflant: quemadmodum per n indicatur os talum, quod tibiæ fornicatum extremum excipit ea parte, cui & astragalo nomen est. Litera vero h exhibet os calcis sinistrum cum naviculari conjunctum, ut literæ o o tarfi latera, & p q r s ea significant ossa, quæ simul cum calcis, & naviculari ossæ ad dexterum tarsum conficiendum conspirant. Denique per literas t t oculis subjiciuntur metatarfi ossa, quæ, præter pollicem, quatuor omnino sunt: tum per u u quatuordecim ossa digitos omnes explentia ostenduntur.

F I G U R A I I.

TExtum cunctorum ossium, & compaginem ad latus conspiciendam hac in Icone Auctor ipse proponit.

Ac principio per literam A indicatur pars, quæ ad latus est, coronarii ossis, & futuræ; per B ejusdem prior pars, per Einciput dexterum, per F occipitium, perque G os, quod usitatore vocabulo petrosus appellatur. Item ex lite-

B b

ra

ra D squamosa ossis temporum futura, ex H lamdoidea quoque futura, & ex K zygomaticus processus ostenditur. Numerus porro 10 indicat genarum os, ubi se exhibet pudor; tum litera I sphenoidis ossis portionem, & litera o coronoidem inferioris maxillæ processum parum a condyloide semotum significat. Licet intueri per L dexterum ejusdem maxillæ latus, per M N septem colli vertebrae, earumque ad dexterum latus processum spinosum, perque P primum sterni os: quemadmodum per Q cartilago, quam mucronatam dicunt, & per R dextera clavicula exhibentur. Præterea numeri 1 2 3 4 5 6 7 8 9 10 11 12 costas indicant, & cartilaginum extrema; S vero denotat scapulam, ejusque superiorem partem, & a ipsius acromion, & b coracoidem processum ostendit. Graeca contra litera ε scapulæ cervicem, & altera græca litera θ humeri caput demonstrat. Sub oculis inde versantur per literas TT humeri ipsi, quorum dexter extrinsecus, sinister vero intrinsecus apparet. Insuper per C quum sinistri radii, tum cubiti quoque initium exhibetur, per T posterior, inferiorque sinus dexteri humeri, cui cubiti extremum inferitur, perque C cubiti dexterum os, atque ejusdem caput conspiciendum se offert. Porro oculis quoque objicitur ex litera o inferior humeri processus, & per s rotunda ossis radii cervix humero ipsi connexa: quemadmodum litera V summum ossis cubiti caput, & Y Y utriusque cubiti progressum significant. Conspectui item subjicitur litera Z indicans os radii carpi versus extantum, tum p exhibens ejusdem dexteram epiphyfin, & græca litera π dexteram quoque cubiti epiphyfin demonstrans. Per literas autem e e sese offerunt utriusque carpi ossa in duos ordines divisa, quæ in utraque manu quatuordecim omnino sunt. Deinde litera x denotat radii extremum sua cum epiphyfi, & d radii dexterum os, atque adeo ipsum cubitum, cui est

est carpo adhæſio . Sequuntur literæ ff indicantes metacar-
pum, ideſt imam palmam, quatuor offibus contextum: tum
litera g exhibet dextera in manu digitorum offa, quæ dem-
pto pollice, duodecim omnino ſunt, & in tres ordines di-
viſa conſpiciuntur . Perſpicere quoque licet per literam O
poſtერიem apophyſin primæ lumborum vertebræ . Græca
contra litera μ tertiam vertebram ſimul cum ſuis proceſſibus
poſtერიore parte ſeſe aliquantulum exporrigentibus, iſſque in
multos item, ac varios diviſis oſtendit . Altera vero græca
litera α extremam indicat lumborum vertebram, quæ valide,
& a lateribus offi iſchio conjungitur . Præterea ſub oculis eſt
per literam h ſiniſtrum os ileum intus ſinuatum . Numerus
vero 3 dexterum ilei criſtæ verticem, & 4 os ipſum ileum
ad iſchium uſque ſeſe extendens demonſtrat . Porro ex lite-
ra Z prior ejuſdem ilei offis proceſſus apparet, qui per lite-
ras quoque i, & K propagatus exhibetur: quemadmodum
ex i dexterum iſchiũ os, & ex l os pubis oſtenditur, quod
amplo, & oblongo patet foramine . Numerus inde 7 deno-
tat femoris caput in acetabulum ſuũ conjeſtum, & nume-
rus 6 femoris cervicem, ſive collum ſignificat: ut litera n
dexteri femoris proceſſum, vulgo trochanterem magnum, &
m ipſum femur dexterum media ſui parte conſpiciendum
oſtendit . Sequitur litera x indicans inferius femoris extre-
mum, quod priore ſui parte exhibetur . Item literæ o o ge-
nuum rotulas indicant, & p femoris proceſſus cum ſuræ ca-
pite colligatos exhibet . Per græcam autem literam ω ſupre-
ma ſuræ pars, & per ι ſummum tibiæ caput inferioribus
femoris proceſſibus adhærens exhibetur . Ex litera vero r ipla
tibia indicatur, quæ talum verſus procedens excipitur
parte tali, cui & aſtragalo nomen eſt . Jam vero litera s me-
diam ſuræ partem, & q ejuſdem extensionem uſque ad ex-
teriorem malleolum oſtendit: quemadmodum x ipſum tali os,

una-

u naviculare, z cuboidem, y calcanei ossis extremum, & t partem ossis tali ad latus positam demonstrat. Sequuntur græcæ literæ α ε δ γ υ indicantes quinque ossa, quæ monti pedis nuncupato, sive tarso impacta sunt, quæ quinque pariter imæ plantæ, sive metatarsi ossibus in dextero pede connectuntur. Denique per numerum 9, literamque q ejusdem metatarsi ossa introrsum arcuata, perque N N quinque ossa, ex quibus digiti conflantur, apparent. Hæc porro terna sunt in singulis digitis, si pollicem excipias, qui duobus tantum constat.

FIGURA III.

O Sscam ipsam compagem, qua parte dorsum spectat, Auctor hic exhibet conspiciendam.


Litera enim A frontis os ostendit, E sinistrum sinciput, C sagittalem, quam dicunt, futuram, B lamdoideam, G occipitium, F sphenoidis ossis portionem, D sinistram ossis temporum squamosam futuram, denotat: quemadmodum H ipsum temporum os, seu bregma, I processum mastoideum, L jugalem, seu zygomatium, K genarum os, & M inferiorem maxillam demonstrat. Ex litera vero g ipsius maxillæ condyloides, & ex q coronoides apophysis indicatur. Licet inde intueri per literam H primam cervicis vertebra, quæ trito apud Anatomicos vocabulo atlantica nuncupatur, per O thoracis primam vertebra, per P primam lumborum, perque Q eorundem postremam ceteris ampliorem. Sub oculis item versatur per literam K ad latus processus quartæ vertebrae lumborum. Ex græca vero litera α inferior ipsius processus apparet, idem a lateribus positus: ut per græcas quoque literas γ ο posteriores apophyses non magis tertiæ, quam quartæ lumborum vertebrae indicantur. Exhibet inde
lite-

litera R ossis sacri extremum, a quo os aliud appensum demittitur, quod Græcis *ῥήκνυξ*, nostris cauda dici possit. Præterea per numeros 1 2 3 4 5 6 7 8 9 10 11 12 æque veræ, ac nothæ, sive adulterinæ costæ exhibentur, quarum veræ illæ sunt, quæ in interiora leniter flexæ committuntur cum osse pectoris; inchoatæ autem, & quasi mutilæ dicuntur illæ, quæ in cartilaginem versæ extremis abdominis partibus inhærescunt. Sub oculis quoque est per literam T posterior scapulae pars, per literas VV acromion, perque SS coracoides processus indicatur. Insuper ex græca litera *μ* humeri caput, ex o cervix, ex X humerus ipse, ac media, exteriorque ipsius pars ostenditur. Item altera hæc græca litera *ξ* exteriorem humeri processum denotat, Y vero cubiti apophysin, quæ ab inferioribus humeri processibus excipitur: quemadmodum per b cubiti, radiique media, quæ etsi naturaliter hiantia sunt, & disjuncta, hic tamen coeunt; occurritque radii extremum V primis carpi ossibus. Porro autem litera a indicat ipsum cubitum, Z vero cubiti pariter extremum intrinsecus ipsi radio adnexum ostendit. Sequuntur literæ CC ostendentes carpum cum suis ossibus: tum per d exhibetur primum metacarpi os ad pollicem contendens, & per e ultimus nodus medii digiti dexteræ manus, ac per f præterea exterior ilei ossis portio, perque g ostenditur ipsius apophysis, quæ in femoris acetabulum sese immittit. Porro græca litera *π* denotat oblongam caveam, quæ ut plurimum ab ileo osse conflatur. X vero litera indicat posteriorem ejusdem cristam, quæ a lateribus ossi sacro valide adhæret. Per græcas autem literas *α φ* ipsius apex, qui cartilaginibus contigitur, per T prior ossis ilei pars, per græcam item literam *π* finistrum femoris caput, perque *z* femoris ipsius cervix demonstratur. Insuper perspicere licet ex litera i magnum trochanterem, ex l minorem, sive parvum, ex h non minus me-

dia femoris pars, quam ejusdem inæqualitas indicatur. Literæ vero M M genuum rotulas exhibent, & græcæ literæ o o o o posteriores apophyses ossium femoris denotant: quemadmodum n summum sinistræ tibiæ caput, & s ejusdem tibiæ extensionem, cui ipsum femur adnectitur, ostendit. Apparet inde per literam s summum suræ caput, quod extrinsecus ipsi tibiæ adhæret, per q eadem sura ad tali usque latus progrediens, perque s memoratæ suræ tuber significatur, ex quo in pedis monte externus malleolus efficitur. Porro litera p indicat medium tibiæ, & r ipsius extremum, quod intus alterum malleolum constat. In conspectum deinde se prodit per literas t t uterque talus, qui ceu basis utriusque tibiæ subjicitur, & per u u calcis ossa extrinsecus apparent, perque o cuboides os talo priore parte conjunctum conspicitur. Præterea sub oculis est per y exterior pars navicularis ossis, & per Y inferior ejusdem pars, quæ in ima pedis planta arcuata deprehenditur: quemadmodum per B c tria alia parva ossa, quæ ad tarsum efficiendum conspirantia cum nonnullis primis metatarsi ossibus apta, colligataque conspiciuntur. Denique græcæ hæ literæ α α indicant quinque ipsius metatarsi ossa, quæ non minus summam, quam imam pedis plantam spectant, & hæc duo signa ε ε tres ossium ordines denotant, quæ simul cum aliis extremi pedis digitos efficiunt.

TABULÆ XXVII.

FIGURÆ I.

 Uas supra recensuimus corporis humani partes, satis esse viderentur ad singularum naturam, positum, ac figuram indicandam, si in eis considerare posset, & contineri feminarum quoque structura, ac machinamentum. At vero quoniam hoc ipsum in earum explicatione partium prætermittendum erat, idcirco in hac ultima Icone, Auctore præeunte, id nobis ipsi proposuimus, ut duo, quæ feminis sunt, ventris cava e priorè regione, & a lateribus conspicienda exhiberemus, additis eorundem partibus. Imus vero venter, seu abdomen apertum conspectui subjicitur, quo facilius uteri, aliorumque illuc conspirantium vasorum positus observari possint.

Ac primo literæ R R R imi ventris integumenta discissa, & ad latera utrinque revoluta ostendunt, additis abdominis ipsius musculis, & peritonæo. Per literas vero A A sese produnt costarum nervi, quos gangliiformes vocant, tum eorundem in lumborum vertebrae insitiones, quæ sepius instar plurimis ductibus fruticantur. Licet inde intueri per literas D D D nervum illum gangliiformem, qui tres insignes ramulos sinistrorsum expandit, arteriam majorem amplectentes; quemadmodum per F F venarum vasa, quæ in uteri ovaria, ut ajunt, feruntur, perque P P lumborum muscoli indicantur. Præterea ex litera E exhibetur dexter magni lumborum nervi processus in os sacrum contendens, & ex G læva ilium arteria multis, variisque ramis ad inguen usque propagata, cui sese inferere conspicitur. Item per literam B sub oculis versantur ramusculi gangliiformes dicti, qui ad uterum vergunt: tum per O apparet succisa coli intestini pars;

pars, quæ in subditum uterum excurrit. Porro autem litera C denotat descendentem truncum majoris arteriæ, & literæ I I tum dexteram, tum lævam ilium venam demonstrant, quæ in duos insignes ramos, qui usitatore vocabulo hypogastrici appellantur, divisa, perque gangliiformes nervos progrediens, in uteri latera contendit. Denique per literam K sub oculis est exterior uteri pars, per literas M M feminarum testiculi, sive ovaria, ut ajunt, per N ipsius uteri tuba, quæ a repertore *Falloppiana* nuncupatur, perque Q mons veneris significatur, qui super vulvæ cervicem, quam canalem vocant, se ostendit.

FIGURA II.

SUblatis integumentis communibus, & ab utraque parte huc, atque illuc volutis sese primo oculorum intuitu conspiciendum offert foetus, ea quidem ratione, qua feminae certo mensium spatio eundem continent. In hac autem postrema Icone nihil visum est addere, propterea quod jam in superiore totam uteri texturam, & quidquid ad ipsum uterum spectat, satis superque indicavimus.

FINIS.


ROMÆ . clp. Is. cc. xxviii.
 EXCVDEBAT . IOHANNES . ZEMPEL . TYPOGRAPHVS
 DE . VIA . VRSI . AD . D. LVCIAE
 SALVO . DOMINO . NOSTRO
P I O . S E X T O . P O N T . M A X.
 B. R. P. NAT.
 PONTIFICATVS . EIVS . ANNO . xiii.
 QVI . VIVAT . FLOREAT . FELIX . IMPERET

le-
I
uæ
ri-
re-
lib
m
s
ns
a-

te
tu
ni-
m
m
m

s

TAB VLA . I.



Φ Petr. Berret. Corton. delin.

TAB. II.



TAB. III.


FIG. I.




FIG. III.




FIG. II.





TAB. III.



TAB. V.

FIG. I.



FIG. II.

TAB. VI.




TAB. VII.





TAB. IX.





TAB. X.

FIG. I.




FIG. II.





TAB. XI.

FIG. I.




FIG. II.



F




TAB. XII.





T A B . X I I I .


FIG. I.



T A B . X I I I .



TAB. XV.






FIG. I.



TAB. XVII



TAB. XVIII.


FIG. I.





TAB. XIX.

FIG. I.




TAB XXI

FIG. I.



II




III



III




VI














V













TAB. XXII.

FIGURA. I.





TAB. XXIII.






FIG. I.






FIG. I.



FIG. II.




FIG. VI.




FIG. III.







FIG. IV.



FIG. V.






TAB. XXVI

FIG. I.

FIG. II.

FIG. III.



TAB

Figura I.



Figura II.

